



Theodore
Besterman

101

S.

P.







and this having
been done
the
Mr. —

over to
the
a —



PETRI COSTALII
PEGMA,

Cum narrationibus philosophicis.



L V G D V N I,
Apud Matthiam Bonhomme.

1555

CVM PRIVILEGIO REGIS.

Digitized by the Internet Archive
in 2011 with funding from
Research Library, The Getty Research Institute



Extrait du priuilege.

PAR priuilege expres du Roy nostre Sire en date du septiéme de Mars l'an mil cinq cens cinquante trois , qui a esté publié & enregistré en la Cour de la Seneschauce de Lyon , il a esté permis à Macé Bonhomme Libraire & Imprimeur de Lyon,d'imprimer , & faire imprimer de telz characteres que bon luy semblera,mettre en vente,& debiter le present liure , intitulé, P . Costalij Pegma, cum narrationibus philosophicis.auquel liure ledit Bonhomme se seroit mis en frais & de- spence pour faire tailler figures & histoires respon dantes à la varieté des epigrammes y compris : & aussi l'auroit fait traduire es langues vulgaires. Parquoy sont faites defenses à tous libraires & imprimeurs de ne faire pourtraire & tailler les dictes histoires , ny imprimer ledict liure en forme & maniere , que ce soit , ou de ceux qui auroyent esté contrefaictz ou imprimez ailleurs , n'en apporter ny exposer en vente es païs , & terres de ce Royaume, durant le temps & terme de six ans , commenceans du iour que l'impression du present liure sera paracheuée , avec grosses peines contre ceux qui contreuien dront directement , ou indirectement au-dit

Priuilege. Par-lequel est permis d'insérer pour toutes defenses & significations le sommaire du-dit Priuilege , au commencement, ou sur la fin du présent liure, ainsi que plus amplement est contenu au Priuilege susdit .

*Ledit liure a esté acheué d'imprimer
le dixiéme iour du moy de Janvier,
l'an mil cinq cens cinquante cinq.*



PETRVS COSTALIVS
ANTONIO COSTALIO

F R A T R I

S. D.

O L E N T nostri, qui sub
aliorum nomine libros suos in
manus hominum peruenire
volunt, illis consecrare, de-
dicare, nūcupare. utar enim
eorum verbis. quōd opinor exi-
stiment se aut nēpas ἀμαλθēas dare, aut κκέλον ali-
quod fundere, aut forte vineam Aristobuli in tem-
plo Iouis consecrare. Ego verò quo te mi frater mo-
do hac in re affari possim, nō planè scio. Quia enim
mihi ex apertissimis benevolentiae tuæ signis cer-
tò perspectum est, tibi in hoc genere officium
placere meū, absurdum est me id mihi domestico
testimonio sumere, vt ei qui nobis tantum gratiæ
& iudicij largiatur, aliquid videar donare velle.
Est enim hominis impudentis & ingrati, id alteri
beneficij loco ponere, in quo ab eo non vulgari stu-

dio & officio cumuletur. Quæ est igitur illa in
 dedicandis libris tam insolens prædicatio? nihilne
 dant, qui in eo officij genere alterius ora vul-
 tumque contuētur? maximè sanè, apud eos qui se
 plurimum dignitatis & honoris ijs deferre putat,
 à quibus quasi patroni sunt electi. Malo verò ista
 Persium legere & ridere, quam ijs addici, qui in
 nomine suo tantum authoritatis & dignationis es-
 se putant. At tu mihi non es in hoc albo: cuius ami-
 citiam & coniunctionem omnibus clientelis ante-
 pono libenter. Quia igitur aut nihil est, aut opinor
 valde modicum, quod à nobis ad te proficiat, cito
 non utare eorum verbis, quibus penè maiestas po-
 puli Romani & splendor V R B I S A E T E R N A E
 continetur: quasi eos immortalitate donari putem
 ad quos scripta nostra miserimus. id enim neque in
 Cymbalo illo mundi, sic enim Tiberius Cæsar A-
 pionem grammaticum vocabat, veterum modera-
 tio ferre potuit: sed feres & quo animo voluntatem
 meam ad præsidium necessitudinis nostræ appli-
 cari, ut ea studia quæ nobis pueris fuerunt periu-
 cunda, etiam grandioribus ad animi ægritudines
 salutaria esse possint. Vale. Lugduni Nonis
 Januarijs, 1555.

PEGMA,
CVM NARRATIONIBVS
PHILOSOPHICIS.

In simulachrum Iustitiae.
Ex Chrysippo.



Quæ Dea, quæ bino geminos fouet ubere fœtus,
Et pia sollicitæ munera matris obit?
Iustitia est penso chara perfuncta parentis:
Dextra fouet bellum māma, sinistra togā.



QVAE dux res in liberis populis, iisque cuius
 tatus, quæ aliquando rerum potitæ sunt,
 plurimum semper valuerunt, eas certè dignitate
 sua Iusititia vna est complexa: bellissimèque illas
 uno genere Chrysippus colligauit, quarum con-
 sensus prope est sempiternus. Vt enim parua sunt
 arma foris, nisi sit consilium domi: ita neque pro-
 bè Respublica in officio esse potest, nisi militari
 disciplina se ipsa tueatur. quarum rerum splen-
 dor præstantissimus umbraculis iustitiæ contine-
 tur. Iam verò & Iustinianus sacratissimus Impera-
 tor non aliis præfidiis maiestatem populi Roma-
 ni retineri posse iudicauit, quām rerum urbana-
 rum & bellicarum disciplina: quarum vnam si à
 gubernaculis ciuitatum remoueas, diutius impe-
 riū stare non possit. Itaque Romani cùm armis
 Romuli, firmissimis initii florentem Remp. acce-
 pissent, Numam ex Sabinis euocarunt: vt eo res ge-
 rent ad militarem gloriam laudes togatæ accede-
 rent. Nam & eam Remp. quam primūm auspiciis,
 deinde verò bellica vi Romulus statuisset, non exi-
 stimarunt ij, quos maiorum gentium patres ap-
 pellarat, diutius teneri posse, nisi & legibus & vr-
 banarum rerum administratione firmaretur. Ex
 quo & à multis Lycurgus summus apud Spartā le-
 gislator, in inuidiam vocatur, quod in legibus iu-
 bendis magis belli quām pacis rationem habui-
 set. Ac profecto veteribus illis quærēdū visum est
 vtra harū rerū alteri præstātia antecederet. In quo
 diffi-

difficilis forsitan fuerit rerum tantarū comparatio. Nam cùm ea quæ & foris & domi fiunt, consilio æquabiliter gerantur, bonum certè senatorem & ciuem imperatori non concedere aptè quis existimauerit. Si verò ad eum splendorem cogitatione deducitur, qui in rerum gestarum magnitudine inest maximus, mea quidem sententia difficile factu fuerit, imperatorem togatis hominibus non anteponere. Quis enim non videt ex rerum belli- carum peritia, maiora quām ex domestica tempe- ratione adiumenta ciuitatibus omnibus esse in- uecta? neque enim tantum priuata Demosthenis eloquentia attulit, vt Philippum statum Atheniē- sium non mediocriter labefactantē, potuerit coēr- cere. quod tamen memoria patrum in potentio- ribus inimicis Miltiadis & Themistoclis virtus perfecerat. Neq; etiā tantum in Rep. Romana Se- natus consilia valuerunt, vt Cæsarem regium prin- cipatum affectantem aris & focis prohiberent. Vt cunque verò se res habeat, facilis æstimantibus coniectura est, vtranque disciplinam in rebus ge- rendis plurimūm semper ponderis habuisse. Nam & Pyrrhus, qui multos annos de imperio cum Romanis dimicauit, tantum consilio & eloquētię Cyneæ legati sui tribuit, vt diceret plura eloquen- tia illius quām armis suis, se oppida domuisse. quod genus vrbanæ virtuti ascribitur. Ornamen- ta verò vtriusque rei in tutela Iustitiæ iacent. Quē enim cum laude populo præfuisse dicas, nisi ali- quos qui in vrbe, & castris ius dicant, constituat. Et Scipio quidem Africanus cùm summo reipu.

tempore Imperator cum exercitu à Senatu esset
 appellatus, non prius de hoste armis prouocando
 consilium cepit, quām in eos iure & legibus cōsti-
 tuisset, qui aliquid tetri admississent, & meretricū
 greges reliquaque omnia, quæ ad animos homi-
 num effeminandos valent, longè à castris aman-
 dassent. Et quanquam vetus fuerit multorum sen-
 tentia, Inter arma, leges & iustitiæ vniuersæ semi-
 naria conquiescere, atque ubi intonuit classicum,
 præstantissima illa pacis & togæ studia de mani-
 bus excuti: illud tamen est reliquum militiæ vin-
 cula in iustitia sita esse. Quid enim si stationem mi-
 les deserat, aut contra edictum Imperatoris manus
 cum hoste cōferat, neque ex lege militari ad
 pœnam expeti possit, quicquāmne ti-
 bi ab eiusmodi exercitu fortiter
 aut præclarè geri posse vi-
 deatur? Iustitia igitur
 vtrunque tēpus &
 belli, & pacis
 modera-
 tur.





*Aliud in Iustitiam, ex Nigidio.
In sordidè iudicantes.*



Vah qui inculcatis audes sperare querelis
 Iustitiam æherei linquere regna poli.
 Illi signifero sedes ascribitur orbi,
 Et clari ante oculos Arcto, hylacis abit:
 Quâ locus ad libram & radiantis membra
 leonis
 Finditur, & duplice dividit astra sinu.
 Huius nostrorum sordes & stupra deorum
 Moverunt iusta debita sceptræ manu.



NARRATIO PHILOSOPHICA.

NIGIDIUS figulus & doctrinæ studiis, & administranda Rep. facile princeps, iustitiam in Zodiaco inter libram & leonem sedere existimauit. Quod etsi minus forsan à magistris suis, aut etiam astrologorum sermonibus didicisset, hoc tamen illi in mentem venisse in suspicionem venio, quod agentes in rebus, iij; qui iurisdictioni præfunt, vel omnium maximè ad quodlibet iniustitiæ genus constiterunt. Quod temporibus illis accidisse minimè forsan sit mirandum, quibus nōdum veritatis Euangelicæ dies illuxerat. Nunc verò ætate nostra cui tantum beneficium facta non inuidetur, luctuosum sanè est sordibus eorum, quos Moses in Pentateucho suo deos appellat, tantum iustitiæ patrimonium direptum esse. Quod si eam iustitiam maiores nostri appellauerunt, quæ ius suum cuique, hoc est iudicanti tribuat, aptè profectò nostros homines acerrimos iustitiæ propugnatores voces. Quid enim & opis & instrumenti ad hominum negotia adferunt, qui priuatis cōmodis solùm incitati in præclarissimis illis munib⁹ ita versantur, ut magis suum quām litigantium negotium agere dicas? Ac si volumus temporum nostrorum historiam, & ea quæ testata antiquitate patres nobis prodiderunt, despicerem⁹, quē quæso à tot sæculis inter nostros homines reperrias, qui nulla mercede in illis ordinibus federit? quis propria quadam animi incitatione vñquam iudicauit? quis eorum precario ius dixit? Quæ laus etsi iis qui se ad Dei præscriptū nutumque cōueit

ierterunt, minimè sit necessaria, dolendum est ta-
 nen inter Christianos homines, quorum propriū
 est omni officiorum genere præstare, qui hac vir-
 ute excelluerit, repertum esse neminem. Quòd si
 quis tam religiosus morum magister esse velit,
 t hanc animi elationem, cæterasque alias virtu-
 es, quæ proximè ad perfecti speciem accedunt,
 n vulgo defyderet, nimiæ seueritatis teneri meri-
 ò sit iudicandus. Qui autem in ciuitate principa-
 um gerunt, & iis artibus quæ libero homine di-
 gnæ sunt, ornati omnibus, soli de dignitate & ho-
 nesto, soli de expetendis & fugiendis verba fa-
 ciunt, magnopere certè sint reprehendendi, nisi ex
 Platonis sententia, obliti commodorum suorum
 ad Rempublicam accesserint. Ac si per illos licet
 nostra cum extēnis conferre, videmus eos quos
 us veteris hospitij societate nobis deuinxit, sub-
 atis formulis de causis priuatis & publicis sine
 nercede iudicare. Quid enim ad iudiciorum di-
 gnitatem splendidius, quid ad litigantium leua-
 tionem aptius esse possit, quam ea liberaliter con-
 ferre, à quibus fides & præmia non solum sacra,
 sed & profana monimenta sustulerunt? Nostri au-
 tem maximis nominibus sibi eos, quorum res agi-
 tur, deuinctissimos esse arbitrantur, si magna pe-
 cunia sententiam dixerint? Nam præter id quòd
 pecuniam ingentem & sapissimè extra ordinem
 sportularum nomine imperant, plurimum tamen
 sibi gratiæ deberi opinantur, si quæstionem totā,
 sicut eorū fides & officij ratio postulabat, ad exi-
 tum perduxerint. At enim quis apud eum iustitiæ,
 quis

quis æquabilitati locus esse potest, qui in obeundis magistratibus sequitur pecuniam ducem: cui tamen cum iustitia æterna est dissociatio? Neque verò tantum apud omnes bonos inueterata cōsuētudo momenti habet, vt ea homines nostros inuidia tantæ cupiditatis & auaritiæ leuare posse: quæ si vñquam ad sceleris excusationem valuit, hoc opinor minimè hac in causa cōcedendū erit: in qua qui versantur, ab omni pecuniæ appetitione alieni esse debent. Sed quia admiratione diuiniarum illud immortalitate dignum iustitiæ decus apud homines in summa neglectione iacet, non est mirandum, si Astræa illa Dea hominibus relictis ad superros conuolarit.



Senatus Heliogabali.

In iudices *γυναικες μενοντας*, & uxorio imperio viuentes.



Qui deo et a vides mulieribus edita iussis,
Totaque fæmineos per fora stare greges,
Hac Phœnix quondam posuit monumenta sa-
cerdos,
Inter conscriptos addita scorta patres.

A L I V D.

*Qui regis imperio populos sancti mque senatum,
 Et tibi senti danda credit a iura fabæ:
 Quique tenes Lato prætoria ciuica Clauo,
 Et quæsi te populus conspicit in tripode,
 Legibus uxoris viuis, thalamoque iugali
 Non licet ex voto dice. e iuratibi.
 Dignus qui molli sedeas sub Amazone Præses,
 Désque Suburranis menstrua iura fociſ.*

NARRATIO PHILOSOPHICA.

AMAZONAS mulieres extremo oriente si-
 tas, animi magnitudo & imperandi gloria
 toto orbe celebrauit. Nam & priuatim & publi-
 cè tanta cum laude imperarunt, vt finitos po-
 pulos bello domuerint, & muliebribus decretis
 viuere coegerint: cùmque rebus fortiter gestis si-
 bi otium peperissent, tantum animi elatione pro-
 cesserunt, vt præstantissimis Alexandri Magni
 spoliis & triumphis minimè terrorerentur. Cuius
 reipublicæ maiestatem & imaginem cùm non
 longinquitas temporis tantum, sed populorum
 omnium consensio summo studio à ſe repulisset,
 inuentus est Heliogabalus imperator, qui largi-
 tione Symiamiræ matris ad imperium productus
 memor tanti officij, illi in senatum ingrediendi,
 & in Consulum subselliis ſedendi potestatem
 fecit: & vt ea ſenatus consultis & authoritati-
 bus perſcribendis testis adhiberetur, effecit. Ha-
 » buit verò (vt inquit Ælius Lampridius) in col-
 le

le Quirinali senatulum, idest, mulierum Senatum, „
in quo antea fuerat conuentus matronalis: vbi ri- „
dicula quædam Senatus consulta facta sunt de le- „
gibus matronalibus, quo quæque vestitu incede- „
rent quæ ad cuius osculum venirent, quæ pilento, „
quæ equo saginario, quæ carpento mulari, quæ bo- „
um, quæ sella uterentur. Quod exemplum cum da- „
mnato authore suo, contra maiestatem populi Ro- „
mani esse videretur, factum est S. C. quo in posterū „
mulieres ab ingressu curie remotæ sunt: hoc addi- „
to, ut eius caput inferis sacrum esset, qui hoc in re- „
publicam inducere conaretur. Cuius decreti au- „
thoritas et si in posteris ipsis longa annorum serie „
videatur constitisse, in nonnullis tamen locis tam „
effeminiti imperij quædam seminaria, & ea cer- „
te non obscura restiterunt. Nam ut Aristoteles gra- „
uiss author in Politicis definit, tum demum reipu- „
blicæ gubernacula penes mulieres videntur esse, „
cum iij qui legibus vetandis & iubendis præsunt, „
vxoris principatu & dominatione tenetur. Quod „
etsi minimè ad eoru amplitudinem qui in tali de- „
gunt imperio, aut ad totius reipublicæ dignitatē „
sit consentaneum, muliebribus illis auspiciis ma- „
gistratus geri, mirandum est tamen nullum ex tam „
impura seruitute sese in libertatem dignitatis vin- „
dicare velle. At enim Romani fœminas quas à pu- „
blicis negotiis lege lata excluserant, in perpetua „
tutela (ut Cicero author est) propter consilij infir- „
mitatem esse voluerunt: vt eas non solum a rebus „
publicè gerendis, sed à priuatis rei domesticæ ad- „
ministrationibus & contractibus summouerent.

A

„ Neq; enim pars est ut quam summus Deus hominū
 „ studiis obsequentissimā esse iussit , ea in homines
 „ principatū gerat . Quo in genere molestè fero ab
 „ exteris nostros inuadī solere , ut iij omniū consensu
 nationū γυναικονρατούμενοι vocentur . Hoc enim &
 maiestatem imperij notabili iactura minuit , &
 mea sententia muliebrem dominatum in rempu-
 blicam inducit . Nam quid magnificum , quid cen-
 tumuiralibus publicisque iudiciis dignum iudi-
 ces exequuntur , qui domi imperare non possunt ?
 Deridenda sanè arrogantia , in Liburnicis & duo-
 rum scalmorum nauigiis regendis se parum scien-
 tem confiteri , quinqueremes autem gubernare di-
 dicisse . Nam qui in familia lege agere non potest ,
 qua tandem ratione de maximis controuersiis in
 Senatu iudicabit ? & quomodo iudiciorum maie-
 statem togatus tuebitur , qui in vxoris imperio &
 opinione considit ? Si quid tibi cum eiusmodi
 hominibus rei est , facile eos ad æquitatem adduxe-
 ris : boni enim sunt : sed cum nocte interposita ad
 vxorem retulerint , offendes omnia muliebribus
 consiliis perturbata . Quod ne cui obscurum esse
 posset , eorum beneficio curâque perfectum est , ut
 id & præscripta consuetudine & quasi ciuitatis le-
 ge consignaretur . Quam enim expectationem cō-
 seruandæ dignitatis & memoriarū suarū reliqui po-
 puli in filiis collocârunt , id nostris hominibus in
 filiabus positum est : apud quos egregium & im-
 mortalitate dignū pietatis οὐτώργθεμα iudicatur si
 aut ex heredibus factis , aut modico honoris causa

sub

subleuatis filiis suis , reliquæ opes omnes in filias
generosq; immensa & inofficioſa donatione pro-
fundantur.Credo quòd id vxoribus placere certò
ſciant , ad quarum ductum & voluntatem omni-
no cogitationes suas applicauerunt. Eam quanti-
tatem filiabus doti ſcribere, habent virtutis & of-
ficij loco , qua persoluta filiis ad ſe tuendum ni-
hil ſuppererit adiumenti . Qui ſi præclariffimis li-
terarum ſtudiis & rerum maximarum cognitio-
ne mirabiliter incenſi, ſui rationem haberi vclint,
vix temere proficiunt quicquam:& id opi-
nor rectè, apud eos , qui magis filia-
rum pompa & luxu,quam filio-
rum eruditione & do-
ctrina delectan-
tur.

A ij



Ad Cupressum.

In aulicos & admisionales.



Ite pricul fatiles aliorum in prædiis blatiæ:
Noster adulantes nescit amare decor.

ALIVD.

*A*spice non domitæ fastigia summa cupressi,
Membraque diffusis luxuriata comis.
*M*ulius odoratis folijs innatus amarer
Fata dedit vitæ tam diuturna suæ:
*N*ec furiua timet maledictæ prælia blattæ,
Atque venenatis dentibus esse cibum.
*H*eu quibus auspicijs crescentis gloria regni
Hostili quateret barbara signa manu,
*S*i sibi qui cernunt, in publica commoda talpæ,
Patriiæ facerent atria missa domus.


A iii

NARRATIO PHILOSOPHICA.

IN T E R illa quæ relatu nō indigna de Cupresso
 Dioscorides memoriæ prodidit , nihil opinor
 magnificientius dici potest, quām quòd ea non tā
 tum se à blattis & tineis ægrimonia tuetur sua :
 verumetiam si dissecta quibuscūque rebus admis-
 ceatur,eiusmodi animantium iniuriam longissi-
 mè arcet & propulsat. Quæ eadem ad eos qui præ-
 stantes opibus & imperij gloria, terrarum orbem
 suo nutu continent, accommodari potest oratio.
 Ut enim amaritudo illa ad Cupressi perpetuitatē
 & magnitudinem summè suffragari putata est: ita
 profectò seueritas maiestatis plurimum ad prin-
 cipium regūmque gloriam sit adiunctura . Nam
 vt omittam multas Respublicas,quòd in illis adu-
 latoribus essent omnia,miserè concidisse , sit forsi
 tan à regnum gubernaculis alienum & turpe ,
 eos qui commodis suis & rerum domesticarum
 incrementis,administrationes publicas sibi omni-
 no attingendas esse existimant , solos in benevolē
 tiæ principalis clientela iacere, eoqué genere illa-
 tiones publicas & commissa fisci ad priuatam vti-
 litatem traducere . Quid enim in gerendis publi-
 cis rebus aliud agunt, quam in partem animos de-
 fixos habent,quòd sensus, quòd acies oculorum spe-
 ctat? an vt spoliis & victoriis , ex quibus veteres
 Romanotū duces nihil prēter laudem domū retu-
 lerunt,quietem otiumq; ciuibus suis pariāt? an vt
 eas dignitates,quas illi à principibus dono impe-
 tratas populo proscribunt,ad iustitiæ administra-
 tionem & subditorum leuationem conferant? an
 vt im-

vt immortalitati litium & publicis malis medeān
 tur?an vt oblii commodorū suorum totum cor-
 pus reip. cūrēnt , résque gerant arditias plenāsque
 periculorum cūm salutis & vitæ , tū rei familiaris
 & fortunārum suarum? Horum actionibus si for-
 tunā principes aduersantes,in camque rem tam pa-
 ratos fecisset, vt eiusmodi homines à gubernacu-
 lis excluderēt: quid tā gloriosum, tamq; elatū dici
 potest , quid cū splēdote & gloria rerū gestarū tā
 coniunctū,quod nō Christianissimis Principibus
 communicari queat? Sed tamen excelsi animi est,
 à quibus nihil opis & adiumenti senseris , & qui-
 bus nihil debeas,iisdē & conferre quāplurima,&
 omnia velle debere. In quo grauiissimē sint repre-
 hendendi illi,qui tāta animi elatione, & in benefi-
 ciis collocādis liberalitate plane inctedibili abutū
 tur ad vtilitatem suā.Romani dominatione Reip:
 & domi & foris præclari, eos repetūdarū reos de-
 tulerūt,qui de prouinciis suis,et iā rebus prospere
 gestis decedentes,rem vel minimā vsibus suis addi-
 xiſſent . Neq; enim vnquā existimauerūt virutem
 illam cōſeruatæ aut auctæ Reip. quasi suapte mer-
 cede & gloria nō contentā,ad rerū externarū sub-
 fidia deducendam esse : quæ ſi ab hominibus bene
 à natura informatis accuratè perspicitur, fatis ſua
 pulchritudine omnium animos obtentare p oſſit.
 Aliud etiam legis capitulum apud eos relatū erat,
 ne qui prouincias regerent , aliquove in officio eſ-
 ſent,quicquam cū priuatis contraherent: néve vel
 fœnore,vel stipulatione , aut empti nomine acce-
 pta rationibus ſuis referrent . Pessimē enim ſe res

habet, cum iij quos principalis clementia consilio-
rum in Repu. socios esse voluit, de publicis com-
modis ad domesticas vtilitates abducuntur, eaq;
tantū gerunt, quæ in rem suā magnopere fu-
tura sint. Sed tamen auaritiæ geramus
mōrē, quæ nescio quo communi
fato, nō solūm res vrbanas,
sed bellicas quoque
ambitu suo iam
pene comple
xa est.



*Ad sacrificia Phaselitum.
In eos qui sibi diuites sunt.*



*A spicent insipidas, tenuissima munera, squillas
Dedicat aethereo Phaselis ora Ioui.
Nec studet occisa diuos p' acare bident'e,
Illa quidem sit pars Herculeana licet.
Parcè, stipem misero si quando exporrigis Iro,
O quoies loculum est nixa redire suum.
An cupis infelix alienæ parcere gaza,
Tales munificos Atropos una facit.*

A v


NARRATIO PHILOSOPHICA.

PESSIMA certè illa rerū externarū appetitio-
 ne iā olim cōtracta macula, tā in populo Chri-
 stiano inueterauit & desedit, vt nō tātū ea nobis
 nō esse retinēda arbitremur, quæ hominū decretis
 cōtinētur, sed præclarū diuinæ legis præsidium nō
 dubitatēter deseramus. Et quēadmodum Phaselitæ
 dū pecuniā facere vellent, tā parcè primitias diis
 cōfeararunt, vt tātū ea offerrent quę nullo sibivsui
 essent futura; sic innumerabiles reperias, qui quā-
 quam persuasum habeāt nulla re māgis quām be-
 neficiis collocatis pios & Christianos cerni posse,
 ipsa tamē virtutis specie adduci nūquā potuerūt,
 vt ea libēter cōferrent, quæ Christus sibi & egenis
 dedicauit. Quod si (vt veteres voluerunt) nihil est
 „ illi principi Deo quod in terris sit acceptius quām
 „ cōetus hominū iure sociati: quāta mediusfidius di-
 „ ligentia eas virtutes tuebimur, quæ ad commu-
 nitatem & congressum hominum plurimū valent?
 Iā qui ex chirographo cōueniūtur, ad nominis dis-
 solutionem pignoribus captis vel etiā carcere co-
 gi solent. Quidā etiam tam à natura sunt instrūcti,
 vt nō existimēt se diutius possē debere. Quorū ego
 cōsiliū vehementer probo: sed tamen velle vt in ēre
 Domini eadē diligētia vterētur, neq; illi tāto tem-
 pore reliqua traherent. Appellātur certè ex Chri-
 stianæ legis syrapha debitores, grauissimis testi-
 bus de expilata hēreditate Domini citātur rei, tabu-
 lis ob signatis res agitur: neq; tamen parē Christo,
 hoc est, pauperibus volūt rationē ascribere. Ita vi-
 uunt, vt potius in auaritiæ patronatu (dea enim il-
 lis

is quædam opinor est) quam in virtutis gentilitate esse velint. Ac mihi quidem in istos homines cogitanti quærendum vitium est, cur cùm reliquo virtutum genere excellentes habeantur, & ea gerant ipsi quæ sine cuiusquam contumelia rationibus honesti sunt coniuncta, hāc solūm partem intactam reliquerint. An quòd gloriosum Christianis esse putant, multis rebus & pecuniis abundare, quas ne in propinquis quidē suis sapiens laudauit vnquam? an quòd id expetendum esse putant, quod apud imperitam multitudinem plurimum dignationis habet? an quòd pulchrum viro bono esse opinantur, si Christum & Apostolos, quos bene agendo & rectefactis consequi aut nolunt aut nequeunt, hac vna diuitiarum nota antecedant? an quòd totam animi elationem, quæ in præstantibus viris esse debet, pecuniae pondere metiuntur, & in eo magnum putant excellere, in quo vt quisque optimus est, ita facilè se ab improbissimis patitur superari? Sed non video plenè quodnam eorum causæ patrocinium adferatur. Nam præter id quòd virtutes omnes æterno quodam consensu inter se (vt Stoici volunt) coniunctissimas, officiis separant, offendunt mea quidem sententia grauißimè, quòd ea præcepta in quibus omnia sunt præstantibus & magnis viris, ab actionibus suis excludunt, atque ea ipsi sola consequantur, quæ naturæ hominum atque adeò sensibus, maximè sunt consentanea: in quibus fruendis neque virtus vlla, neque animi magnitudo potest existere.

In

*Ad statuam Ionis & Themidos.
Iusta à Deo roganda.*



*En vi Dictæo posita est vicinatonan i.
Explorans hominum vita, precisq; Themis.
Tubim apse Deum, me: et impia vota ligone
Dñi Themis. Sanctu. n est iusta rogaré Iouē.*

NARRATIO PHILOSOPHICA.

BELLISSIME Themis in podereadis hominu
votis principatu habes, secundu Ioue sedere cre-
lita est: quae perpetua quada æquitate, importuni-
ate eoru qui immanissima quæq;; à Deo petut, re-
ardaret. Quæ hominu lues eo nomini populoque
Christiano videatur offensior, quod illis persua-
sum est, Deuu immortale ad hominu cupiditates &
celera propendere. Quid enim aut magnificum,
aut liberale de Deo iudicare possunt, qui præstan-
tissimu illud numc in criminis nefarij societatem
audet appellare, vt eo velut adnitete, diuturni de-
siderij sui expectationem, & sceleratæ cupiditatis
litim explere possint? Nā qui à necessariis suis nō-
nulla contra leges petunt, ita sunt animo affecti, vt
eos quos petitione sua volut impellere, in eodem
quo illi sunt, errore versari putēt. quibus si omni-
no perspectu esset, tales virtuti soli omnia summa
tribuere, nō temere in facilis repulsæ periculu se se
ipsi coiiceret. Quod ide quoq;; de iis qui turpissi-
ma quæq;; à Deo rogāt, dici potest. Quam enim illi
de excellēti illa mēte persuasione induerū, qui eā
nō solū testē, sed flagitiosè sodalitatis participē ci-
tāt. Quod si Iesu Christus in sequacibus suis rerū
subsidia ne probauit quide, qua frōte patrimoniu
vberius ab illo cotédemus? Ia qui apud nos omni
probitate excellētes perhibētur, rē gratā Deo se fa-
cere putāt, si vocis & lateruu cotētione cū domino
egerint, vt filios suos diuitiaru & honoru accessio-
ne aliquando ornatos videāt. Quod quām pārum
sit Euāgelicum, satis sacra loquuntur monumēta:


Qui

„ Qui enim (inquit Christus) in vobis dignitate pre-
 „ stat, fiat sicut iūmior. Quod nō eo pertinet, vt am-
 bitionis labore districtos de cursu dignitatū reuo-
 cē. aliquos enim esse oportet qui præsint, & qui-
 bus pareatur. Sed vt omnibus notū esse possit, nū
 quam popularia illa & imperitæ multitudinis stu-
 dia, magnorū virorū animis insedisse. Cretio hære-
 ditatis ab aliquo pro parte facta est, simulatq; fami-
 liæ erciscūdæ iudicio arbiter est acceptus, nullum
 apud Dominū intermittit rogādi tēpus, sacrificios
 interpellat, noctes & dies suffitus agit, vt ea portio
 quæ sibi probatur magis in partē cedat. Hæc quā-
 uis ab hominibus cætero-qui bonis facta esse me-
 moria repeto, non adducor tamē vt ea ad prouidē-
 tiā Dei pertinere credā. In primis enim Christianis
 hominibus probatum esse debet, vt pecuniā pro
 nihilo ducant: quam qui tanquam bonum & ex-
 petendum quærunt, ne illi quidem Philosophis
 beneuolis & placatis vti possint. Quis ergo Deum
 tam parum diuinum & æternum statuit, vt eas
 preces illi curæ esse putet, quibus eū velut sordi-
 dati impellimus, vt eius auspiciis filiæ nostræ pri-
 mariis viris nuptum dentur? Quis sempiternæ illi
 menti tam parum tribuit, vt ad ea vota propen-
 sam esse putet, quibus deprecamur impēsius vt di-
 tissimæ mulieres in manū filiorū nostrorū conue-
 niāt? Sed hęc forsítā mulieribus in ore sunt. in qui-
 bus etsi incredibilis virtutis & pietatis significa-
 tio plerunque eluceat, nescio tamen quo pacto ab
 ea sententia tam sint alienæ, in qua Euangelijs splé-
 dor ineſt totus.

In tu-

In tumulum Chironis.

Optimum ad felicitatem quam occisi-
mè aboleri.



*Sit et nos Chirō peregrino in criminē plāctus,
Nec refuge æterni viuere lege Dei:
Et sceleratorum temeraria facta nepotum
Desine in ærūnis connuenerare tuis.*

A L I V D.

Cur fugis, ò Chiron donum immortale deorum?
 Nec placet hæc animis Athanasiatus?
 An quod Achinorum noras peccata nefotum,
 Et chari immemorem pignoris Italiam?
 Atque impendentes patriis ceruicibus enses,
 Et Tyber in eum fæde a rupta ducun?
 Anne & fœdatos natorum sanguine manes,
 Et data eugnatâ dira venenâ manu?
 An quod & occidui testata piacula cleri,
 Et positos noras munere pontifices?
 Abreptum & miseri scelus exitiale Giesi,
 Et sua Amoris contemerata nos?
 Et scelerâ antiquo iam commutata decori,
 Et patriis iussas moril us exequias?
 An salsa peritura mola coniuia noras,
 Venuria & libycis pemmatâ deliciis?
 Aut lopathū, & tenuis vulgata obsonia squilla
 Tam subito in primas corruitur ad ares?
 Ergo age, discē horum fœdos contemnere mores,
 Et postliminio cœlica dona cape.

NAR

POSSIT aliquis in attentissima rerum humana-
narum cogitatione positus iustè demirari,
Chironem immortalitatis beneficio à diis auctum
vitam hanc breui subterfugere voluisse. An quòd
simul atque in vitam tanquam in viam ingressi
sumus, tot periculis & ærumpuis distinemur, vt
quasi nostri nosmet pœnitentia? An quòd in eos qui
istum vitæ cursum tenent, tot sæpe iucurrunt animo-
rum & corporum ægritudines, vt meritò vitæ
calamitosæ una mors Chironi fuerit præferenda?
An quòd maiorum suorum flagitia accurate per-
spiciens, viuendi satietate mirabiliter teneretur?
An quòd suorum temporum æquales omnibus
flagitiis contemeratos cerneret, neque eorum v-
sum & consuetudinem æquo animo ferre posset,
quorum improbitas honorum omnium ceruici-
bus ad perniciem videbatur imperidere? An quòd
populum suum propè desipientem offendisset, vt
cuius mores perditos & infâmes iudicaret, illius
vti congressu nefas esse arbitraretur? An quòd po-
steritatem intuens, & in eam diuinationis animo
defixus, beneficia, adulteria, clades, latrocinia, ho-
mocidia, falsum, testamentorum subiectiones lon-
gè antè præuideret: & ea tempora putaret impen-
dere, quibus utilitati dignitas, sceleri virtus, iniu-
stitia & æquitas esset concessura? An vt eorum mo-
res & vitæ indignitatem defugeret, qui religio-
nem stupro, forum cupiditate, hominumque inter
ipsos communitatem dolo & fraudibus inquina-

rent? An quòd futurum aliquando præsentiret, vt
quæ gens præstantissima iustitiae & paupertatis
seminaria primùm habuisset, eadem ipsa labenti-
bus sæculis, ambitione, diuitiarum copia, luxu &
externis rebus fœdaretur: & ea sibi ascisceret, quæ
Christus præclarissimæ rogationis author longè
à se & à suis depulisset? An quòd ii qui rempubli-
cam gerunt, negligentiam, auaritiam, corrupte-
lam, fôrdes, gratiam, ambitionem ad iudicia fo-
rumque attulerunt: & qui locus benevolentia &
odio vacare debuisset, is talium animi ægrotatio-
num maximè plenissimus apparuit? An quòd ii
qui se Christianos & esse & nominari volunt, pie-
tatem erga homines (qua ferme vna fidei Christia-
næ splendor, & tuendæ nos inter nos societatis iu-
ra continentur) versura, fœnoribus, vsurarum
voragine, dolo malo, frustratione, denique illa vir-
tutum omnium perturbatrice auaritia conuelle-
runt: vt nullus perdiu inter nos sapere iudicetur,
qui non se totum lucro, & domesticis patrimonij
sui commodis dediderit. Itaque scitè & ad mores
nostros appositè Hesiodus ait,

Nῦν, οὐ εἴγω μητ' ἀδῆσ εἰπεῖ θρῶτοις δίκαιοις
Ἐ'ιλυ, μητ' ἐμὸς ιὸς ἐπὶ ναοὺς ἀνθρακαὶ δίκαιοις
Ἐ' μηναι, εἰ μέτιζε οἴλυν ἀδικώτερος εἴσαι.

Nam si qui virtuti omnia summa tribuunt, insani,
si qui ab honorum appetitione absunt, stolidi, si
qui res humanas & fortuitas pro nihilo ducunt,
excordes, si qui honestate non commodis tran-
quilitatem statuunt, stulti & amentes iudicantur;
quæ tanta homini sapienti suscipienda erit con-
tentio

tentio, vt in luce omnium religionem, pietatem & iusticiam colat? si denique cū ambitiosis & auaris agitur preclarious, quid tātūm bonoviro entendū erit, vt pro salute omnium fortissima gerat & præstātissima? Sed tamen quia plus apud homines probos ipsa honesti forma, quam vtilitatis, gratiæ, & existimationis ratio valere debet: non erit cōmittendum, vt inter aduersaria imperite multitudinis studia, aliqua vitæ nostræ pars officio vacasse videatur. Quid enim quæso in vniuersa natura me lius virtute, quid præstantius? quid etiam reclamante populo hominum dignitati accommodatius? quæ si despicitur, facile tamen excellentia sua & temporum iniuriam, & hominum perfidiam superatura sit. nec enim virtus ex hominum opinione est, neque qui in eam omni studio incumbunt, in officiis expendendis assensionem à populo metiuntur. Quanquam autem miserrimum est videre quæ nolimus, oculique maximè dolorem augeant, quod à miseriis cogitationem non sinant auertere, non est tamen viro sapienti recusandum, quo minus inter tot clades & nefariorum hominū perditos conatus, vitam suam aliqua leuatione cōsoletur. Si enim Deus optimus maximus, homines è cœlo satos huius orbis habitatores, & calamitatum, quæ quotidie scelere accidunt plurimorum, spectatores constituit, non debemus ita cedere animis, vt quasi deiecti defyderium vivendi penitus deponamus. est enim opinor & moderationis & sapientiæ, eos qui ne vmbra quidem τοῦ καλοῦ viderunt sine cōtumelia dimittere.

In Magistratus iuuenes.

Vix temere ante pilos venit sapientia.



Desine stulte puer, dubiam tractare bipennim:
Anne audes molli stringere tela manu?
Quam male conscripti tractat arcana Senatus
Qui nondum primas deseruere nuces.

NARRATIO PHILOSOPHICA.

CI VITAS Lacedæmoniorum quæ Reip. gubernaculis, dum Lycurgi leges valebant, reliquis populis præluxit, consilium suum Senes appellauit: ut omnibus iudicatu esset, nullu Remputtingere debere, nisi eius cupiditates omnes, motusque animi, longior ætatis flexus cōfecisset: Romulūsque eosqui in rerum administratione essent Senatores & Patres nominauit, ut iuuenes publicis negotiis excluderet. Et Prophetarum præstantissimus Esaias, dum Iudæorum populo pro tantis flagitiis malè euenire auguraretur, hunc graues domino pœnas daturum existimauit, si illi aliquid euenturum prædiceret, ut iuuenium & effeminatorum imperio teneretur. Quæ enim pestis in Rep. capitalior vñquā fuit, quam eos ipsos in magistratu esse, quos leges propter infirmitatem consilij in tutela esse voluerunt? Quæ tanta temporum est improbitas, ut iij publicis & priuatis administrationibus velut tripudio auspicetur, qui neque rem domesticam cum dignitate gerere, neque seipso gubernare possunt? Denique quid & authoritatis & splendoris ad ipsa subseilia adferent, qui ne domi quidem satis apud suos partes tutari queunt? Tu igitur cui nec vsus magister fuit, nec doctrina forum, cum in rei stipulatiuncula & syngrapha decipiare, ullumne tibi in Senatu iudicandi locum relinquendum esse existimem? Quod si Augustus Cæsar non omnibus de iure respondendi potestatem fecit, sed iis tantum quos doctrina prope singularis, & velut vniuerso

populo testata virtus apud omnes commendabat: quid in eis desyderes qui tantum sibi sumunt, ut de aliorum responsis soli iudicium ferat? quos fosan omni studiorum laude cumulatos esse oporteat, quod ab eis maiorem appellare non possumus. Iam verò qui alteri iudicium dictant, non prius cognitionem sibi impetrandam statuunt, quam peritissimos quoque de iustitia & æquitate causæ suæ in consilium adhibuerint, ut tandem illis ducibus, & quasi toto iure teste cum aduersario lege consistant. qui si forsitan causa cadant, patronos suos de imperitia in inuidiam & crimen vocant. Ac mea quidem sententia proprius erat cum eis in iuriæ disceptare, quibus id oneris impositum est ut extremi omnium sententiam ferant. Quid enim in litibus adeundis confert præparatio illa diligens, quid altior prudentium deliberatio, si quibus iudicandi partes attributæ sunt id parum admodum sentiant, ex quo magnum causæ patrocinium accersitur? Qui autem quasi procincti in subseliliis sententias rogantur, nisi maximis artis & naturæ præsidiis sint instructi, parum certe facultatis ad ea munera in quibus degunt, sunt allaturi. Quod si aliquis primis illis annis tantam doctrinæ suæ fiduciam habet, ut inter tantos magistratus allegi velit, non video in quo haec dignitas laudi illi esse possit. Nam & multas ciuitates florentissimis rebus suis concidisse accepimus, quarum summa ad iuuenes redierat. Et ex sacris quidem literis Robohami regnum quod patria virtute & auitis armis præclarissimum acceperat, adolescentum con filia

flia conuellerunt . Ex quo præclarum est quod apud suos Lycurgum instituisse Plutarchus refert ut octo & viginti Seniores à latere Principū nunquam discederent, quorum consilio omnia & foris & domi gererentur . Quis enim consultò de re aliqua iudicavit vñquam, qui nondum rei periculum fecit? Iam in Nævii ludo cùm aliquis interrogasset, Cedo, qui Remp. vestram amisistis tam citio? respondetur, vt inquit Cicero, Proueniebant oratores noui, stulti adolescentuli . Et apud Homerum Vlysses, non alia de causa se Achille consilio & prudentia superiorem facit, quam quod illo grādior natu esset . Etsi enim rationem eam, quæ cùm adoleuit & perfecta est, sapientia vocatur, nullus forsan hominum est consecutus: habet tamen affecta ætas nescio quid cum illa coniunctum & cognatum, quod difficile factu sit in adolescentibus repe rire.

B iiiij



Ad statuam Diane.

In sordidos nostrorum mores .



*En ut te insimulant casta monimenta Diana
Aeternum hospitijs non coluisse decus.
Disce miser tenues meritis retinere propinquos,
Nec iam te cæcus fœnoris vrat amor.*

A L I V D.

*Quam quondam magna statuam posuere Diana,
Proponunt oculis Pegmatanostræ tuis.*

*Illa ingressuris subtristior esse videtur,
Morosoque nimis terua supercilium.*

*Verum eadem auersis hilari gratissima vultu,
Non dubia oblati signa dat hospitij.*

*Nostrorum habentes patriis sic vivitur oris,
Hoc verum est nostræ symbolum amicitiae.*

*Hos, memor officij, si forte inuiseris, illic
Te toruum exemplò dira tuetur anus:*

*Demit vultum dominus, metuensque repostis
Vix bene se memorem prædicat esse tui:*

*Et gemit ingratis nullo cum fœnore messes,
Et sibi Eleusinæ numina sœua Deæ.*

*Sed cum ad vestibulum ventum est, & limine in ipso
Incipit extrenum iam tenuisse vale,*

*Ad cœnam citius inuitat, frontemque serenat,
Iactat & occisæ summa lata suis:*

*Et Calabro indignos imitatur in hospite mores,
Hacque tegi infames iudicat arte dolos.*

B. v

NARRATIO PHILOSOPHICA.

STATVAM Dianæ quondam in Lesbo consecrata-
tam, qui ad illam frequentes confluebanr, diu-
turna quadam notatione nobilem reddiderunt,
Nam in ea obseruatum esse literis proditum est,
vt iis qui templum introirent, velut subtristior
supercilium adducere videretur: contra verò ex-
euntibus incredibili planè vultus hilaritate appar-
eret: quod an casu an verò artificis industria ac-
ciderit, nihil ad hoc tempus. Quantùm autem ad
presentem scriptionem attinet, scitè statua illa no-
strorum mores videatur adumbrare. Nam si qua
tibi vetus cum horum aliquo necessitudo inter-
cedit, & si, dum id agis vt ius amicitiæ sanctè &
piè colas, ad eum domum veneris, tantam in vul-
tu seueritatem præ se feret, vt senium esse tibi per-
suadeas. cùm autem de discessu cogitās in foribus
constiteris, & hominem iam valere iusseras: de-
posita feritate paulùm condocefaſtus, te apud se
iubebit cœnare: neque tamen prius tibi hoc iudicij & benevolentiæ conferet, quām certò perspe-
xerit te, quo minus hoc benignitatis iudicium ac-
ceptes, verecundia impetrati discessus impediri.
neque enim minore augendi patrimonij cupidi-
tate incensi sunt, quām amittendi metu. quo in
genere si qua plaga accepta est, videoas homines
omni constantia deturbatos iacere. **Q**uis igitur
eos pro amicis complecti velit, qui res mini-
mas sanctissimis amicitiæ vinculis anteponunt?
Quis pro agnatis colere, quibus modicæ rei ia-
turam nullis amicitiæ momentis sarciri posse iu-
dica

dicatum est? Quam tamen tanti maiores nostri estimauerunt, vt non tantum pro amicis opes & pecuniam, sed vitam profundere essent parati. Ho spitalitatem certe veteres philosophi mirabiliter laudibus effeſerunt: quod hac vna virtute conseruandę hominum societatis prope iura continetur. hanc Romani tam sibi in republica retinendam esse censuerunt, vt in extruendis magnificis eisdib⁹ neque sumptibus, neque labori parcerent: quibus aliquando hospitalitatis officia non exteris tantum, sed etiam ciuib⁹ suis præstarent. Quæ laus Octauio homini nouo ad petitionem consulatus creditur esse suffragata. Quid enim gratius facere patriæ tuæ possis, quam ea liberaliter omnibus cōferre, quem natura communia esse voluerat. Nam neque aliqua res est, qua propius ad conuentum animorum, qui his vinculis elapsi in cœlo beati æterno æuo fruuntur, possimus accedere, quam in beneficiis ultrò citroque conferendis tam à natura incitatos videri, vt omnes homines non amicitia tantum, sed aut familiaritate, aut agnatione nobis coniunctissimos esse arbitremur. Quæ unquam maior perfecti fuit expressio, quam vniuersos homines tantum apud nos gratia & authoritate valere, vt nobiscum arcta necessitudine colligatos iudicemus? quæ qui prestiterit non hominum concurbationem & congressus, sed animorum cœlestem illam coniunctionem assecutus esse videatur. Iam iis qui olim semibarbaros homines, & locorum interuallis vitaque genere disiunctissimos mœnibus & viuendi societate seperunt, hoc


hoc à suis testimonium datum est, vt post mortem
pro diis colerentur: à quorum gloria non procul
abesse eos crediderim, quibus nihil magis in vita
propositum est, quàm vt se beneficos & liberales
velint: quique egregia quadā hospitalitate omnes
ad ius hospitij & familię suę nituntur alicere. Sed
tamen in hoc genere hæc temperatio erit adhi-
benda, vt quò aliquis magis opis indigebit, hòc
ille largioribus obsequiis retineatur. Male enim „
se res habet si in meritis collocandis fortunam po „
tiùs quàm mores sequamur. Quis enim non po „
tiùs sua quàm alterius causa ad beneficentiam pu-
tetur accessisse, si locupletissimos quoisque offi-
ciorum magnitudine sibi adiunxerit: eos verò qui
opus habent, ne tentarit quidem? quæ & si ex Phi-
losophorum ludo ad nos esse profecta meritò quis
dixerit: ad ea tamen Christus suorum animos tam
sæpe exuscitauit, vt Christianorum hominum
propria existimari possint. Amicitias benefactis
aucupari gloriosum est: sed tamen nobis cum
ethnicis commune. Qui autem apud illos quos
rei familiaris angustiæ premunt, lubens in credi-
tum ierit, & eis potius pecunias intulerit, à qui-
bus propter inopiam debitum non sit recepturus,
laudetur certe hic Christianus, atque hoc nomine
dignus existimari queat. Sed quia non vitio tem-
porum solum, sed usurpatione eorum qui sibi sa-
piunt effectum est, vt hospitalitas alicui pro ne-
fario scelere ponatur, desino. sic verò res se habet,
vt quibus est antiquius pauperibus & amicis be-
nefacere, quàm in patrimonij amplificatione oc-
cupa

cupari, hi lege Fannia, quæ de sumptibus quodam
 lata est, rei à nostris peragantur, omniūmque sen-
 tentiis dilapidatores substantiæ suæ, filiisque non
 satis consulentes nominentur: quibus et si à pa-
 tribus debeat prospectum & cautum esse, nō sunt
 tamen legis præcepta deserenda, ut filiorum de-
 syderio & cupiditati satisfiat. Neque verò A-
 postolis ceterisque, quos militię nostræ principes
 habuimus, dignitate præstamus: qui si vt
 se ad Christi clientelam conferrent, o-
 mnia sua abdicarunt, cur non le-
 uissima rei domesticę nostræ
 iactura præstatiſſimū fi-
 dei Christianę prę
 fidiū retinēdū
 esse statue
 mus.



In Catonem.

Omnium rerum satietas, præter-
quam disciplinæ.



Dum tibi pes alter cani est in lyntre Charōtis
Magne Cato, cur æ est discere Græca tibi:
Quæris & ignotæ moriens tectoria lingua,
Nec cuicunque putas omnia nosse satis.
Quò disciplina quisque est instructior omni,
Tantò se studiis dedicat ille magis.

NARRATIO PHILOSOPHICA.


DOCTRINA literarum & rerum magnorum cognitio tantos in animis bene informatis amores citat sui, ut s̄epissimè pro maximis laboribus & vigiliis sua ipsius mercede sit contenta. Nam & Carolus is qui Magnus dictus est, vir certè abundans bellicis laudibus, iam grandis natu in Mathematicis studiis acquieuit: quorū tam fuisse studiosus perhibetur, vt nō minorem ex philosophicis, quā in ex rebus gestis laudem sit consecutus. totiusque Græciæ sapientissimum Socratem, quanquam (vt ex eius sermonibus colligi potest) omni scientiæ genere excelleret, tamen affecta iam ætate Cunnus citharistes fidibus canere docuit. Et Cato ille, cui omnium consensu tantum tributum est, vt optimus orator, summus senator, & præstantissimus censor haberetur, cùm iam sexagesimum impleisset annum Græcas literas tam auidè arripuit, ut manum de tabula tolleret nunquam. Nam cum admodum iuuenis à parentibus ad rudem esset compulsus, neque ea quæ libero homine digna sunt militiæ negotiis implicatus ediscere potuisset, ne quidem in summo illo ætatis procellu sibi quiescendum esse statuit, donec ab eis, quos antea Consul finibus Italiam prohibuerat, literas Græcas expressisset. Et magnos etiam viros videre licet nunquam doctrinæ studia intermittere: que tamen illis non ad rei familiaris incrementa, sed ad priuatam animi leuationem valeant. Nam hoc ita natura adfert, ut opere soluti semper aliquid inquiramus & versemus. ut enim errare & labi

habi turpe iudicamus, ita nihil naturæ hominis ac,,
 commodatius esse potest, quām res nouas semper,,
 ediscere. Nam (vt ait ille) equi ad cursum, ad vo-,,
 latum aues, ad sœ uitiam feræ gignuntur , ita pro-,,
 pria quædam est hominis incitatio, quæ studio,,
 disciplinæ impellitur. Quæ res opinor, Aristonem,,
 & Herillum non vulgares philosophos eò facilè
 deduxit, vt in scientia finem boni concluderent:
 quorum opinio quanquam ab omnibus explosa
 est: non video tamē in quo eos homines, qui ad
 præ clara doctrinæ solatia confugerunt, non illis
 anteponendos existimem, quibus cum lucro o-
 mnis cura & cogitatio defixa est. Nam qui tam
 parum liberaliter de virtute sentiunt, vt pecuniam
 & lucrum facere, honesto literarum otio antepo-
 nant: quid aliud efficiunt, quām vt corporatæ vo-
 luptates præclarissimis animi bonis præferantur?
 Obscurum sanè genus hominum ea sola laudan-
 tium, quorum cupiditate summopere capiuntur.
 Iam qui tam aptus ex se fese est, vt nihil aut expetat
 aut admiretur, nisi quod cum virtute & rerum
 maximarum notitia coniunctum est, is apud eos
 syderatus & insanus appellatur. neque ex eis quis-
 quam erit, qui nō potius de foro ad stipulatorem,
 quām eiusmodi hominem etiamsi opibus ante-
 cellat, sibi generum esse velit.

In stat

In st. uim Memnonis in Aethiopi. t.

Contra aduocatos.



Memnonis effigiem iam non mirare viator,
 Quæ tacet, & Pharij signa dat Harpocratis.
 Sed cum sol radijs os pellustrauerit eius,
 Incipiet fari quæ tacitura fuit.
 O quam difficilis promit responsa patro nus,
 Ni manibus præsens cernat adesse lucrum.
 Sed tunc ille reis oracula Delphica reddit,
 Cum feriunt oculos aurea doma suos.

NARRATIO PHILOSOPHICA.

MEMNON deus oraculis reddendis & magno populorum cōcursu tota Æthiopia nobilitatus, statuam habuisse fertur, quæ ad consilium expedita non prius responsa dabat, quam sol in eam radios conuertisset. simul atque verò asper etum solis persenserat, eos qui sciscitatum venerāt, certos compotésque consilij dimittebat. Quo genere narrationis appositè eos qui in foro togati volitant, quiq[ue] in causis agendis precarium quæstum faciunt expresseris. Quos si animi dubius, de lite aliqua in déliberationem voces, nisi prius pecuniam numeres, citius profecto aquam ex pumice extorqueas, quam ab illis rationem consilij tui. Quòd si (vt inquit Persius)

Dolosi spes refulserit nummi, " "

splendorque ille solis, qui in nonnullis numismatibus calatus appetet, aciem oculorum cōtigerit,

Coruos poëtas & poëtridas picas, " "

Cantare credas Pegaseum melos. " "

Quod avaritiæ genus, & si non tam iis qui causas agunt, quam iudicibus sit vitio vertendum, non est tamen dignitati eorum qui leges tractant confessaneum, tanto acquirendæ pecuniæ desyderio teneri, vt nisi eius auspiciis nihil quicquam aut priuatim, aut publicè aggredi velint. Nam & Romaniveteres lege Cincia lata conductò causas age re vetuerunt: quòd hac cautione nō patronorum tantum, sed etiā totius ordinis amplitudo cōtinetur. Aliquot verò post seculis, cùm nec vetus

itas

ffas ipsa vulgi opinionibus oppressa satis maiestatē suam tutaretur, leguleiorum cupiditati permisum est, vt præstantissimum postulandi munus authoritate legum abduceretur ad præmium: hac moderatione adhibita, vt in singulas causas non plus quàm centum aureos clientes appendarent. In quo & si legum authoritas satis momenti ad excusationem habitura sit: verendum est tamen ne ex decretis illis plus sibi licere velint, quàm Christiani Euangelij decus pati possit. Nā si egenib[us] rerum adiumenta edito Euangelico iubemur impertiri, qua quæso incitatione in eos consiliis nostris adiuuandos esse debebimus? quæ res et si bene & feliciter illis euenerit, nihil tamen nobis hoc nomine fit deceffurum. Qui enim (vt ait Ennius) alteri de suo lumine lucernam accedit, facit vt nihilominus ipsi luceat cum alij accenderit. Ego verò etsi iis minime subiratus esse velim, videatur tamen plurimum offensionis habere, si tenuiores qui pecuniam quam non habent, præstare nequeunt, consiliis nostris arceantur. Iam verò maiores nostri domum Iurisconsulti oraculum totius ciuitatis appellauerunt, ad quam si non reges & principes, at certè tribules & ciues ad consilium accederent. Nonnullorum vero aduocatorum ædes, accommodatius opinor εμπόρια ciuitatis appellare queas. Et certè plerunque euenit, vt qui aliquid à mercatoribus emunt, illis multas summas reliquentur. at cum nonnullis pragmati-
 cis nihil egeris, nisi pecunia in numerato sit. Demosthenes quidem vir dicendi laude præstantissi

mus, non tantum pecuniam accepisse, ut causas a-
geret, & pro amicis reis de manibus iudicium sen-
tentias extorqueret, sed etiam magnò tacuisse fer-
tur. Tanta enim erat in eo homine eloquentiæ vis,
ut eos qui audirent quo se cunque raperet, posset
dicendo impellere. Cui fortasse sit indulgendum,
quod nunquam ad dicendum paratus accesserit,
nisi summis vigiliis & labore diurno actiones
suas secum ipse esset meditatus. Et æqualis tempo-
rum illorum Isocrates, cum (vt ille de se testatur)
ingenua quadam timiditate à dicendo refugisset,
orationem vnam viginti talentis vendidisse fer-
tur. Illoque maior natu Lysias, cū opinor populi
mores ferre non possit, delectatus re sua familiari
nōnullas orationes domi conscripsit, quas amicis
iisq; qui lite pulsabātur, proscriberet. Quod homi-
num tenuitati & studiis sit permittēdū. Neque e-
nim ij qui honorarij spe in iudiciis & foro versan-
tur, mea sententia improbadisunt: sed si quis est in
ter eos quē tātū virtutis forma retineat & oblectet
vtpauperes patrocinio suo gratiaq; iuuet, & in cau-
sis agēdis eiusmodi hominibus liberalē operā præ-
stet, is bonorū iudicio Christiani hominis laudēvi-
deatur esse cōsecutus. Atq; vt præstantis & excelsi
animi est, eum qui rem habeat, sine mercede cau-
fas tractare, ita iis quibus res paulò angustior erit
honesta lucri & vtilitatis ratio nō erit inuidēda: si
modo ab honestate nō sit separata. Quidam sunt
enim in eo genere tā parū verecundi, vt neq; digni-
tatis, neq; ordinis rationē habeant, sed tantū naṭu-
rā suę, quę aliorū substantia & opibus nē expleri
quidem potest.

In statuam Iouis.

Vindicta diuina.




*Iuppiter, & therea qui fulmina vibrat ab arce,
Intextos lana fertur habere pedes.
Tardior ira Dei, & lento vix cognita gressu,
Vltrici insequitur crimina nostra pede.*

C iiij

QVANQVAM apud veteres Ethnicoſ mirificā illa dei benignitas & clementia nullis illorum monumentis consignata eſſet, facile tamen rerum & euentorum conieſtura ſunt adducti, vt honorificentiſſimē de ea prædicarent. Cūm enim perſpicerent Deum ad nocentium delicta tandiu cōniuere, neque eum de ſceleratis hominibus pœnam niſi ſerò repoſcere, illum laneos pedes habere crediderunt, quod incredibili tarditate, aliquā dō tamen, inſperantibus nobis invindictam ſceleurum immineret. Et apud Hebræos, quibus ille antiquitus propter beneficiorum magnitudinem familiarior erat & notior, maiorem in modum iracundiæ ſuſtinens exprimitur, quique niſi rebus propemodum desperatis ad ſupplicium accedat. Verūm ne tanta illa mansuetudinis laus perditos homines, quos vel peccare deleſtat, facilitate delinquendi incitaret, eum ſupplicij tarditatem, ſeuueritate ſarcire voluerunt: vt homines omni flagitorum genere impuri nihil ex diuturnitate temporis, compendij cauſe ſuę accedere iudicarent. quod in omnium longè crudeliffimo Sylla accidiffe historiæ teſtantur. Cūm enim ciuili bello Marium confeciffet, deinde victor omnia miſceret, ſibi viueret, ciues circuſcriberet, ita diſtaturam geſſit, vt nihil eum ſceleris, nihil crudelitatis præterierit. Qui verò dies à tantæ dignitatis perfuſtione illi adiutum ad quietem dabat, is omnium ei calamitosiſſimus apparuit. Nam deponita dictatura iam natu maximus tantis corporis doloribus

bus cruciatus est, ut omnium iudicio mors tam lu-
 ētuosa vitæ felicitatem deleuerit. Marcus verò
 Crassus cum Syriam cum imperio èsset ingressus,
 Ierosolymam florentem opibus venit, vbi ea quæ
 orientis reges à multis sæculis in templo domini
 consecrauerant, quibusque Pompeius Magnus
 tantarum nationum victor pepercerat, diripuit.
 At ne ille quidé tot manubias in patriam retulit.
 Nam & non ita multò pòst tempore filium crude-
 liter interemptum à Parthis vidit, & tandem amif-
 so exercitu miserrimè concidit. Sed hæc opi „
 nor Christianis non probantur, qui- „
 bus hac vita non est circunscri „
 ptus mercedis aut sup „
 plicij locus. „

C



Ad ficum.

In eos qui promittere, quām facere maluerunt.



*Silubet, insignem, quam mittimus, accipe sicū,
Forsan & hæc vitæ corriget acta tua.
Vere nouo nullo florum vestitur honore,
Et tamen autumno dulcia poma gerit.
Quid tu me dubiū toties promissa morātur?
Quod spondes primū, si sapis, illud age.
Talia vel miseros possent promissare,
Ni structos tandem proderet arca dolos.*


NARRATIO PHILOSOPHICA.

NULLVM opinor est hominum genus, quod proprius ad leuitatem accedit, quam iij qui dum promissis, æqualium suorum benevolentia aucupantur, in illisque fidem & nomen dissolvere aut nolunt aut nequeunt, efficiunt eos apud quos in promissum ierunt, locupletissimos testes incōstantiæ suæ. Ut enim æquabilitas in omni vita, & dictorum factorumque constantia semper laudanda est, sic nihil est humanæ societati magis contrarium, quam promissorum liberalitatem factis non consequi. In quo adhibenda ficus esset, quæ quanquam ipsa verni temporis serenitate minimam baccarum spem hominibus iniiciat, neque fiorem edat, autumno tamen poma toto orbe nobilitata proferre solet. Qui igitur rationem cum terra habuerit, (cuius, vt inquit ille, tanta est benignitas vt nunquam recuset imperium, reddatque semper cum foenore quod accepit) & ex arborebus quid in vita sit agendum didicerit, tantum sanè imperabit ille sibi, vt lubenter ad ea explenda accedit, in quibus fidem suam pollicitatione obstrinxerit. Alij verò sunt qui in nonnullis magistribus renuntiati, incredibilem sui rerū bene gendarum expectationem apud omnes concitant: in eos populus oculos defixos habet, ad illos omnes constituendæ reipublicæ causa prospiciunt. Hi simul atq; in dignitate fuerint locati, ita se gerunt, ita in magistratu versantur, vt facilis sit omnium existimatio, quantùm nos eorum fi-

des,& nostra de ipsis opinio fecellerit. Nam cùm priuati procul ab omni ambitione degunt , facile animaduertūt in. quo offenditur: capessentes autē gubernacula reipublicę,capti credo cōmodorum magnitudine , iudiciū omne cū pudore abiiciunt: audentque eorum perpetuam propugnationem suscipere,quæ antea acerrimè fuerat infectati.Iam quotus quisque est eorum qui in rebus agunt,qui si non cognitione,at saltem auditu non attigerit, ex bonis ecclesiasticis nihil nisi quadrantem rationibus suis inferre posse : reliqua autem pauperum tabulis ex lege canonum esse inferenda. Hoc certè tam peruagatum est, vt in ore sit omni populo. qui tamen sunt in illa causa , non grauatè patiuntur se in eo temporum errore versari,honestiꝝ rationem specie vtilitatis conuelli. Ac mea quidem sententia,qui vtilitatem pugnantem cum ratione,virtute superiorem esse volunt , quibusq; plus lucra domestica, quām dignitatis momenta pōderari solent,hi à rerū & publicarū & priuatarū administratione alieni esse debent.Vix enim est,vt in publico magistratu designatus præclarè se gerat,qui curam,studium,industriam denique omnem in re familiari tuenda & augen- da collo- carit.

Ad araneam, vulgariter ex Diogene.

In corruptos iudices.



Dum volat, elatae telas disrumpit Arachnes
Oestron, & impavidè mollia pensa terit.
Sed capit ur tenuis macilento corpore musca,
Nec fugit arguta retia ducta manu.
Sic pauper positæ sortes vix effugit vrnae,
Sed diues rupto vimine tutus abit.



NARRATIO PHILOSOPHICA.

V E T V S & iam ab antiquis ducta temporibus ad nos eorum permanauit improbitas, quibus cum decretum esset in eo se genere maximè exercere, quod in publica rerum moderatione positum est, tamen tam fôrdidè in præstantissimis illis muneribus se gerunt, vt suorum comimodorû solùm rationem habeant. Nam si æquitas illa est
 " quæ omnia recta & inflexibilia exigit, si ea est iu-
 " ris ratio, vt neque inflecti gratia, neque perfringi
 " potentia, neque adulterari pecunia possit, videa-
 " tur sanè iudicantiū religioni magnopere consen-
 " taneum, in sententiis ferendis æquabilitatem ser-
 " uare, eundemq; semper ad iudicia vultum afferre,
 " quæ in Socrate omni vita fuissē accepimus. Quòd
 " si quis in vindicandis sceleribus se sui quām legū
 similē esse mauult, & in pœnis constituēdis potius
 gratia aut iracundia quām æquitate ducitur, quæ
 pestis homine illo in republica perniciosior esse
 potest? Seuerissimè nonnulli ad pœnam expetun-
 tur, alij iisdem de causis ne appellantur quidem:
 Perditis ciuibus tutò in ciuitate licet degere: ij au-
 tem quibus pro singulari quadam virtute, victus
 publicè in aliquo Prytaneo ex Senatus consulto
 decernendus esset, sapissime in periculum famæ
 & capitis sententiis iudicum vocantur. Atque
 vtinam iudices nostri tanto studio præsidia æqui-
 tatis sibi retinenda esse proponerent, neque magis
 gratia alicuius aut benevolētia de officio deduci
 possent, quā Herculē illū à voluptate allici potuif.
 " se Xenophon refert. Nunquā enim qui vel iratus,

Vel

vel amicus accedit ad sententia, eam mediocritate
tenere potest, quæ inter nimium & parum iacet. ”
Nā quis erit in causis decidendis apud eos iusti-
tiæ locus , qui se non tantum ad voluntatem po-
tentiū nutumq; referunt, sed iudiciorū maiestate
mercede sola metiuntur? Si quid homini pauperi
cum diuite negotij est, & diuite in causa iure infe-
riorē futurum longe ante præsentient, ita res ex-
pedietur, vt aut lōga mora aditusque difficultate
pauperi homini fastidiū adferat , aut instrumenta
litis eo deponat loco, vnde nunquā in verū solem
proditura sint. Neq; vero Diogenes Cynicus insci
tè istum in suffragiis ferendis modum, araneorum
telis similem faciebat. Vt enim grandiores muscæ
quæ asila nuncupantur, facile araneorū telas per-
transiunt : at paruæ & tenues illis irretitæ la-
queis capiuntur : sic homines haud magna in re
quantumuis tamen fidei pleni, vix temere iudicū
anfractus effugiunt: iis verò quibus liberalior for-
tuna est , etiam inter media iudicantium subsellia
licet tutissimis esse. Quòd si ita se in eo ordinever-
sari prædicet, quòd forsitan aliqua animiegritudine
& metu fracti, in potentissimos legibus cōstituere
nō audeant, hoc ne illis quidē patrocinari queat.
Aut enim iij partes quæ sibi à populo vel principi-
bus attributæ sunt, tueantur necesse est: aut omni-
no priuati domi degant. Multis certè, quamquam
sint pusilli & angusti animi , nunquam vitio
versum est , quòd res magnas plenaſque peri-
culorum non adeant. Iis autem quorum ambi-
tionis labore vita occupata rebus publicis geren-
dis

des implicatur, non sit ignoscendum, si eiusmodi
ægrotationes ad rerum administrationem attule-
rint. Præstat enim dignitati fortiter cedere, quæ in
nulla cum laude in officio esse. Neque tamen hoc
apud nos consilium magnopere sit necessarium,
quibuscum ex principum clementia tam feliciter
actum est, ut semper virtutis & iustitiæ valeret au-
thoritas. Quod si qui sunt tam magno & forti
animo, ut etiam contra potentissimos decreta fe-
rant, neque metu à saluberrimi Senatus consulti
perscriptione abducantur, satis sibi persua-
dere possunt, se eius consilij princi-
pes non tantum laudatores, sed
etiam adiutores ha-
bituros.



Sybaritha in plateis.

In leuiculos huius temporis.



*A spice ut in plateis fuitis resupinus oberrat
 Et molli ingreditur compita nostra pede.
 Vt que pererratis fragrat lacinia vicis,
 Et siccum infecto murice verrit humum:
 Gaudet & insalsa tunicati voce popelli,
 Et putat his omnes fallere posse dolis.
 Transuersosque sibi spectanum colligit hircos,
 Dum studet in populo tertius esse Cato.
 Hinc hinc, haec pauper nouit fastidia Baucis,
 Nam doctis fidei frons habet ista parum.*

IN T E R eas malorum omnium & voluptatum illecebras quæ quondam apud Sybarithas vi- guerunt, nulla magis reliquarum gentium risu & stomacho excepta est, quām mollities, quę iis quo- ties de domo in publicum processissent, familia- ris fuisse perhibetur. Nam tantus erat in illis fa- stus, tanta in ingressu mollities, tam impotēs aspe- ctus, tanta denique investis compositione cura, ut quidvis potius quām homines esse facile adduci potuisses. Sed quis tam leuiter sapiens esse potest, qui eiusmodi ineptias vel apud imperitam multi- tudinem aliquid authoritatis & momenti habere credat? Quis est tam totius humanitatis expers, qui istos fucos moderatè & æquo animo ferat? Nec enim tam aspernādæ homini partes à natura datæ sunt, ut illi in rebus adumbratis ponendus sit dignitatis decor. In quo vident illi qui apud nos quotidie multo serico, multis vnguentis in publi- cum prodeunt, quantum se de nobis fefellit opi- nio. Nam à quibus plurimum gratiæ & miratio- nis se aucupaturos iudicabant, eos profecto col- ligunt sempiternos testes insipientiæ suæ. qui si se **Q. Hortensium** imitari dicant, quē homini, quòd ordinem & cultum vestis suæ conturbasset, aëtio- nem ferunt intendisse: ne tamen mihi tantam infantiam etiam oratore Hortensio probauerint. Quid enim tam flexibile, tamque lubricum esse potest, quid porro ab homine tam alienum, quām ex eo laudis argumentum querere, cuius fructus **vt in sola hominum opinatione iacet, ita non**

po

potest esse diuturnus . Inest certè maximèque
in summis & excellentibus animis gloriæ cupiditas , quæ tam virtuti ipsi coniuncta est , vt vtriusque
consensus sit æternus . Sed tamē nullus eorum
imperatorum qui patriam spoliis suis triumphisque
decorârunt , ex re tam ludicra aditum ad gloriam
homini patere existimauit . Quibus autem
propositum est pro republica aut fide fortiter
dimicare , quique nullum de publica salute cogitā
di tēpus intermittunt , iis opinor sit permittendū ,
si gloriam tanquam benefactorū & testem & mer
cedē se sequi dicant . Qui verò in ea sententia sunt ,
vt perpetuam pro laribus sepulchrisque suis pro
pugnatiōnem suscipiant , nec quicquam otio præ
stantius esse ducunt , quia longissimè à vera laude
& rectefactis absunt , ad umbras & simulachra cō
fugiunt , atque ex eo se laudari volunt , quod post ,
homines natos gloriosum duxit nemo . Neq; enim ,
tanta est inertia temporum , vt imitatrix boni ina
nitas & pondere & natura sua speciem illam ho
nesti apud homines referre queat . Nam vera glo
ria radices agit & propagatur , facileque se ab in
iuria mortalitatis & silentij vendicat : facta autem
tanquam flosculi (vt inquit ille) celeriter decidūt :
neque quicquam est perpetuum , nisi quod virtute
& rectefactis tibi paraueris . Quòd si eam lasci
uiam tam impensè probant , vt de illa nunquam
deduci possint , queso ne tam ridicula apud eos in
culcent , qui de actionibus honesti iudicare pos
sunt : sed ea ipsi coram tribulibus suis bonis viris
depromant : quibus forsan , vt de suis dicebat Lu-

cilius poëta, plus palatum quām cerebrum sapis .
Diogenes quidem , si quando in eiusmodi homi-
nes incidebat , nullum sibi præsentius contra eam
importunitatem remedium à diis immortalibus
euenire precabatur, quām in lapidicinas longè ab
duci: vt quos contuens ferre non poterat , diutius
,, audire non cogeretur . Lenius Plato , ne quando ,
,, inquit, in simili errore verser. qui si opinor homi-
nibus istis esset usus , nihilo forsan Diogene fu-
set placatior . Quis enim tanta animi facilitate
est, aut potius tam sensu videndi & audiendi
caret , qui vel si ista dissimulare queat,
his tamen possit non vehe-
menter offendit?



*Libertas cuius proprium est,
Sic viuere ut velis.*



*Annulus articulos si quādo astringit & vrget,
Hunc subito innocuis excute de manibus.
Stulte quid affectas alieno viuere votos?
Nullolibertas ære, librāque licet.*

D ij

NARRATIO PHILOSOPHICA.

MIHI olim temporum nostrorum reputatio
 nem facienti quæredum visum est, quæ duæ
 res in hominum vita essent, quæ animos nostros
 maiori voluptate incensos ad se prolectarent. In
 quo etsi difficile factu sit æstimantem non offendere, non tamen procul à vero discessionem fecisse iudicetur, qui de libertate & auaritia ita statuerit, vt nulla re magis homines in vita retineri posse arbitretur. Nam vt auaritiam (quæ quantum apud multos authoritate valeat satis perspectum est) relinquamus, tantū semper ponderis omnium concessu libertas habuit, vt nemini parere animus bene à natura informatus velit. Quo in genere principes illi philosophi fuerunt, quibus cū idem propositum fuisse quod regibus, vt nemini parent, libertate vterentur, facile eam sententiam a-
 nimo sunt complexi, quæ imperia & dominatus
 externaque subsidia infra hominem posita esse iubet, & otium rebus omnibus anteponit. Quid enim est tam elatum & magnificentum, quam id ipsum cum ius habendi cupiditas, & seruandi metus reliquos homines miserè cruciat, fortiter aspernari, ea autem in summis bonis ponere, ex quibus animus sapientis vere diues appellatur? Iam igitur in eo hominum genere non nisi incredibilis virtutis significatio esse potest, qui ita sunt affecti ut magistratus contemnant, gloriam negligent, popularibus studiis nihil capiantur, in domestica autem liberitate & quiete mirificè sibi placeant. Et ex hominibus quidem nostris vehementer laudo eos, qui
 bu

bus quanquam vocis suavitatem, firmissima late
ra, & quabile dicendi genus & profluens natura cō
cessisset, vereque tales effecisset, qui in foro sum
ma cum gloria, & amplissimis commodis versa
rentur, tamen semetipsos à subselliis illis & iudi
ciorum strepitu voluntate remouerunt: nihil pro
pius homini Christiano iudicantes, quām fructū
otij ad rerum magnarum cognitionē traducere,
aut saltem nō iis ipsis delectari, quæ homines im
periti, vel qui suo magis quām alieno iudicio fa
piunt, pro bonis & valde appetendis ducunt. Et
opinor valde gloriosum est, res angustas si modo ”
adsit otium & quies, clientelis potentium antepo ”
nere, vereque regium & liberalitatis plenum do ”
mesticam tenuitatem quiete & tranquillitate sola ”
ri: quæ tam nonnullos voluptate incendit sui, vt ”
plerunque magnorum hominum liberalitatem &
beneficia non inuiti defugerent, dum impediō
verebantur, ne extali meritorum ratione illis ali
qua imminutæ libertatis labes inuri posse. Omni
no autem misera est eorum conditio, qui se ad a- ”
liorum nutum & voluntatem conferunt. Neque ”
enim illis ex animi sententia viuere integrum est, ”
neque planè laudabile eorum vultum non diligen
ter obseruare, quorum authoritati & mancipio
seipso dediderunt. Iam verò vt cætera incom
moda omittamus, quid tam parum liberale est,
quām ita ex aliorum affectibus pendere, vt neque
ridere, neq; tecum meditari, neque lugere, nisi ex
vnius perturbationibus queas: & velut priuata a
nimi incitatione deposita, nisi illius sensu nūquam


moueare: eius olfactu, gustatu, oculis, solùm oderis, gustes & videoas. Quod verò omnium longè turpissimum est, eiusmodi homines sàpissimè nefariorum scelerum non testes tantum, sed & participes adhibentur, & plerunque aut verecundia, aut animo fracto ea coguntur approbare, quæ immannissima esse semper iudicarunt. Ego quaque ab hoc seruitutis genere vel natura longissimè absim: tamen tam me ipsa vitæ species offendit, ut neque eius probitate cui sit inferuiendum, neque commodorum magnitudine, vteam rem comprehendam, adduci possim. Atque, ut breui dicam, is mihi videbitur sapere, qui, ut dicebat Plato, nō aliun de pendebit, neque extrinsecus bene aut male vivendi suspensas habebit rationes. Nam & qui alterius causa malè & contra leges egerit, id assequitur, ut etiam eum cui hoc præstitum voluerit, facti derisorum habeat.






In symbolum Pythagoræ.

In scaphio ne edito.



*Quisquis es in scaphio qui festa obsonia cōdis,
Non est hæc nostræ commoda mensa gula.
Quos habet attonitos ritujs mēs i proba, iustus
Indignos aditū iudicat esse suo.*

D iiiij



NARRATIO PHILOSOPHICA.

P YTHAGORAM summæ authoritatis philo-
sophum seuerissima sententia suis edixisse fe-
runt, ne omnino in scaphio ederent, néue ea obso-
nia quæ summa sua benignitate natura nobis cō-
cessisset, parum honesto vase detur parent. Quo di-
cendi genere homo prudentissimus alumnos di-
sciplinæ suæ, à nefariorum hominum cōgressu &
amicitia reuocare nitebatur. Ut enim præter di-
gnitatē paterfamiliās facere existimetur, si ex lau-
to instrumento ea vascula in vsum mensæ dedicet,
quorum aspectus animos hominum ad turpem
cogitationem sit deducturus: ita is optimam sibi
naturam inuidisse sit iudicandus, qui perditos ci-
ues cōgressu, suffragio & aditu dignos putauerit.
Quid enim tam moribus inculpati inimicū est,
quam cum iis ipsis coniunctissimè viuere, quorū
non solum dicta, sed & facta, præstantissimas virtu-
tis actiones conantur euertere, & honesti speciem
imitatione boni ad impurissimas voluptates tra-
ducere. Iam verò tales à natura creati sumus, vt
nobis illius adiumentis (si tamen ab ea non disce-
dimus) satis esse possit ad bene beatæque viuendū.
Sed plerunq; accidit, vt præclara illa omnia virtu-
tum seminaria sceleratorum colloquio & vsu ob-
ruantur, neque amplius naturæ lumen elucescat.
Itaque rem publicam gerentibus id primū eniten-
dum esse scribit Plato, vt sceleratos homines è fi-
nibus expellant, néue eos diutius in ciuitate esse
finant, quibus stantibus in republica splendor &
quies retineri non potest. Quid enim nouarū vo-
lupt

luptatum artificibus (quibus tamen Xerxes præ-
 mia lege constituit) quid nouorum portiorum
 & tributorum inuentoribus (quos Dionysius ty-
 rannus mercede honorauit) in bene morata ciui-
 tate negotij est, vt eodem iure cum reliquis bonis
 censeri debeant? Quid enim aliud agunr quam vt
 publicum otium cōsiliis perturbēt suis, summorū
 virorū principatū penitus de republica deleant, &
 tenuiores in discrimen fortunarum & capitis vo-
 cent? Quod hominum genus & nostra ætate ali-
 quando, & etiam patrum memoria multas ciuita-
 tes lacerauit : digni opinor quibus decernatur in
 foro statua , in senatu locus: adde etiam si placet,
 victum in Prytaneo: vt ab ea republica
 pro qua tam bene & nauiter la-
 borauerint, summis benefi-
 ciis in luce bonorum
 omnium au-
 geātur.

D v



*Ad statuam Cassandrae.
In consuetudinem fori.*



Concinit infelix casus Cassandra futuros,
 Pergamaque Argolicis depopulada rogis,
 Sed frustra eximiae prostant oracula vatis,
 Fœmineisq; fides non datur augurijs.
 Sunt quibus est Pilia præstas facundia lingue.
 Quosque iuuat Samij clara sophia senis.
 Nec Lugdunensis metuunt certaminacœstus,
 His tamen ab nostri non fauet aura fori:
 Hos infausta premunt quintæ presagia luna,
 Et fouet exiguo sportula curta foco.


NARRATIO PHILOSOPHICA.

CASSANDRAE Priami regis filiæ infortunium iusta miseratione prosecuti sunt nonnulli, quod cum ab Apolline diuinandi scientiam accepisset, tamen tam obscurè in illo munere versata est, ut futura quidem longè antè prædiceret, sed ex omnibus ad quos ea res pertinebat, fidem faceret nemini. Nam & flagrante bello Troiano, nisi Helena restituta cum Græcis reditus in gratiam intercederet, excidium celeberrimæ vrbis vaticinata est: neque tamen præsensionibus suis quicquam profecit. Præterea cum capta & incensa Troia, eadem vates Agamemnoni forte obtigisset, multa amplissimi regis euenta præfagitione complexa est: præuiditq; futurum aliquando, ut ille ab vxore sua extrema pateretur: quæ diuinationes cum nihil ponderis apud eos quorū magnopere intercerat, habuissent, etiam in ipsa tristissimi casus acerbitate, homines illos vel ipsa memoria perculerunt. Non omnino Cassandra, meo quidem iudicio, dissimiles videri possint, iij qui in foro togati volitant, & in centumuiralibus publicisque iudiciis vicariam litigantibus operam suam præbent: inter quos innumerabiles repetrias iis artibus quæ libero homine dignæ sunt, mirificè instructos, qui que ad ea humaniorū literarū præsidia incredibilē iuris & legū sciētiā adiūxerūt: sed tamen nescio quo illorum fato ab omnibus contemnuntur, & plerunque iis fama concedunt, quos omnibus scientiarum ornamentis facile superabant. In quo etsi graue est iis principem lo-

cum

cum cedere, qui tecum magnarum rerum cognitione non sint comparandi: ferendum est tamē (vt
" in quadam oratione L.Crassus grauissimè predi-
" cauit) in iis ipsis te vinci quæ labore & industria
" homines sibi parare nequeunt. at in his gloriosum
est multis antecellere , quæ neque fortunæ, neque
potentium gratiæ accepta referre debeamus. Etsi
" enim fortuita plerunque mirationem & cla-
" mores faciunt in populo, ea tamen so-
" la verè laudantur, quæ cum vir-
" tute & priuata cuiusque
" animi incitatione
" coniuncta
" sunt.



*Ad statuam Palicorum.**In periuria fori.*

*Aspice Poena fides, verique ignara Corinthos,
Et queruli interdum turba togata fori:
Anne hominum credis periuria ferre Palicos,
Cum spernas iusti numina summa Dei.*

NARRATIO PHILOSOPHICA.

APUD Catanam in Sicilia duo amnes sunt, qui Delli vocantur, hi ab incolis quondam maxima veneratione habitu sunt, quod ex eis Pallicos geminos fratres emersisse, & amoenissimam hanc lucem aspexisse antiquitas credidisset. Cum enim Thalia nymphæ ex Ioue grauida metueret, ne quid sibi periculi à Junone crearetur, precibus à Ioue contendit, ut in tam propinquos discrimine terra sibi dehisceret. Quod cum esset factum, diuinatus tamen accidit, ut ipso partus die fratres Pallici è terra emergerent, & Iouis beneficio in vitam ingredierentur. hi propter mentis integritatem opinor, præstandis iuramentis testes adhiberi consueuerunt, atque ea conceptorum verborum forma erat, ut si conditio sub qua contractus inibatur, euenisset, res aliqua sub religione iureiurandi prestatetur, dato etiam expromissore qui rem totam fide sua esse iuberet. Ex quo efficitur periuriū non sacris monumentis solum, sed & veterum poëtarum fabulis nefarium semper scelus fuisse. Ac verè mihi videbor esse dicturus, id quo nomine à reliquis nationibus Græcos videmus inuadi, idem apud iudiciorum & fori nostri pragmaticos in consuetudinem venisse. Nam ut vetus Græcia totius disciplinæ princeps, & Athenæ illæ scientiarum omnium inuentrices semper habitæ sunt, fidei tamen & integritatis laudem nunquam tulerunt: tamque apud eos vulgatum illud fuit, Da mihi mutuum testimonium, ut etiam qui inter illos Græcè nescirent, hoc tamen loquendi genus propt

propter consuetudinem memoria tenerent. Sic licet forum omnium scientiarum quasi quoddam theatrum appellare possis, difficile tamen factu sit ex iis qui pragmatici & procuratores in eo vocantur, aliquem reperire, qui probitatis & fidei gloriam sit consecutus. Qui enim contra iuramenti nexum quem rogati apud acta praestiterunt, iniustas causas tractant, qui diffisionibus à iudice petitis in perniciem creditorum, nepotibus & perditis hominibus pecuniarum solutiones trahunt, qui in mala clientum causa iudicatum non faciūt, qui stipulatiunculis & tricis suis (vt Varro loquitur) apertissima quæque inuolucris obducunt, quam quæso honestatis speciem ad causas agendas attulisse videantur? Sed vt apud Euripidem Ætheocles in Phœnissis, si ius vnquā violandū est, „causa regni violari posse existimauit, in reliquis „autem pietatem coli debere: sic & homines illi ie- iunia, sacrorum ritus & celebritates religiosè obseruant, & piè certe: fidem quoque violari pro sce lere ponunt, excepta vna causa pecuniæ: pro qua etiam si Deum & homines non sint cœlaturi, propugnationem omnem non dubitanter suscipiant. Neq; enim tā oderunt infamiā, quam amat pecuniam, qua vt de virtute dixerunt philosophi, nihil est illis amabilius, nihil præstantius. Neque verò ad eos nostra pertinet oratio, qui vt magistratus aliquos inire possint, iurati se nihil omnino illorum nomine contulisse, ex professio in amplissima corona iudicum affirmant: tant

tantum dico, mediocrem sui homines illos in reli
quo honoris cursu expectationē afferre, qui tam
flagitioso scelere principia ineundæ dignitatis cō
secrarunt. Quid enim nos de illis sperare oportet
bit, qui se in ingressū præstantissimi magistratus
nefario scelere polluerunt? Itaque non sit fortasse
mirum, si iudicibus tanta flagitij macula impu
ris, eiusdem notæ pragmaticos, & omni
periurio infames fortuna adiun
xerit. Digni profecto duci
bus suis admini
stri.



In statuam Iouis, ex Homero.

Reges ad curam Dei pertinere.



*Nescis in mentem magno quid venit Homero,
Discipulos reges dum putat esse Iouis.
An quod eos nulli voluit virtute secundos,
Quae sunt à summo credita regna Deo?*




GR A V I S S I M E , vt omnia , Homerus re-
ges & eos qui latè dominantur , Dei immor-
tal is discipulos , & velut ex eius ludo ad rerum ad-
ministrationem prodeuntes facit : vt omnes intel-
ligant , principes nō tantum vocatu Dei ad rerum
publicarum gubernacula accedere : sed maximè
omnium hominum ad curam & prouidentiam
summi illius numinis pertinere . Propius enim iu-
dicauit quos ad amplissimum dignitatis euexit
gradum , iis constantiæ , magnanimitatis , cætera-
rumque omnium virtutum seminaria largiter cō-
ferre . Quales enim eos esse oportuit , sine quibus
& stare res publica nequit , & quorum descriptio-
ne multarum gentiū moderatio continetur ? quod
bellè qui præstiterit , eum diuina quadam vi in-
structum esse mihi persuaferim . Nam in eo o-
mnium ferè nationum consensus fuit , aliquem
præ cæteris principatum habere , qui præcesset , &
cui pareretur : qui que legem illam principem
quam primum in animis nostris natura peperis-
set , tueretur : cum qua illi tanta similitudo esset ,
,, vt verè lex loquens debeat nominari . Quæ enim
,, domus , quæ gens , quæ hominum societas sine
,, aliquo qui imperet diutius splendorem suum re-
tinere potest ? At genus illud imperij quondam
ad sapientissimos & sanctissimos quosque defere-
batur : quod & in Repub . Romana valuit quan-
diu ei Reges præfuerunt . Nam & naturæ soler-
tiam imitati homines , ei tantum ad regna adi-
tum

tum patere voluerunt , qui aliqua excellenti virtute cæteris præstaret , vt eius sapientia non illi tantum , verū & vniuersæ ciuitati laudi esset. Neque verò apud Medos solùm , vt ait Herodotus , sed etiam apud omnes populos iustitiæ retinendæ causa bene morati reges sunt constituti : nam inopes à potentissimis pressi ad alicuius clientelam se conferebant , qui eiusmodi periculum ab illorum capite depelleret. Vnde euenit vt ciues non grauatè illi obediant , & eum summa obseruantia colant & diligent : quod Charondas summus legislator legibus suis comprehendit . Plato- niique ex Titanum genere statuuntur , qui magistratum actionibus aduersari volunt . Itaque doctissimi homines in magnorum principum rebus gestis memorizæ mandandis voluntario otio occupati , illos tam abundantes vrbaniſ & bellicis laudibus nobis prodiderunt , vt non tam eos qui aliquando vixissent , quām si ab aliquo Deo facti essent , describere viderentur . Quo in genere princeps Xenophon , cùm de Agesilao historiam instituisset , facile eas omnes laudes quæ de præstantissimo principe dici possunt , uno libro complexus est . Et multis ante sæculis Homerus Vlyssem tot sapientiæ ornamentiſ præstantem facit , vt non tam ille natus , quod cæteris commune est , quām summo deorum immortalium beneficio hominibus donatus esse videretur . Iam quis nostrum cum Virgilij libros diuinitus scriptos , in quibus semper Æneas exprimitur , legit , non


existimat Æneam tantis illis virtutum insignibus ,
quasi de schola summi Dei instructum ad rerum
administrationem processisse? Vnde & apud Esaiā
Dominus Cyrum superiorem, Messiam & vncū
suum appellat, vt omnibus sit exploratū, eos quo-
rum temperatione principatus & imperia tenen-
tur, nisi Dei suffragio & gratia in tātum honorem
non venire. Nam his, vt inquit sapientissimus ille
,, Nestor apud Homerum , ζως κῆδος ἐδοκεψ. Vnde
& nonnulli reges signis & prodigiis, priuatis ho-
minibus præstiterunt, & ea gesserunt ipsi, quæ ad
diuinitatem proximè accederent. Nam & Vespa-
sianus proconsul Syriæ cùm tumultu militum Im-
perator esset appellatus , homini cæco oculos , &
leproso sanitatem restituisse fertur, cùm nusquam
antea de se tale quicquā cōcepisset. Pyrrhū quoq;
Epirotarum regem historiæ narrant multos con-
tactu sanauisse. Omitto multa de Christianissimis

Gallorū regibus dicere, quæ propter exem-
plorū multitudinē nobis sunt notio-
ra: ex quibus omnes ferè popu-
li in grauiissimis morbis
fructus capiunt
diutur-
nos.



Honor debitus.

In disciplinam temporum.




*Fortis equa, o quoties hederis victricibus vsa,
Norat Olympiacis vincere carceribus.*

*Huic statua & tumulus post ultima fata
dicantur,*

Et datur in manes debita palma suos.


*Quin & honorat & statuunt delubra Diana,
Quos posuit mundi ius dare cardinibus.*



NARRATIO PHILOSOPHICA.


Vetus fuit & plena religionis apud maiores beneficij referendi consuetudo, ut non tantum hominum memoriā qui praeclarè & fortiter aliquid in republica gessissent, monumentis & trophyis consecrarent: sed bruta quoque animātia, quorū virtute res feliciter esset gesta, tumulo & statuis honorarent. In quo Alexāder, mea sentētia prestitit cæteris, qui cum Bucephali equi sui dexteritate multa bellum discrimina superasset, illi mortuo exequias duxit, & tumulum posuit, deq; eius nomine post Thebārum expugnationē, urbē edificauit. Et Plinius author est Agrigēti multis pyramides equis locatas esse. Par est enim eorum memoriā non perire, quo rū salus aut utilis reipublice fuit, aut cōiuncta certe publice saluti. Iam & equo suo dictator Cæsar statuā in æde Veneris genitricis fertur cōsecrassē, humanis pedibus, qua forma ille fuerat: in quo tanta fuit sagacitas, ut præter Cæsarē aliū sessore admiserit neminem. Gloriosa sanè res, & homine non ingratia digna, per quos aut viceris, aut rem bene & nauter feceris, eorum historiā & gesta meminisse. Quo in genere Adriano Imperatori summo honoris fuit Plotina mortua, cuius gratia à Traiano fuerat adoptatus, nouē dies in veste pulla incessuisse, eiusque nomine pro memoria tati beneficij templū dedicasse. Nā qui per equā euasit ὀλυμπιονίκης, & quibus per mulieres licet in amplissima dignitate & fortuna esse, parū memores & grati videantur, nisi illis gloriam etiā post aras cōmunicarint, quorū opera ad tantum honorem aut magistratū sunt producti.

In nor





In normam Lesbiam.

Bonus iudex.



*A spice ut in partes semper tornatilis omnes,
 Sesubiect am operi Lesbia norma facit.
 Intus saepe latet script & sententia legis,
 Qua solet in tota iudicis esse manu.
 Hanc ille in varijs rerum variare figuris
 Debet, non unum semper, idemque sequi.*
 E 1111



NARRATIO PHILOSOPHICA.

NO R M A M Lesbiam non iniuria veteres cæteris prætulerunt, quod ea flexibilis & tenebra quocūque duceres facile sequeretur, séque ipsa operi cui adhiberetur, scitissimè accommodaret. Reliquæverò hoc ipso minus cōmendantur, quod si forfan sint breuiores, neque ad iustum operis magnitudinem deduci, neque si longiores in angustum contrahi possint. Quod doctissimi homines ad eos qui iurisdictioni præessent pertinere crediderunt, vt hi in hominum controuersiis explicandis se normæ Lesbiæ quām cæterarum similes esse mallent, neque semper in omnibus litibus eundem tenerēt cursum, sed variè ex personis causisque statuerent. Nam si is esset forensium causarum status, vt eæ semper ad infinitum quoddam genus referri possent, esset certè in iudicando per facile summa illa capita sequentem nihil offendere. Sed quia iis rerum & euentorum procellis obruiuntur, vt in tanta factorum varietate nihil prope alteri simile possit apparere, rationem habet, vt qui in munere iudicandi versantur, ad specierum diuersitatem animos suos accommodent. Semper enim iudicantium religioni moderatrix fuit factorum varietas, qui'que optimè iudicat is maxime omnium in diuersis opinationibus consistit. Nam nunquam in subselliis degentibus laudata est perpetua in vna sententia permanacio: sed vt corporum differentiis obsequi artis medicorum est, etiam si is sit morbus qui talem curationem non recipiat: sic plerunque & personæ & temporis

ris ratio expostulat , vt de constituto & perpetuo quodam iure decedamus, atque ea sequamur, que remotis circumstantiis aliquid certe iniquitatis & iniustitiae essent habitura . Itaque si qui sunt ex nostris, qui tantam industriae suae & studiorum fiduciam habent, vt ius illud vniuersum tractatu & rerum varietate infinitum , primum in genera dividere, deinde in membra capere se posse praedicet, vereor ne aut quod auribus inculcant nostris exemplere nequeant, aut magis oleo & palæstræ quam foro & pugnæ inseruisse videantur . Quis enim adhuc ex nostris hominibus est inuentus , qui, etiam si ea omnia quæ iurisconsultorum & magistrorum iuris monumentis continentur , memoria sit complexus, non tamen interdum in iudicando offendat aliquid tale, de quo adhuc nulla rogatio facta est? Cui tam feliciter omnia , quæ vel ad maiestatem imperij , vel priuatorum cautionem pertinent, lecta, audita, disputata esse possunt, qui non aliquando in id genus necessitate incidat , quod maiores sui ne cogitatione quidem attigerunt? Quid igitur instrumenti & facultatis ad legum iurisque disciplinam attulisse videatur , qui restantas in summum quoddam genus coegerit, quarum scientia magis singularium notione quam specierum distributione censeatur? Quod si quis vel industria sua, vel assiduo labore videatur esse consecutus, id tamen aliquando afferet dies, vt opinione posteritatis contractius rem totam conclusse iudicetur. In quo adhibendi essent illi qui ex umbraculis eruditorum, usum legum ad pul-

uerem fori clamoremque perduxerunt. Iis enim solis verè perspectum esse potest, quibus vinculis rerum species inter se colligantur, ut ad idem genus reuocari queant. Græculis autem hominibus, & iis qui cum lucem illam fori ferre non possent, rerum maximarum notitiam spatiis & deambulationibus suis statuerunt, difficile factu est his de rebus scientissimè iudicare. Neque enim plurimū mirationis habet ea quæ summo studio foeris meditatus, apud concionem de scripto recitare. Sed is mihi videbitur hoc tam præclaro iurisconsulti nomine dignus esse, qui de quæstione quæcunque sit proposita, secundum leges, instituta maiorū & ciuitatis iura illuminate possit responder. Qui si ius ciuile ad artem & præcepta se redacturum prædicet, plurimū certè apud me & fidei & auctoritatis sit habiturus.



*Ad fontem Dodonæ.**In sibi præfidentes.*

Fons in Dodona est regi sacratus Olympi,
 Qui solet extinc tas igne ciere faces,
 Accens aq̄ etiam flammas exinguere teda.
 Hæc est diuinæ regulæ iustitiae.
 Nam fastu elatos cliuum deturbat in imum,
 Et primos illis denegat accubitus:
 Sed quos sub tenui nutrit Rhamnusia tecto,
 Hos pleno cornu copia Diâ iuuat.


NARRATIO PHILOSOPHICA.

ONTEM Ioui sacrum in Dodona fuisse prididit antiquitas, qui mea quidem sententia & naturæ ductum, & totius orbis miracula superrauit. Nam in eo hanc vim & virtutem fuisse accepimus, vt faces extinctas accenderet, & nihilominus si accensæ admoueretur, restingueret. Quod si verum non est, ideo à poëtis qui quondam res gestas ad fabularum inuolucra traduxerunt, effictum esse possumus suspicari, vt Deum optimum maximum, quem & Hebræi diuinitatis appellatione IOVA, & Christiana etiam scripta vitæ fontem dixerunt, nobis velut coloribus suis depingèrent. Ea enim est Domini erga humanum genus sacris literis testata conditio, vt homines rerum felicitate, & fortuna secunda exultantes, aduersa ægritudine, suorū orbitate & rei familiaris iactura coerceat, & tantum illum splendorem, quo se æqualibus suis semper præluxisse existimabant, quasi vim flammæ, aquæ multitudine opprimat. Cum iis verò quibus inest æquabilitas in omni vita, & idem semper vultus, quique in rebus depresso animo non franguntur, neque ea expetunt fortunæ adiumenta, in quibus omnia sunt impotentibus & ignauis viris, benignè & liberaliter agit Dominus, & sæpiissime ex summa generis obscuritate ad omnia magna euehit, vt facile cæterorum luminibus obstruant. Et quemadmodum scite à maioribus laus sequi fugientem dicta est, & sequentem fugere: ita processus rerum maximarum plerunque ab iis quorum ambitionis labore

bore vita retinetur, longo interuallo abest: illos vero saepe consequitur, qui nihil unquam tale animo conceperunt. Qui enim ita sunt affecti, ut & modico & suo contenti sint, & pauca pateant in eorum vita quæ fortuna feriat, iis si aliquid paulò fortunatius acciderit, rem totam domino acceptam ferunt, & eam putant sibi velut contigisse de lucro. At qui opum cupiditate incredibili sunt incensi, neque ullum de pecuniis cogitandi tempus intermittunt, si qua in re illorum expectationi fortuna responderit, beneficium illud ascribunt diligentiae suæ: & plerunque rerum prosperarum successu tam fiunt insolentes, ut multa sibi Deum optimum maximum reliquari potent. Et grauissima sanè sententia apud Esaiam dominus Affyriorum regem increpauit, quod rerum gestarum magnitudinem, & præstantissimas victorias priuatis laudum suarum rationibus referret, & quasi hæreditatem gloriæ Dei, & præclarum illud conferendæ victoriæ patrimonium, quod semper diuino numini veteres sapietes tribuebat, expilaret. Alio loco etiam regi Babylonis Nabuchodonosores non modo aduersas, sed planè euersas prædicit, quod direpta regia vrbe Ierusalem sibi nimiùm præfideret, neque in tanta fortunæ felicitate, & imperatoriis manubiis autorem Deum citauisset. Itaque mirari desino regnorum euersiones, imperia deleta, conquassatas prouincias, exercituū clades, & mirabiles fortunæ casus, qui patrum nostrorum memoria in summis principatibus contigerunt. Quod enim tribubus Israel, & Iudeorum populo,

sic

Si se à domino volūtate abduxissent, per Mosen & Prophetas euenturum prædictum est, id etiam reliquis omnibus populis præsignificatum esse possumus affirmare. Nam quo animo & qua propensitate Dominum erga eam gentem esse oportuit, quæ religionem suam omni scelere funestarat, & conuentus illos iure sociatos, quæ ciuitates appellantur, intestinis cædibus macularat? Quis ergo cù tot in Asia & Europa florentissima regna direpta, & Christianos iis sedibus pulsos, quas maiorum suorum armis & virtute hæreditarias acceperant, cogitatione complectitur, non existimat eos quibuscum tam crudeliter & seuerè actum est, iustas scelerum suorum domino pœnas persoluisse. Malè enim se res habet, cum ij qui plenioribus officiis à Deo sunt ornati, tantæ liberalitatis immemores minus sibi præstitum putant. Ex quo fit ut rebus turbulentissimis, & iam calamitate pressi, serius aliquando ea sapiant, quæ in summa copia longè antè potuissent præuidere.






*In Rhododaphnem.
Scriptura sacra gladius anceps.*



Nobilis aspectu foliōq; virens Rhododaphne,
Dicitur egyptis esse medela viris:
Tollit & humano conceptum in pectore virus,
Et lēsis adfert artubus antidotum:
Bruta tamen folijs animata extinguit eisdem.
Hac sunt scripturæ non aliena sacrae.
Illa pios recta cœli deducit in axem,
Sed nigrum reprobis addere Theta solet.
Et licet hac toto nil sit præstantius orbe:
In latum errorem noxiæ corda trahit.



NI H I L est vel præstantius vel melius à Deo optimo maximo hominibus datum , quām ea disciplina quæ quondam per Mosen & Prophetas tradita,nuper etiam per Messiam domini renouata,tandem ad nos ipfos peruenit . Neque verò Ptolemaeus Philadelphus eam bibliothecam , quam tot millibus voluminum instructissimam faciebat,magis honorari posse existimauit,quām librorum Mosis & Prophetarum accessione.Nam cum Eleazaro principe sacerdotum summa contentione per legatos egit, vt nonnullos legis peri-
tissimos in Ægyptum mitteret,qui libros illos ex Hebræo in Græcum traducerent. Quod cùm impetrasset, quanquam nulla religionis societate ad Iudæos pertineret,non minus tamen ex eo ad nationem suam dignitatis & splendoris,quām ad bibliothecam ornamenti accessisse iudicauit . Iam & nonnulli Hebræorum tradiderunt nulla re magis terrarū orbē vnquam decoratū esse,quām illo ipso die quo Salomon Ierosolymorum rex Cantum Canticorum populo descriptum & recognitum fecit. Quæ cum ita sint,miretur opinor quis piām illo sacrarū literarū instrumento potuisse aliquos in offenditionē deduci. Sed vt rhododaphne herba hominibus contra venena prodest , & mirificè in curationibus commendatur,bruta autem animantia omnino delet & perimit;sic literæ illæ sacræ viros bonos ad virtutem alacriores faciunt,& ab animis bene informatis ægrotationes depellunt:flagitiosos autem & omni scelere impuros

ros in salutis periculum vocant, & opinionibus deprauatis omnino labefactant. Nam si volumus vel ab ipsis nascentis Ecclesiæ cunabulis hæretico rum memoriam replicare, nullum extam multis reperire possis, qui non sceleratum dogma suum aliquo Euangelij loco firmauerit. Et Mahumetès quidem ipse, quamuis legem mirè cum Euangeli ca nostra pugnantem suis descripserit, nonnulla tam ex Euangelio ad impuritates & flagitia sua reuocauit, & nefarium dogma suum etiam Euan gelico diplomate adiuuare conatus est. Itaque nō abs re illud est quod Aristo Chius dicebat, nocere „ audientibus philosophos, iis qui bene & sapien ter dicta male interpretarentur. Quid enim tam „ sanctè aut præclarè dici potest, quod nefariorū ho minum scelere non deformetnr? Quòd si cui nihil magis in vita propositum est, quam ut se acerri mum veritatis defensorem esse velit, & sapientū iudicio magis quam suo in illis scriptis versetur, verendum non est ne non ex earum literarū vsu fru ctus pietatis capiat sempiternos. Si enim veritatis simplex est via, videatur mea sententia desipere, qui eam ad disputationum laqueos tanquam in aliquod verborum pistrinum compegerit. Sed tamen quis Euāgelica nostra, quamuis nudè scripta legens, non impensè diuinitatis & rerum maxima rum cogitatione retinetur? Neq; enim quicquam lucis ad veri peruestigationem verborū faces affe runt: neque in rebus magnis pertractādis oratio nis impetus iuuat, nisi quo primūm quæstionis

genere institeris, in eo postremū velis perorare.
” Ac profecto ad nos optimi maximi Dei vox est
” profecta, non ut linguas, sed mentes faceret erudi
” tas. Non igitur sperandum est, ut illis sacrarum li-
terarū lectio fructuosa esse possit, qui, si quæ
de religione controversia inciderit, ad
interpunctiones & verborum no-
tas tanquam ad aram
confugiunt.



*In Lamachum ducem.
Seueritas in bello.*



*Lamachus in bello fæuus, versansque secures,
Militibus veniam denegat ille reis.
In castris nulli sui fas peccare secundò:
Exitium præsens vnic a noxa trahit.*

F ij

NARRATIO PHILOSOPHICA.


NVLLA re magis imperij & potētissimi prin-
cipatus maiestatem retineri posse maiores
censuerunt , quām rei militaris disciplina: quām
qui in castris violasset , iussu Imperatoris capitali
pœna plectebatur . Nam & Lamachus iis qui vel
leuissimè in bello offendissent , vltimum suppli-
cium constituit , neque castrorum dignitati con-
sentaneum esse duxit, si miles secundūm deliquis-
set . Quis enim noxam condonandam putet , qua
sæpiissimè totius imperij clades & ruina contine-
tur? Semper autem veteribus Romanis antiquior
castrorum disciplina , quām sanguinis & coniun-
ctionis fuit: multi que apud eos sunt inuenti , qui
vt ius illud militiæ sanctius tuerentur, ne propriis
quidem filiis pepercerunt . Nam & Brutus is qui
primus consul factus est, filios suos consiliis reipu-
blicæ aduersantes cæcidit, & præclarissimum ciui-
bus suis monumentum reliquit, retinendæ in bel-
lo seueritatis. Durius etiam Torquatus , qui filiū
inspectante exercitu securi percussit , quod certis
simæ victoriæ spe iniecta , contra edictum suum
signa cum hoste contulisset. qui etsi feliciter dimi-
casset, factum tamen illud propter exemplum pa-
ter notandum existimauit. Semper enim capitale
fuit iniussu Imperatoris hostem laceſſere. quod
qui fecerit , etiam si feliciter & prosperè rem ge-
rat , temeritatis tamen sit arguendus . Atque
utinam iis quos cælestis militiae milites Iuris-
consulti nominarunt , Lamachos duces habe-
remus: non quod tanta inter Christianos optan-
da

da sit seueritas: sed vt omnibus sit exploratum, nō minus in illa vrbana, quām in armata militia iustitiam, cæteraque æqui & boni officia coli debere. Quòd si Ethnici in castris iterum peccare pro nefario scelere habuerunt, quod nos sacrum commissum eorum iudicabimus, qui ad militiam Dei publico stipendio cōduēti, & velut oratores ex Euāgelicæ legis commentario dati, pro peccatis populi placabilitatem à Domino deprecantur. Mea certe semper ratio fuit, vt bellissimè cum iis qui aliquo in officio degunt, aëtum esse existimem, si vel ex prima noxa loco suo & dignitate moueantur. Et si enim vel humana mortalitas, vel etiam clementia ipsa, quę maximè Christianos decet, veniæ locum sit factura: id tamen dignitati & honori quem gerunt tribuendum est, vt nunquam in magistratu toleretur, qui illum aliquo flagitiopolluerit. Ex quo opinor illud descendit, quod in Canonibus constitutum est, hominem qui eam quam putabat virginem, cum tamē esset corrupta, duxerit, illa è viuis erepta non posse sacrī ordinibus auspicari. quod non aliquo illius flagitio receptū esse possimūs interpretari: cùm ignorans, neque delinquere, neq; iure suo potuerit excludi: sed id affert sacerdotij dignitas, cui nisi omni perfecti & virtutis genere cumulati initia ri ex lege prohibentur.




Antronius asinus.

Animi vires corporis viribus præstare.



Quē stupidum spectas mirādo corpore onagrū,
Venit ab Antronis bellua tarda solo:
Huic caput immēsum, moles quoq; corporis ingēs
Prædicta sed nullo est machina tanta sale.
Quid præstāt passis immania robora membris,
Si caret eximijs dotibus ingenium?




NARRATIO PHILOSOPHICA.

APVD omnes fere populos robore & corpo-
ris forma præstare, semper in laude positum
eit: Persæque quia eos qui nasum aquilinum habe-
rent, specie egregios esse existimabant, nusquam
aliquem in regnum admiserunt, nisi qui ea forma
prædictus esset. Et in sacris literis Moses forma
præstantissimus perhibetur, quasi ad tantas illius
laudes, quibus facile reliquis præluxit, hac etiam
nota fieret accessio. Cùm enim in aliquo corporis
partes apta compositione membrorum magno
cum lepore consentiunt, ea certe res intuentium
approbationem mouet: vnde euenit, vt qui se ad
scribendas summorum virorum historias applica-
uerunt, pulchritudinem corporis oratione attin-
gant, quòd eam rem etiam in hominè laudādo va-
lere putent. Quod opinor cum ratione dicitur, si
aptæ illi membrorum compositioni mores non
aduersentur. Pessimè enim se res habet, cum in pul-
cherrimo corpore animi forma non elucet. Vnde „,
præclara illa de Nestore apud Homerum Aga- „,
memnonis vox:

Αἰγαρζεύ τε πάτερ οὐδὲ ἀθηναῖς οὐδὲ ἀπολλόρ
Τοιούτοι δέκα μοι συμφράσμορες ἔτερος ἀχαιῶν „,
Vtinam, inquit, ò Iuppiter pater, & Pallas &
Apollo, tales mihi decēm consiliarij essent Achi-
uorum: neque enim Aiaces decēm corporis viri-
bus præstantes sibi dari cupiebat, sed Nestori si-
miles decēm: qui quanquam tum esset affecta iam
xitate, tamen reliquorum vires & lacertos animi

vi præstantissimi regis testimonio superabat. Dar-
rius quoque se malle Zopyrum vnu habere, quām
centum Babylonas capere prædicabat : neq; enim
quondam fortissimi illi Imperatores magis arma-
ta vi, & validissimis copiis , quām animi consilio
præclarissimas victorias domum retulerunt . Vn-
de Fabius Maximus Annibalem Romanorum a-
ris focusque imminentem patientia fregit , quem
tamē alij summis exercitibus non domuerat. Qui
autem ex eo numero sunt quos antiquitas Iouis fi-
lios appellauit: quique robore & corporis habitu
excellentes habentur , neque tamen quic-
quam tatarum virium expectatione
dignum audent , hos verius
Antronios asinos quām
homines appell-
amus.



In libram Critolai.

Nihil virtute melius, nihil præstatius.



Define Tartareis animum oblectare metallis,
 Nec refer in trutinam quicquid Erytra
 parit,
 Et prensatorum stulii damnentur honores,
 Et iaceat nostris ambitus ipse foci:
 Sola sit in pretio virtus, quæ pondere iusto
 Critolai in librac æter a solatrabit.

F v

NARRATIO PHILOSOPHICA.

CRITOLAVS nobilis Peripateticæ sectæ phîlosophus, cùm Aristotelis sententiæ doctrinæque successisset, quæ ex tribus bonis summam hominis felicitatem constare affirmabat, sic tamē rem totam à Stoicorum opinionibus magnopere discrepantē temperauit, vt animi bonum ex vna libræ parte collocaret, reliqua autem corporis & fortunæ bona in aliam coniiceret. Cùm autem libram in altum sustulisset, ea pars quæ virtutem, hoc est animi bonum contineret, tanto erat altera depressior, vt suo pondere facile terras & maria subleuaret. Ex quo, opinione bene iudicantium consensus inter Stoicos & Peripateticos efficitur.


„ Et si enim Stoici, virtutem ipsam suis præsidiis ad „ bene beatæque viuendum contentam esse putaue-
rint, non nihil tamen corporis & fortunæ bonis,
quæ præposita aut producta appellabant, tribuerunt. ea enim si homini adsint, virtutem ipsam effi-
ciunt pleniorem. Nam neque fortitudinis laus si-
ne corporis bonis probè elucere potest, neque li-
beralitatis officia aptè retineri, nisi fortunæ bona
suppeditent. Peripatetici verò quanquam tribus
bonis felicitatem concluderent, virtuti tamen re-
liqua corporis & fortunæ bona proxima, sed lon-
go interuallo proxima statuerunt: quod in illis in-
sist aliquid, quod sine virtutis comparatione spe-
ctare possis. Nam ea si ad honesti præstantissimas
actiones referas, neque secundo, neque tertio lo-
co confistere videantur: Quod si nihil dignū laude
iudicari debet, nisi quod est perpetuum, non sit

certe

certè vero consentaneum, ea in laudandis & valde
appetendis ponere, quæ temporis diuturnitas, vie
ta & caduca sit effectura. Et imperia quidē cedūt,
& regna, & principatuum splendor obscuratur: „
at illud vnum remanet, quod virtute & honesta- „
tis actionibus perfeceris. Quòd si tam virtus om- „
nibus rebus præstat, vt non tantùm eos æternos „
efficiat in quibus insit, sed & ipsa sit sempiterna, „
quis non lubens dimicationem omnem pro il- „
lius ornamentis suscipere sit paratus, vt ei
omnibus modis inseruiat, quæ non
modo sibi viuonō eripietur,
sed ne mortuo
quidem?



*In Herculem adhuc iuuenem.
Inuentus virtuti initianda.*



Dum vitā primū ingreditur Tyrinthius heros,
Valde animi pendens constituit in triuio,
Hic via se paries coram findebat in ambas,
Quæ dubij excruciant fortia corda ducis:
Vna voluptatis longo latissimā calle,
Altera virtutis margine clausa breui.
Sed pius Alcides nulli virtute secundus,
Arctum virtutis se dedit in gremium.
Scilicet hæc ista est ineuntis semita vitæ:
Nam virtus horum sol a beare potest.

NARRATIO PHILOSOPHICA.


HERCULEM cùm primùm pubesceret, narrat Xenophon in solitudinē exiisse, atque ibi sedentem secum diu multumq[ue] dubitasse, cum duæ illi in oculis viæ versarentur: vna virtutis, altera voluptatis, vtram ingredi sibi magis expediret. Is vt erat ad omnia summa natus, nullis deliciarum & oblectamentorum illecebris ab illa malorum omnium esca voluptate affici potuit: tamq[ue] ille imperauit sibi, vt in omni officio ducem virtutem sequeretur: cuius adiumentis instructissimus, fortiter & maxima cum gloria etiam usque ad plaudite actum illum vitæ consecit. Nam pessimis monstribus quibus itinera tenebantur, terrarum orbem perpurgauit, tantumq[ue] domesticis victoriis gloriæ meruit, vt & ἀλεξικανθ dicere-
mæs adūnos
allegro nam
acto. aucto
fuit volgatus
mælos dōm
 tur, & in numerum deorum quos in cœlum merita euocauerant, referretur. Posteritas enim beneficiorum memor, iis qui rerum gestarum splédo-
 re fuissent clari, semper hoc iudicij & benevolentiae tribuit, vt illis definitum in cœlo locum esse existimaret, ubi beati æterno quo cū diis immortilibus frueretur. Quod igitur Herculi adhuc puer Xenophō cōtigisse scribit, id etiā adolescētes omnes in se possūt experiri, vt ineūte ætate consultò deliberent, quos se & quales in posterum esse velint. Quæ deliberatio et si pueris difficilis est, res tamen facile explicabitur, si se potissimum ad id vitæ genus contulerint, in quo virtus maximè elucescit: quod iis opinor non arduum fuerii, quibus virtutis gloria à patribus in hæredi-

tat

tatem relinquì solet. Natura enim accidit, vt in eo
filij se maximè exerceant, quod patres impèsè ad-
amarint. Quibus autem tantum beneficium for-
tuna non concessit, quia ex domo non habēt quo-
rum facta & dicta! cum laude ne meminisse qui-
dem possint, externas familias in consilium adhi-
beant, & eos ipsi sequantur, qui cum præclara il-
la ciuitatum gubernatrice virtute, æternam sibi
gloriam pepererunt. Quis enim tā vulgi aut suo-
rum opinionibus obruitur, cui non species illa
honestatis qualibet voluptate magis enireat? Et
certè qui ita se gerunt, vt eos vel peccare de-
lectet, etiam si nō sit causa, facile tamen
primas dignitati tribuunt, &
suis ipsi iniuriis miser-
rimè crucian-
tur.

Ad Salamandram.

In milites.



*Imbrifer autumnus vitales addidit auras,
Temperies fecit te Salamandra mori.
Captat opes miles tunc cum furialis Enio
Euocat emeritos ad fer a bella duces:
Quod si percussa iurentur fœder a porca,
P auper in exigua deficit illc domo.*

NARRATIO PHILOSOPHICA.

SALAMANDRÆM inter cætera animatia dux
spotissimum res mirabilem reddiderunt: vna
eaque omnibus ferè nota, quod contra naturæ
ordinem in igne aliquo tempore sine iniuria de-
gat, & in mediis flammis spirabilē animū ducat.
Altera quod nisi summa tempestate & maximis
imbribus in vitam ingrediatur: verni autē téporis
serenitate deficiat. Cui appositi similes videri pos-
sint ij, qui militiæ sacramento obstrixi sub ali-
quo imperatore stipendia faciunt. Nam simul-
atque aliquis nouus motus classicum canere cœ-
pit, homines illi studio pugnæ aut prædæ ex um-
braculis suis in clamorem, in solem, in castra erū-
punt, atque in summa cæterorum calamitate &
turbulentissimis reipublicæ temporibus, soli
rem, soli quæstum faciunt: & quasi ex longa ali-
qua ægritudine ad aspiciendam lucem euocati,
pristinam inediā solantur, ut propemodum so-
lis illis in patriæ luctu & orbitate fortunatissi-
mis esse liceat. Fortunas curialium suorum diri-
piunt, patrimonia egentium euertunt, sibi vi-
uunt, agros depopulant, vrbes incendio, ci-
ues cæde, fundos lasciuia infestant: & quod lon-
gè miserrimum est, maiore aliquando homi-
nes suos quam hostes damno afficiunt. Quod
si confecto bello prospera aliqua fortuna otium
pacemque inuixerit, videas homines se sibi pro-
pemodum immutatos in summa paupertate iace-
re, & quod cæteris uberrimos comodorum &
quiet

quietis fructus affert , id illis & perniciosum , &
inimicū est . Neque tamen velim eorum vtilitates
imminuere , qui pericula & hostium offensiones à
patrię ceruicibus depellūt , & corporibus suis adi-
tūm inimicis intercludunt , quoique maiorū me-
moria ius ciuile tot beneficiis honorauit . Sed mo-
nendi sunt polemarchi , & ij quos leges præposi-
tos vocant , vt cohortes suas rapinis & vi prohi-
beant , neque eas in amicorum & sociorum agros
excurrere patientur . Nam si tanta fuit apud vete-
res in re militari religio , vt cum hoste dimicare
fas esse non putarent , nisi prius Paterpatratus bel-
lum indixisset : cum his iustum bellum suscepimus
possit videri , qui & in fide sunt , quibusque nullū
bellū indixeris ? nisi frustra in bellis cautiones equi-
tatis perscribuntur , quibus promulgatis , vt ait
Ennius ,

Tollitur è medio sapientia , vi geritur res .

G

*In equum generosum.
Ne quid ultra vires.*




Conabatur equus domino gratissimus esse,
Siccler iniustum sponte subi et onus:
Verum ubi stans primo vestigialimine pressi,
Mergitur ignarus roboris ille sui.
Dum putat occiduæ mærens respublica sortis
Luminibus claris Hellados obstruere:
Et probitate alijs longe præstantior esse
Concidit infelix pondere vici a suo.

NARRATIO PHILOSOPHICA.

M O S E S & legum descriptione, & exercitus summi, quem à Domino accepérat modera^ratione omnium facile princeps, infinitas propemo dum de sacrificiorum ritibus & sacerdotum officio cautiones libro uno est complexus. Et quamquam eos quos sacris obeundis præficiebat, omni virtutis & honesti forma ex sententia summi Dei excellere debere statueret, nullumtamen de cœlibatu eorum quos לְוִיָּם & כָּהֲנִים scriptura appellat, capitulum promulgauit. Iam & multis post sæculis I E S V S, ex legis illius commentario se Messiam gerens, licet authoratos suos ad nouū quoddam perfecti genus traduceret, partem tamen illam ne attigit quidem. Et Apostoli qui eū in sermonibus audierant, & cæteri etiam qui post eā vocatu Domini illorum dii^ciplinæ se adiunxerunt, quanquam omnem pro ornamentis legis distinctionem susciperent, neque quicquam illis de esse videretur, quod cum virtutis actionibus coniunctum esset, nihil tamen in eo genere edixerunt. Qua in disciplina & posteri qui se ad eandem religionem contulerant, longo tempore usque ad concilium Nicenum sine controuersia constiterunt. Quò cùm ex omnibus nationibus episcopi frequentes conuenissent, visum est & clericorum muneri maximè consentaneum, & à dignitate concilij non abhorrens, si nouo exemplo de cœlibatu sacerdotum ad cōciliū referretur. Cumque omnibus ferè sententias rogatis, eò iā propendere couenantur videretur, ut cœlibatū in Ecclesiā indu-

ceret, inuentus est Phanutius quidam, qui gra-
uiissima sententia dicta à concilio impetravit, vt
ea res singulorum voluntati donaretur. neque
enim existimabat eorum pietatem, qui etiam si
id statutum non sit, præstare essent parati, lege la-
ta minuendam:illos autē quos ad id incitari pos-
se diffidebat, cogi fas esse non arbitrabatur. Cuius
sententiæ tantum valuit authoritas, vt eo consilio
in clerum nihil noui sit constitutum. Pòst verò se-
dente Calisto pontifice, cùm quodammodo à
præstantia & ordine cleri alienum esse videretur,
non aliqua perfecti significatione sacrificios homi-
nes prophanis prælucere, flagitante occidentali
Ecclesia de cælibatu sacerdotum nouum decre-
tum perscriptum est:quod etsi sacerdotibus Græ-
cis non placuisset, tamen ad hæc usque tempora
nostrī homines constans & perpetuum esse volue-
runt.Cui licet præstantes viri & pontificiæ liber-
tatis acerrimi vindices sint aduersati, optandum
est tamen vt qui id vitæ genus arripuerunt, in eo
piè & sanctè versentur, neque tantæ pietatis sci-
tum, sordibus & illa imitatrice boni voluptate
adulterent.Quid enim in sacerdotio tam splendi-
dum aut tam præclarum esse potest,quod istis for-
dibus non obscuretur?Iam qui primi continetiæ
legem in ecclesiam inuixerunt, eò potissimum
spectabant, vt clericos suos rerum diuinaruim imi-
tatione Deo propiores facerent.Qui autem pu-
blicis stupris sacerdotia dehonestant sua, non vi-
deo in quo concilij sententiam assenti possint.
Quod si matrimonij negotiis implicari, & ordi-
ni,&

ni & maiestati clericorum conueniens non est, non erit opinor ferendum , tantam dignitatem in luce omnium nefario scelere deformatam iacere. sunt enim homines qui in rebus contrariis parum sibi constant, matrimonium seuerissimè fugiant, in omnibus autem voluptatibus & stupris videantur molliores. Ac sane non est consentaneum aliquos esse, qui quæ in aliorum facultate sunt posita, sibi licere nolint: quæ verò sunt & flagitiosa & vetita sibi omnino concedant. Itaque monendi sunt ij quibus Ecclesiæ dignitas & salus pericunda esse debet, vt eos clericos qui de concubinatu & aliis sceleribus rei peragentur, quia virtutis specie in officio retinere nequeunt, legum seueritate à noxis reprimant, & poena conciliorum coérceant. Absurdum est enim, vt qui vulgo & leuiter doctis in exemplum sunt positi, illis peccandi illecebram afferant. Quòd si olim quæ Vestę sacerdotes nominabantur, si qua illis violatæ pudicitia labes inuri posset, tantas pontifici maximo poenas dabant, vt viuæ in terra ex lege defoderentur: quæ iis afferri poterit iniusta nex qui Dei summi & æterni sacerdotes dicti , contra Evangelica præcepta, maiorum instituta, & disciplinam temporū sacra sua nomine impudicitia scelerato labefactant?



Ad statuam Bacchi.

In πολυσάργες iudices, pretio positos.



Bacche pater, iudex apiana insignis in vua,
 Patrios inter dinumerate seres:
 Disce coronatis mdcicè crateribus vti,
 Non est in multo mens bene doctamero.



A L I V D .

Pampineis Lenæ pater redimite corollis,
 Fascia cui longum cingit odora caput:
 Cui philira intex' & præcingunt tempora vitta,
 Inficit & rubeas vua Falerna genas:
 Cuique grani exundat pēdēs abdomine vēter,
 Iureque lētiā diceris esse dator:
 Quæ te adlegerunt nostris suffragiarostris?
 Quæ tibi in orcheſtā ſata dedere licum?
 Quæ vota in noſtrum te conſcripſere ſenatum?
 Vnde iibi latus claus, & vnde togā?
 Te iuratalatent ſancti consulta ſenatus,
 Te legum & iuris pagina ſacra fugit:
 Quid diſtent noſti cellis Chia vina Falernis?
 Ergotib; vi & ſi ſtatus ille tu.
 An te patritium regina pecunia fecit?
 Illa magistratus vna creare po eſt:
 Noſtra quoque ignauis ſubſellia cōplet onagris;
 Et queritur populus iura de eſſe ſibi.
 Ecce igitur ſtomachans rubricā tendit Apelles;
 Ne ſutor ſoleas egrediare tuas.


G iiiij

NARRATIO [PHILOSOPHICA.]

SEMELE s filium non solùm noua vinearum
descriptione, sed & Africæ Asiacque triumphis
clarum Indi apud Nysam, beneficiorum memores
in templis suis, deinde & nostri in subselliis loca-
uerunt: in quo quanquam ea corporis forma elu-
ceat, quæ procul ab omni studiorum contentio-
ne nullam scientiæ doctrinæque significationem
habet, credendum est tamen illi aut pecunia, aut
gratiosorum suffragiis, tantum dignitatis gradū
inter suos obtigisse. Cui enim plus palatum quām
cerebrum sapit, cui in immanibus poculis & epu-
lari conuiuatione omnia sunt, qui iuris forbendi
magis quām dicendi peritus est, qui denique nullū
scientiæ genus cognitione attigit, is aliqua sua ex-
cellenti virtute, aut priuatis in rem p. benefactis
tantum in senatu locum videatur esse consecutus?
Quòd si aliquis nostrum forte miretur, quo tan-
dem modo eiusmodi homines eum vitæ cursum
tenere potuerint, vt tandiu nullo aduersante mu-
nus illud tueri possent: est certè quòd miretur ma-
gis, aliquos ex eo numero esse inuentos, qui for-
te lites & controuersias longo tempore termina-
rent: quibus si impunè nullo vsu, nulla subiecta
scientia in illis honoribus versari licuit, quæ tan-
ta in obæsis & bardis hominibus impeditio est,
quo minus eas munerum renuntiationes quas per
coëmptionem ere & libra factam sibi parauerunt,
obire possint? Nam cur reddendi iuris necessita-
tem pretio non proscribant, quam summa pecu-
nia sibi prensauerūt? Cur eas leges in officij admi-
nistra

nistratione diligenter colant, quæ si fuissent obseruatæ, in magistratu illo nunquam essent designati? Neque verò in litibus finiendis ius consiliariū coguntur adhiberc, in quo illi nihil operæ & laboris posuerunt. Si enim antiquitus antequam vllæ populis leges essent descriptæ, qui sententias ferrebat, bene ad æquitatem, &c ad litigantium leuationem appositè putantur iudicasse, cur non isti homines principem illam naturæ legem sequentes, optimè rem quæcunque in quæstionem cadet poterunt expli-care?

G v



*In rabulas & operarios lingua ce-
leri.*

Parcè & ad clepsydram loquendum.



*Orant clepsydra modum prescribit, & hora
Declamatorem fixa tacere iubet:
Sedula ponatur clericis custodia linguae,
Sæpe loqui nocuit, sed tacuisse iuuat.*

NARRATIO PHILOSOPHICA.

PROCLAMATORES & rabulæ de foro
quos λογοδιαδιλλάσι, & artifices sermonis Pla-
to vocat, plurimum se facultatis ad iudicia afferre
putant si eas causas quæ ab æquitatis rationibus
longè sunt positæ, verborum vel inanum strepi-
tu, & quodam quasi sono apud iudices tueantur.
In quo non vident homines veteratores id natura
partum esse, vt quò res aliqua à veritate & æquo
& bono longius absit, hoc dicendo & eloquendo
magis sordeat & inquinetur. Quis enim verbo-
rum impetus, quis splendor orationis tantus
esse potest (nisi penitus apud homines insipien-
tissimos sit dicendum) qui iniustitiam ad præ-
sidium æquitatis deducere, aut impurum ali-
quod facinus adumbratione honestatis possit præ-
texere? Vnde & vetus mos ille fuit ad clepsy-
dram declamandi, ne longius extra pensum mu-
nusque suum oratores excurrerent. Quo in ge-
nere qui offendissent, pœna pro sedentis arbitratu
multabantur. Ex quo & illud profectum est, bos, ,
super linguam. Iam verò, vt Cicero author est, ,
extate sua amplissimus ille ordo iudicium tantum
apud exteras nationes, ob iudiciorum corruptelā
inuidiæ contraxerat, vt ei qui eloquentissimum
& fortē ad resistendum oratorem, aut etiam
pecuniæ subsidia maxima haberet, causa cade-
renō liceret. Itaque referente Pompeio lex lata est,
vt is cui ad agendum potestas facta esset, ternis
horis

horis causam peroraret. Nā si veritas vna in iudiciis dominari debet, amputanda est illa verborum luxuries, quæ se magis & magis profundit. Et profecto preclarissimū fortitudinis & libertatis testimonium ab omnibus Græcis Vlyssi redditum est, quod Thersitem in concione liberius agentem, & quasdam veluti verborum faces Agamemnoni admouentem dicendo repressisset, & hominis importunissimi loquacitatem præsenti iracundia retardasset,

*μὴ δέ τι, inquit ille apud Homerū , τηλεμάχοισπά- „
τηρε πειλημένος εἴηρ*

Εἰ μὴ ἐγώ σε λαβωμ, ἐπὶ μὲρφίλα εἴμαζα οὐσα „

Χλαινάντ' ἡδὲ χιτῶνα, τὰ τε αὐθῶ ἀμφιπαλύπτει „

Αὐτὸρθει κλάουντα θόας ἐπὶ νῆας αφίσω „

Πεπληγὼς ἀγωρήθειρ ἀεικέσσι ταλιγήσιν. „

Neque enim ferendi sunt illi qui ex conuiciandi licentia, & flumine orationis in causis agendis gratiam & momenta aucupantur, aut cum causæ suæ iudices parum propitos senserint, dicendo diem eximunt.



*In simulachrum deæ Agenioræ.
Silentium.*



*Qui ne quis indomitæ præbere repugnula lingua
Et futilem multo scommate vincis anum,
Quique tui demens prodis consultia senatus,
Si sapis à nostra disce tacere dea.*



NARRATIO PHILOSOPHICA.

AGENIORAM silentij deam veteres summa
obseruantia in templis suis coluerunt. illam
enim rerum cælandarum gloriam tantæ digna-
tionis esse sunt arbitrati, vt eam numinis alicuius
præsidio & tutela consecrarent. Quo in genere tā-
ta in Pythagora valuit religio, vt discipulos suos
potius tacere quām loqui doceret: neque quen-
quam pro discipulo agnosceret, nisi qui quin-
quennium tacuisset. Quis enim probè loqui po-
test nisi diu multumque siluerit? Vnde & extat
„ vetus illud, semper esse tacendum nisi cum taci-
„ turnitas nocet. Et Cneus Pompeius cum piratico
bello à Gétio rege interceptus, secreta populi Ro-
manaproferre iuberetur, digito ardenti lucernæ
„ admoto constantissimè renuit, inquiens, se potius
„ eiusmodi cruciatu vitam, quam senatus secreta
„ profusurum. Metellus quoque tam sanctè laudem
illam coluit, vt se non dubitanter vestem incensu-
rum affirmaret, si eam suorum consiliorum parti-
cipem esse posset suspicari. Iam & Romani, iuue-
nes suffragio & senatus ingressu prohibuerunt,
quòd ætas illa ad detegenda senatus acta inuita-
re videretur. Quo magis nōnullos miror qui apud
nos consiliorum in republica socij amplissimas
dignitates gerunt, iusiurandum illud quod magi-
stratum suum primùm ineuntes præstiterunt, tam
parui facere, vt ei parti cui officiosi esse volunt,
collegarum sententias & senatus propensitatem
renuntient. Quod etsi decretis principalibus satis
prohibitum est, eo tamen est detestabilius quòd is
cuius

cuius res agitur de senatus voluntate certior factus , id contendit , vt eos quos sibi in eo ordine aduersantes cognouerit , de sententia deducat , & quacunque ratione cause adiungat suæ: qui si nullum rot precibus & concursationi suæ locum relictum esse videt , illos pecunia & gratia non definit oppugnare . In quo admonendi sunt , ne priuatas necessitudines & amicitias senatus grauitati , dignitati ordinis & iudicandi re ligioni anteponant : néve committant , vt eos quibus hoc officij præstiterunt , alii quando facti sui insectatores ha beat .





Dorica musa.

In iudiccs Δωροφάγος, quibus plus placent libelli ferentarij quam supplices.



*Sic cupis esse fabris, populo suffragia vendens,
Et si solatibi Dorica musa placet:
Iam procul à nostro demens abscede senatu,
Non sunt naturæ commoda nostra tua.
Qui poterit recto sententia cedere talo,
Alter si dederit sercu' a multa cliens?*




NARRATIO PHILOSOPHICA.

VENADMODVM ex fœminarum genere
 quasdam prodidit vetustas manus habere
 oculatas, neque quicquam credere, nisi quod &
 videant & pertingant: ita certè quoddam èst ho-
 minium genus, cui iustiùs natura oculos in mani-
 bus quam in fronte locauisset. Iis tanta est in tactu
 sagacitas, vt nisi eo sensu moueantur nunquam.
 Hos Homerus antiquissimus poeta *Δωρεέρος* vo-
 cat, quod in summis magistratibus obeudis & pas-
 sim, & omnia, & ab omnibus acciperent, & facile
 quo se cunque verteret pecunia sequerentur. Qui
 igitur ita se gerunt vt & religionem, fidemque suā
 & quod in dignitatibus elucet maximè, cupidita-
 te sua abducant ad mercedem, cumulatius opinor
 rem fecissent si se vel argentariæ, vel in mercaturæ
 quod eorum natura propensitate quadam fereba-
 tur, dedidissent. Nam quid eum ex iis artibus quæ
 fructuolæ esse solent, sperare oportebat, qui ex re
 à lucro & commodis separata utilitatem & fru-
 ctum capit? Sed tamen tanta est in nonnullis homi-
 nibus cupiditatis sitis, tanta in facienda pecunia
 incitatio, vt illos nulla res sine lucro effugiat. In ge-
 renda republica priuatis commodis inferuiunt,
 sacras illationes fœnerantur, pupilli opes & pecu-
 niam ad domesticam rationem & usuram confe-
 runt, Ecclesiastici patrimonij reliqua calendario
 suo ascribunt, denique ita viuunt vt nullam vitam
 sine lucro esse existiment. Quibus musa Dorica
 probatur solum, ad cæterorum autem modorum
 concentum aures omnino illis obsurduerunt. Et

quemadmodum Vespasianus etiam ex lotio
etigal non recusauit, ita illi ex hominum facinori
bus & turpitudine dona accipiunt, neque quic-
quam sordidum esse putant, si modo vtilitatem
habeat. Bene igitur maiores, qui vt à publicis mu-
neribus cupiditatem remouerent, contra eos ma-
gistratus qui in minimam auaritiæ suspicione ve-
nissent, grauissimas quæstiones habuerunt: nefas
esse iudicantes, illos quorum descriptione popu-
lus & melior & locupletior fieri deberet, popula-
rium fortunis insidiari, & aliquo tenuioribus ho-
minibus oneri aut damno esse. Neque enim fir-
mius rempublicam stare posse putauerunt, quam
si infimi homines sine aliqua offensione & iniuria
inter principes ciues versarctur. Iam & magistra-
tus petituri, liberalitate & ludorum magnificen-
tia populum sibi adiungebant: nō nullisque Ædili-
tatis prætermissio, in Prætura & Consulatu repul-
sam attulit. Tantum enim in bene morata ciuitate
ratio valuit, vt non tantum qui populo præerant
ab eo nihil exigerent, sed etiam quibuscunque of-
ficiis & congiariis in amicitia retineret. Ad quod
etiam & diuina monumenta nos ipsos exuscitant,
vt pupillos viduas & exterios obsequio aliquo de-
mereamur, & illis ad omnem meritorum ratione
parati simus. Quibus Iustinianus Imperator tan-
tum iudicij & benevolentia detulit, vt illis se ve-
lut specialem iudicem daret, & eorum causas in au-
ditorium suum induci à sua maiestate minime
alienum iudicaret. Qui autem nihil aliud agunt,
quam

quàm vt ex popularium fortunis fiant ditiores,
& qui in reis absoluendis vel damnandis ve-
nalitiam vitam faciunt, his certe ad
ea munera in quibus degunt, ni-
hil opis esse po-
test.

H ij



In friuolarium emptorem. Ex Diogene.

Homines oratio probat non vestis.




*Explorat Samium tinnitibus emptor abenum;
Et probat elicito friuola vasa sono.
Sed nos diuitijs homines vtcunque probamus,
Cum vox ipsa paret certius indicium.*

NARRATIO PHILOSOPHICA.

QVI vasa figlina à friuolariis emūt, ne posteà
 contractis rebus cognitionem ab Ædilibus
 cogantur impetrare, ea tinnitu probāt, & explorāt
 atq; eo iudicio, véditoris more improbato in cæ-
 lādo rei vitio versantis calliditatē effugiunt. Quo
 rum prudentiam vtinam imitarētur illi, qui qua-
 si iurati de hominis dignitate iudiciū ferunt. Quæ
 res si hodie in disceptationem cadat, non ad ora-
 tionem, qua vna animantibus brutis præstamus,
 sed ad vestem & patrimonium omnis mediussi-
 dius oculorum coniectus esse solet. Quis enim eū
 non egregium ciuem esse censet, quis ei non devia
 decedit, si modo opibus antecellat? Quis non eum
 aditu, suffragio, congressū dignum esse putat, cui
 sunt amplæ facultates domi? Quis nō illi locuples
 dignitatis testimonium reddit, si diuiniis & clien-
 telis antecedat? In emendis igitur friuolis suis fo-
 num & tinnitum negotiatores explorabuunt: homi-
 nes autem quibus sapientiæ & maximarū rerum
 cognitionis partes à natura attributæ sunt, quan-
 tum sapientia homo alteri in loquendo præstet,
 non videbunt? Cycnea certè illa, & planè regia A-
 lexādri ad Diogenem vox, nisi (inquit) Alexander,,
 essem, Diogenes esse vellem. Sed fortasse alter me-,,
 lius, qui sapientem nulli hominum concedere,,
 vno autem Ioue minorem essr prædicauit. Nam,,
 sapientia ipsa tam radices agit & propagatur, vt
 etiam post aras, hominem consequatur. At ea
 quæ corporis & fortunæ bona appellantur celeri-
 ter decidunt, multosque in medio ætatis flexu

omnes autem post mortem æquabiliter deserunt.
,, Et quemadmodum Cato dicere solebat , magno-
,, pere mirari se quomodo non rideret aruspex, aru-
,, spicem cumvidisset. Sic fortasse non iniuria sit mi-
randum , cur qui opibus & fortunæ prosperitate
mirabiliter excellit non rideat, cum homini iisdé
rebus perquam abundantí occurrerit. Nam sicut
qui in fabulis personam agunt, propter nouitatem
vestis quæ subito fit deserenda , quibus in via pro-
cesserint risum mouent: sic homines potentissimi
fascibus & barbarorum custodia stipati, Heracli-
tis miserationem, Democritis fortasse risum
moueant, quòd confecto isto vitæ actu
nulla re iis qui è fece populi sunt
superiores appa-
reant.



In amicitiam simulatam.
Ex Diogene.



*Implicitis dextrā digitis qui præbet amico,
Hūc fuge:nā nihil hic quod red.ametur habet
Non fronde aut vultu fidus cēsetar amicus,
Verus enim à summo pectore man.at amor.*

Simile ex Plauto.


*Qui dextra ostentat panē , lapidēmque sinistrā
Occulit,incert æ sponsor amicitiae,
Et qui synceri vultum menititur amici,
Cymmerias sese conferat intenebras.*

NARRATIO PHILOSOPHICA

HOMERVS infestissimos sibi & quasi ex furiarum genere statuebat eos, qui aliud in pectora gererent, aliud verò in promptu & haberent & loquerentur. Tales Plautus veteris comœdiæ author facetissimus dextra panem porrigere, finistra autem lapidem occultare dixit: quod eos quorum se cupidissimos & amantissimos esse testatò prædicarent, remotis arbitris incesserent. quæ res mea sententia tam ipsi amicitiæ pugnat, quam quæ maximè vereque illud dicitur, nullam in amicitia pestem esse maiorem simulatione & blanditiis: perniciosaque est hominum assentatio omnia ad voluntatem, nihil ad veritatem loquentium. Nam si amicitiam Pythagoras æqualitatem esse dixit, & cum unus animus fieret ex pluribus, quæ tandem ratione ius illa suum tuebitur, si alterius animus sit lubricus, varius & multiplex. Qui igitur blanditiis in aures nostras influunt, nulla autem re corū animus ad benevolētiæ actiones adduci potest: taliū amicitias nō dissuēdas, sed penitus discindēdas esse arbitror. Neq; enim amicitiæ laudem ferre potest, qui præstantissimā illam de homine bene merēdi rationem, qua nihil est naturæ hominis accommodatius, metitur cupiditate & commodis suis. benēq; Diogenes monebat, vt ab iis omnino caueremus, qui dextrā in pugnū cōtra etiam amicis præbent, alteram autem manum sub pallio occultant. Neque enim ex gestu fides ipsa perspi

perspicitur: sed qui in eo sunt, ut sibi aliquem amicitia adiungendum putent, hoc in primis præceptum tenere debent, ut nulla re amicitiam inferiorem constituant, neque quicquam prætermittant, quod ad officium benevolentiae pertineat. Quæ in genere beneficentie cautiones erunt adhibendæ, quæ iubent ei plus esse conferendum, qui nobis consanguinitate est proximior. Quæ qui cum ratione faciet, non video in quo vxoris, aut filiorum accusationem reformidare possit. Odiosum est enim cùm à filiis parentis largitoris honesta liberalitas in inuidiam & crimen prodigientiae vocatur. quasi verò paternæ gloriæ hereditas libertatib[us] patrimonio filiis non sit magis appetenda: neque enim tantum filiorum charitati tribuendum est, ut aliqua vita nostræ pars officio vacet.

H 5



Exemplum leuitatis

In Leguleios qui doctores iuris cōrēnūt.



Scripta magistrorū iuris qui negligis, & quem
 Concisi textus lectio nuda innuat:
 Et calamistrat & queris tectoria linguae,
 Verba quer rhetoricis vermiculata modis:
 Et tantum scripto laudas in iure leporem:
 Anne potest similis moribus esse tuis,
 Qui vim sanandi medicatis spernit in herbis?
 Quemque meri solum mulcet odoris amor?



NARRATIO PHILOSOPHICA.

Quid ea quæ quondam à principibus illis iurisconsultis acceperant, & vberius & cumulatius libris tradiderunt, hoc forsitan nonnullis probantur minus, quod ciuilem disciplinam quibusdam quasi verborum stellis illustratam, nullo ornatu, nullo orationis flore, & sapissimè verbis putidis & nouatis posteritati mandauerunt. Quibus temporum illorum virtia, meo iudicio, ad veniam sunt suffragatura. Quid enim facultatis ad ius ciuile pertractandum sit allaturus, qui doctrinæ penuria eloquentiam ipsam attingere non potuit? His opinor si ætate nostra nasci contigisset, eos forsitan omni eloquentiæ laude superaserent, qui illorum scriptionem totam tanquam horridam & hiulcam fastidiunt. Et si enim (ut Cicero author est) prodere quenquam literis cogitationes suas, nec eas disponere, & illustrare dicendo, nec delectatione aliqua permouere lectorem, hominis est intemperanter abutentis & otio & literis: eorum tamen institutum minime contempserim, qui neglectis verborū ornametis, totos se ad rerum pondera & momenta contulerunt. Neq; verò tā me aliquorū quotidiana sine usu loquacitas, aut de scholis cantilena mouet, ut illorū furiosum dicēdi genus nulla subiecta sententia aut doctrina, aliorum monumentis anteponam, qui res magnas nulla adhibita orationis copia, scientissimè & ex arte tractauerunt. Quid enim tam stultum, aut infantiæ simile esse potest quam impetu orationis ferri, & quasdam veluti

luti verborum faces admouere, nulla proposita re & quæstione. Verbi enim controuersia solùm eos in scholis torquet, contentionis cupidiores quàm veritatis: neque quicquam laudant, nisi quod se posse sperant imitari. Dicunt in gymnasiiis suis apud bonos quidem viros, sed in iure ciuili forsítā non satis exercitatos: faciunt clamores in scena, plausus in theatro, veteres illos magistros iuris ad certamen vocant. sed per facile est vincere, & mortuos & non repugnantes. Eorum libros parū ornatè conscriptos de gentilitate iuris omnino dimittendos esse censem: in quibus legendis nihil otij, nihil operæ posuerunt. Et quemamodum philosophiam & eloquentiam, cæterasque artes quæ libero homine dignæ sunt, sermonibus Socratis coniunctissimas, quorundam illius sequacium inertia separauit: ita & nonnulli hodie sunt, qui in humanioribus literis voluntate feriati, quia rerum tantarum quæ apud recentiores iurisconsultos recitantur, varietatem & copiam comprehendere se posse non confidunt, scientiam illam quidem, si non difficilem, at vastā & diffusam remouent, in solo autem Iurisconsulti nomine acquiescunt. Quòd si tantùm sibi sumunt, vt iuris scientiam veterum librorum cancellis circumscribant, neque quicquam in disceptationem cadere posse existiment, quod non veteribus illis legibus explicari queat: habebunt certè me & beneuolum & non aduersantē. neq; enim arbitror tantæ industriaræ præcludenda via est. Sed alia ratio est palæstræ & olei, alia pulueris & fori. Qui enim de sugestu

gestu dicunt, illis iuris ciuilis termini latissimè vi-
dentur propagari , quòd de clausula scientiæ suæ
nunquam discedant.Qui autem in ciuitate iuris-
consulti nominantur , séque de quacunque pro-
posita quæstione scientissimè responsuros profi-
tentur,facilè cognorunt quantis in angustiis ciui-
lis versetur disciplina. Quòd si illos adducimus,
vt hoc sibi persuadeant,habebunt certè & splen-
doris & commendationis plurimum , si forenses
controversias quarum decisio à legibus peti ne-
quit,propria animi vi cum ratione definiant. Ple-
runque autem accidunt forenses controversiæ,
quæ nulla societate & similitudine ad legem ali-
quam videantur pertinere:facilè tamen eadem il-
la lege hominē sponte sequentē in sententiā tuam
adduxeris. Quo in genere recentiores iuriscon-
sulti mea quidem sententia principes fuerunt, vt
quod ex vna lege effici non posse iudicabant, id
multis locis & inductionibus comprobarent. Et-
si enim sua cuiusque est in respondendo existima-
tio,fatendum est tamen ad eam rem cum dignita-
te præstandam summa nobis ex eorum libris ad-
iumenta data esse. Quòd si aliquem ex leguleis
istis in consilium adhibuero, aut si me repugnan-
tem offenderit, non sit vltra progressurus , aut si
non difficilem , hoc sibi debebit persuadere , me
rem totam non magis arti quàm illius authorita-
ti permisisse.ex quo fit,vt quod in maioribus non
comprobant,illud ipsum in iurisprudentiam co-
nentur inducere.



In Castorem & Pollucem.

Amicitia fratrum.



In caelo nunquam regnat cum Castore Pollux,
Alternasque tenent Sydera clara vices.
Occiderat Castor, sed fratribus grata voluntas,
Dimidium vitae iussit habere sue.
Sic pietas & sancta fides, sic gratia concors
Fortunas voluit fratribus esse pares.

NARRATIO PHILOSOPHICA.

PRÆCLARISSIMUM fraternæ amicitiæ monimētū veteres in cœlo statuerūt, vt homines qui terrā incolūt cœlestia ipsa cōtéplati, astro rū cōuenientiā ordinemq; imitarētur vitæ modo atque constantia. Nam Tyndaridæ fratres, quorum astra in cœlo videmus victoriis triumphisq; terra & mari nobiles, tam sanctè & piè societatis & sanguinis iura inter se coluerunt, vt poëtas tantæ pietatis testes sempiternos relinquerent, tantumque coniunctione illa sibi gloriæ pararēt, vt ea totius orbis testimonio in posterum comprobaretur. Igitur Castori iam defuncto, Pollux immortalitatem suam officiosè communicauit, & vt fratri nouo obsequio gratificaretur, alternis diebus mori non defugit. Itaque ex geminis semper occidente uno illucet alter, & vtrisque par penè viuēdi ratio est, & societas. Quod exēplū ad retinendā inter fratres amicitiā & communitatē nō mediocriter valere debet. Nā quid ad familiæ dignitatem præstantius, quid ad amplificationem patrimonij aptius, quid porrò est legi Christianæ magis consentaneum, quām fratribus perpetuam in omnibus æqualitatē esse? Vt enim floretissima quondam imperia ciuilibus suis dissensionibus & intestinis bellis conciderunt: ita & cuiusque familiæ splendor fratum inimiciis omnino obscuratur: neque diutius stare domus potest, quæ discepantibus hominum sententiis tanquam procellis huc illuc impellitur & iactatur. Sunt autem quidam homines in domesti-

cor

corum offensionibus per quam moderati, iidem ne minimam quidem patrimonij iacturam pro amicitia facere volunt: in quo si quod damnum acceperint, voluntarias inimicitias in suos non dubitanter suscipiant. Tandiu enim sibi tuendos amicos volunt, quandiu sibi de patrimonio suo nihil decedat. Apud eos honorifice & cum magna consanguinitatis testificatione appellari, iudicatur fratris esse loco: prensare dexteras, sequre mutuò & amicè cōplecti, & cœnam vltro citroque condicere, non vulgare pietatis & fraternæ amicitiae putatur indicium: quod si rationibus tuis afflictis ab eis tenuitatē tua aliqua re credita leuari velis, in eo genere tibi adiumento esse, non existimat neq; ad sanguinis neq; ad amicitiae rationē pertinere. Tales certe qui sunt non modo non consanguineos & amicos, sed ne homines quidē in tāta in humanitate esse putē: Christianos minus, qui ne publicanis & ethnicis pietate & iustitia pares esse possint: quorū opibus & subsidiis (vt testatur Dominus) amici & proximi in infirmitate sustentantur. Itaque his ne videatur subiratus,
Mane edictum (vt ait Persius) post prædia Callirboē do.

Cor ne edito. Ex symbolis Pythagoræ.

In nostros, quibus Christianos homines curis huius saeculi angi debere persuasum est.



Qui tua sollicitis versas præcordia curis,
Vltricique tenes anxia corda metu,
Pone animi curas, variòsq; relinque dolores;
Regula sic nobis Pythagoræ iubet.

I

NARRATIO PHILOSOPHICA.

„ **V**ETVS illud Pythagoræ in symbolis decre-
 tum Cor ne edito, multis pòst sæculis Chri-
 stus grauissima sententia comprobauit. Neque
 enim solum ij qui Philosophi sunt appellati, sa-
 pientem omni animi egratione vacuum esse de-
 bere putauerunt: verum etiam & Christus eos qui
 se præclarissimæ disciplinæ dedidissent, à curis &
 perturbationibus liberare conabatur: neque quæ-
 quam vitæ & doctrinæ suæ alumnum iudicabat,
 nisi rerum externarum molestias & concursatio-
 nes longè à se depulisset. Nam neque tam parum
 excellens lex domini existimanda est, vt non illi
 qui eam penitus complectitur, satis esse possit ad
 bene & beatè viuendum. Qui autem ita est animo
 affectus, vt Christianam illam præstantiam fortui-
 tis adiumentis & subsidiis putet indigere, & qua-
 si suis eam præsidiis non contentam, curis & affe-
 ctibus obruat, is quanquam in vulgus probetur,
 & ab omnibus solertiæ & sagacitatis laudem fe-
 rat, non tamen mihi in Euangelij statione esse vi-
 „ deatur. Ut enim testâte Deo, inter spinas & dumo-
 „ rum asperitates frustrâ semen tuū sparseris, quòd
 „ nec ipsa seges parvulis subnixa fibris contra nitē-
 „ tium tribulorum maceriem superatura sit: ita pro-
 „ fectò verbum Domini quamuis summa animi vo-
 „ luptate acceptum, perturbationibus huius sæculi
 „ & rerum humanarum cura facile aboletur. Quòd
 „ si homines illi se prædicent religiosos ieuniorum
 „ obseruatores esse, iustitiam & pietatem colere,
 „ multos etiam officiis suis largiter demereri, non
 „ tam

tamen mihi omnino videantur inculpati , si tanto studio , tantaque animi perturbatione , etiam sine cuiusquam iniuria in patrimonij amplificatione decumbant . talia enim , inquit Dominus , gentes inquirunt . In quo etsi contra summam illam & pri- mam naturae legem , nihil offendant , non tamen Christiani nominari possunt : in quorum albo ne sapiens quidem esse possit , nisi popularem illam sapientiam hac una perfecti & virtutis accessione firmauerit . Neque tamen is sum qui omnia ista amplificandi patrimonij studia nobis de manibus excutienda esse putem : sed in ea re Pauli Apostoli temperatio adhincenda erit , ut quasi aliud agentes nihiloque a Domino & Euangelicis actionibus voluntate abducti , pecuniam & lucrum faciamus , viuamus quasi non viuentes , ædificemus quasi non ædificantes : eaque sit semper in prosperis aduersisq; rebus æquabilitas , ut nunquam tranquillitas illa vita , vel de statu deiici , vellabefactari queat : quæ ut in mari , sic in animis hominum facile cernitur , cum scilicet placatis perturbationum procellis & fluctibus verè nihil cupit animus , nihil defuderat .

In statuam Pallades.

Præclarissimum si aut reges philosophentur, aut philosophi imperent.



Ius sibi vibranda Tritonia vendicat hastæ,
 Et iacit intrepida Norica tela manu:
 Illa tamen solita est scriptis pallescere chartis,
 Et pluteum innocuis cædere verberibus.
 Huic bene conueniunt veterum monimenta so-
 phorum,
 Quem iussit lata sors ditione frui.



NARRATIO PHILOSOPHICA.


MIRETVR fortasse aliquis res prope cōtrarias, naturāque discrepantes, eiusdem numis potestate consecratas, & mutua velut amicitia poëtis sociatas esse. Quis enim vnquam otium astris, stylum gladio, vmbram soli, togam palulamento similem esse iudicauit? quis legibus inter arma, cautionibus iuris inter acies, prætoriis acramentis inter classica, paci denique inter signorum collationes & prælia locum esse existimat? Quæ quanquam vsu & facultate separata esse videantur, qui tamen ad ea diligentius animum conuerterit, facile res tam repugnantes ad consentiri naturæque conuenientiam sit deducturus. Neque enim Alexander ille Magnus imperatoribus omnibus rerum gestarum magnitudine superior, alienum ab imperatoris maiestate iudicauit, etiam inter explicatas acies de Homero cogitare & loqui, & quantum sibi militarium rerumabor otij tribuebat, ad legendum potissimum cōferre. In eo rege tam flagrans in literas studium fuit, vt s̄epissimè ad multam noctem vigilaret, & interdum in media contentione labore vigilarū penè fractus somno premeretur. Ad quem cum captis Darij castris, & fuso Persarum exercitu, regis scrinium multo auro, multis gemmis esset allatum, nonnullique quærerent, quid in arcula illanti digna collocari vellet, Homerilibros includi iussit: optimū esse iudicans, si illa animi elatio quæ in imperatore elucescit maximè, literarū & doctrinæ temperatione regeretur. Laudatūrque

Fuluius, qui Ennio comite superatis Ætolis , non
dubitauit Martis manubias Musis consecrare. est
enim aliqua & ea opinor non vulgaris Musis cum
Marte societas : vt earū adiumentis bellorū instru-
ctus, multò & ornatior & cumulatior sit futurus.
Iam & multis antè saeculis alter Alexander qui
Neoptolemus dictus est, apud Ennium philoso-
phandum sibi necesse ait, sed paucis:nec enim ea
sunt præcepta philosophiæ, vt illis etiam in bello
non posset esse locus. Et quanquam rempublicam
governentibus , rei militaris studia reliquis potiora
esse debeat, felicem tamen eam rempublicā Plato
„ prædicauit, in qua aut philosopharentur princi-
„ pes, aut Philosophi imperaret. neq; enim si prestati-
„ bus & magnis viris in bello omnia sunt, neq; si ea
„ re ciuitatis moderatio maximè contineatur, mi-
„ nus tamen principibus viris enitēdū est, vt se phi-
„ losophicis legibus pares esse velint. Si enim reipu-
„ blicæ gubernacula maxime in beneficio & poena
„ posita sunt, quis probè de supplicio inferendo
aut beneficio dando potest decernere,
nisi quod laudabile aut turpe
est, scientissimè co-
gnouerit?



Antigenidæ ad discipulum.

Non pendendum à iudicio imperitæ
multitudinis.



Cum tua non placeat tunicato musa popello,
Respiuat & numeros publica turba tuos,
Tene insulsa mouent queruli fastidia vulgi.
Multum est & musis & placuisse mibi.
Iudicium indocti sapiens contemnere vulgi
Debet, & aduersa sedulus ire via.

I iiiij

NARRATIO PHILOSOPHICA.

ANTIGENIDAS discipulum suum verecū dantem & prope desperatione fractū, quod minus eius modi in vulgus probarentur, neque sensibus populi illius accommodata esset lyra, bono animo iubebat esse. neque enim qui à multis laudatur, continuò in quoque genere excellit: sed in ea re peritorum iudicium adhibendū est, quorum approbationem si arte aut natura permoueris, totam doctrinæ gloriam consecutus esse videare. Neque verò Antimachus, quod semel de rebus magnis disputans ab imperita concione, vno Platone excepto, desertus esset, studia, restinxit sua. Abūde enim magnū disputationū suarum theatrum vnum Platonem iudicabat, qui solus omnium instar esset. Nam vt contra aliquem tarditatis opinio minime valitura est, quæ modo in hominum imperitorū animis sit concepta: ita nihil est tam insigne, & ad commendationem laudis tam stabile, quam aliqua in re ab vno laudari, qui illo genere magnopere præstet. Quibus enim in vita propositum est, vt res gerant magnas & arduas, quique ita sunt animo affecti, vt cogitent difficillima, faciant optima, & ferant quæcumque erunt, tam certè sunt ex se apti, vt in seipsis sua ponant omnia, neque à iudicio imperitæ multitudinis suspensas habeant rationes suas. At enim quid illi cum præstantibus & magnis viris esse potest, qui in omnibus sequitur non rationem ducem, sed ad vitia consentientem populum? Iam verò eorum quæ cum virtute fiunt tanta est permanēsio;

sio, vt apud omnes ætates sempiterna sit authoritas: difficile enim est factu singulis temporibus nō existere aliquem, in quo virtutis significatio eluceat. Quæ autē in vulgi opinione & tutela iacēt, ea non nisi lubrica & caduca esse possunt. Nam & memoria patrum res prope innumerabiles quasi diplomate veritatis sunt obsignatae, quæ tamen à nostris hodie non probantur. Et in iis artibus quarum doctrina obseruatione maximè constat, multa à maioribus per manus sunt accepta, quæ tamē posteritatis vsu & silentio sunt abrogata. Tāta est enim hominum in dissentiendo propensitas, vt eos vel aduersari delectet, etiamsi non sit causa. Et quē admodum nefarius ille Herostratus nullis in patriam benefactis clarus, dum memoriam sui apud posteros intermorituram reputaret, eam celebrimi Dianaë Ephesiq̄ templi incendio consecrauit: ita nonnulli aditum sibi nullum ad veram gloriā patere existimant, quām si à maioribus accepta antiquarint, &c, vt aiunt, cornicū oculos confixerint. Quia enim nulla spe posteritatis se consolantur, neq; obscuritatem suam aliquo præclaro gesto ab iniuria mortalitatis vindicare queūt, eos factis & scriptis appetunt, qui olim sibi æternam nominis sui famam pepererunt.




Leo.

Contra immoderatè agentes in rebus secundis.



Trux Leo prostratis parcit, sed dentibus urget
 Quos videt armata sumere tela manu.
 Fumosos tollant resupino è pectore fastus,
 Qui celebris pingunt stemmat alögā domus,
 Quique triumphantes Tyrio spectantur in ostro:
 Sæpe etenim tales liuor & ira premit.



NARRATIO PHILOSOPHICA.

INTER eas res quæ hoc sæculo securitatem & otium afferre solent, nihil aut præstantius, aut melius homini à natura datum est paupertate. Ut enim tenuitatem colere & paruo contentum esse, non modo philosophicum, sed christianum est: ita nihil est magis constantiæ & magnitudini animi proprium, nihil ad statutus sui diuturnitatem æquè stabile, quam ea ipsa rerum subsidia negligere, in quibus acquirendis vulgus hominum cura incredibili, seruandis, maiore etiam metu cruciatur. Et quanquam olim magnis viris, qui sibi capessendam rem publicæ existimarent, summè appetendum esse visum est, cum dignitate otium, tamen illos sæpiissimè mutabiles fortunæ casus fellerunt. Nam & in republica Atheniensium, quæ & dominatione, & præstantissimis institutis floruit, nulli bono cui potuit esse locus, qui non ab ingrata patria in discrimen fortunarum & capitis vocaretur. In his Miltiades & Themistocles fuerunt, qui cum turbulentissimis temporibus, maximis se patriæ fluctibus obiecissent, tamen illis in ciuitate toties à se seruata mori non licuit. Neque verò ex his qui rem publicam Romanam spoliis & triumphis decorarunt, vnum aut alterum reperias, qui non aliqua pœna à rerum gubernaculis discesserit. Non enim in republica versantibus (hoc est in mediis opinioniis & temporum procellis) potest esse aliquis tran-

„ quillitati & quieti locus. Et quemadmodum
„ bernatores optimi s̄epe vim tempestatis, sic sapien-
„ tissimi & fortissimi viri fortunæ impetum supe-
„ rare non possunt. Qui autem à publicis negotiis se
remouēt, & amplissimas opes non arca, sed animo
metiūtur, illis certè in tā pacata & otiosa vita for-
tunatissimis esse licet. Quod eò est facilius, quò mi-
nus multa in eorum vita patent, quæ vel fortuna,
vel principatuū & temporū vicissitudo feriat. In
quo deridenda est quorundam hominum stulti-
tia, qui vel patrimonij magnitudine, vel princi-
pum amicitia & clientelis elati, se reliquis homi-
nibus præstare putant: quasi nulla eos res de gra-
du dignitatis possit deiicere, aut quod in opin-
tione & principum voluntate iacet, omnibus sæ-
culis possit esse constans & perpetuum. Itaque pu-
blicam dilapidét pecuniā, ærarium exhaustant,
terras & maria cupiditate sua absorbeant, dona-
tiones ciuitatum ex placito impetrent, laqueatas
domos ædificant, & aurum coronarium de omni
populo & prouincia accipient, ne illa tamen mihi
tantopere videntur esse suspicienda. Vna enim
dies interruptit omnia, & quæ tantam in
populo migrationem faciunt, s̄epe subi-
to tempestatis turbine per-
uertuntur.

In S. Ityrum.

Contra sedentarios & cerdones, qui pa-
lum vltra primas literas promoti, suo sen-
su in literis sacris versari volunt.



*Qui miser æthere & cupiebas oscula flamma,
Ipse vides positas in tua damna faces.*

A L I V D.

Dum terris infert ignis portenta Prometheus,
Fallit & incautum calliditate louem:
En Satyrus pulchri miracula suspicit ignis,
Et cupid amplexu grata referre suo:
Nec mora, flama inges miseris puadit in artus,
Et tulit errori tristia pensa suo.
Qui potis es sacra tabulas tractare Sophia,
Et vel cornicum lumina confodere,
Cū te habeat fessum sulcus, vilisque quadriga?
Tu ne aliena audes ponere iura fide?
Non metuis nostris versantē in faucibus ignem,
Cuius vel totis flamma vagatur agriss?

NARRATIO PHILOSOPHICA.

NVLLVM hominum genus vel importunius
vel minus tolerabile dici potest iis, qui cum
vitra primas literas leuiter processerint, tantum
tamen opinione sua assumunt sibi, vt quasi desul-
torij in curriculum quadrigarum audeant incur-
rere. Ut enim ignorantia invitio vel noxa non est,
ita incredibilis est amentiæ, si quis nullo vsu, nul-
la doctrina de re quacunque quæ scientia sit ex-
plicanda, iudicium ferat. Si igitur ex veterū senten-
tia, quam quisque artē nouit, in ea se exercere de- „
bet, quantò certè cum ratione erit coniunctius, „
rei controversæ peritissimos quosque iudices ad-
hiberi? Qui autem tam mirificè impudens est, vt
in his quæ non attigit, sententiam se rogari velit,
& eos qui omni disciplina habentur excellentes,
non modo ad certamen prouocare, sed illorū mo-
nimenta vna clausula antiquare, tales opinor ad ar-
tificium suum, quò eorum fert natura, dimittendi
erunt. Ut enim nemo probè imperare potest, nisi
aliquando paruerit: ita neque disputare aut do-
cere, qui doctorem non audierit. Sed tamen ea est
temporum disciplina, vt quibus opinionum vesti-
giis aliquis primùm institerit, in his ad extremam
vsque senectutem consenescat: quæque statim
animo arripuerit, ea sibi omnibus modis tuen-
da esse arbitretur. Quo in genere forsitan iis
sit condonandum, qui præclarissimis artis & do-
ctrinæ præfidiis instructi, peruestigandæ veritatis
studium ad scientias afferunt. Quibus èò diffici-
lius est de aliqua sententia deduci, quòd de ea

se cum dignitate iudicare posse non desperant. Durius enim homines docti secum agi existimant, si in veri peruestigatione magis authoritatis quam rationis pondera aestimentur. Qui autem vel in foro argentariam, aut venalitiariam vitam agut, vel similibus iis artificiis occupantur, non sit illis permittendum, si plus in literis sacris sensum suum quam peritorum iudicium valere velint. Nam qui sine doctrina ad aliquod se disciplinæ genus conferunt, quia minus consequentia & reru antecedentes animo peruident, hoc potissimum complectuntur, quod maximè corporatis sensibus accommodatum est. Et profectò magnum quiddam ex illis præceptis sibi accessisse putant, si cupiditatibus suis Deum laudatorē possint adhibere. Iäverò in quamcunq; te religionis partē animo conuerteris, ea tamen semper cautio necessariò sit adhibenda, vt nō quod vnuſquisque sibi priuatim sumpserit, id pro senatus consulto habeatur (quid enim inter tot dissentientium hominum familias constas esse potest?) sed ita res expediatur, vt quod freques & bonorum & plurimorum concio decreuerit, id ab omnibus obseruetur. Nam si volumus initia religionis replicare, videmus etiam inter principes illos, qui à Christo edocti vniuersum terrarū orbem ad fidem adiuaxerunt, maximas de religione controversias extitisse: neque tamē quod vnuſ quantumcunque miraculis vel pietate excellens in animum induxerat, id continuò erat sanctum & perpetuum: sed vocatu seniorum conuentus congregabatur: quo in ordine qued maior pars iudicas-
set

set,id publica authoritate & fide ab omnibus ser-
uaretur.Et certè tantùm apud quosdam ex Apo-
stolis circuncisionis valuerat antiquitas , vt ij qui
ex gentibus ad cultum Christi conuolarent,minime
extra circuncisionis necessitatem positi esse
ex plurimorum sententia viderentur. Qua in op-
pinione cùm & ipse Paulus esset,Titum circuncidit.
Sed cùm de ea re ad concilium esset relatum , lege
lata circuncidendi necessitas Christianis permissa
est.Nihil igitur in religione firmum habere,nisi
quod tecum ipse velis & intus sentias,hominis est
fanè per quam deplorati: sed in eare illorum sit
existimatio , qui & numero & doctrina antece-
dunt. Ex quibus nationes multæ iusta reprehen-
sione minimè caruerunt,quòd cùm rebus in reli-
gionenouandis studuisserint,ita tamen se gesserunt,
vt neimò apud eas degat,qui nō à cæteris opi-
nione & doctrina dissentiat:& vt quis-
que maximè est egregius,id ef-
ficit , vt in religione cu-
iusquam nisi sui
similis esse
nolit.

Vulgarum de hirudine.

In pragmaticos æruscatores.



Plus iusto sitiens vit. aliis hirudo croris
 Pallentem mittit non nisi plena cutem.
 Non it pragmaticus causas differre clientis,
 Sanguineq; humano non nisi pastus abit:
 Sed fugit, in vacua fundum cum viderit arca,
 Et cum pauperior cœperit esse cliens.

INVIDIOSVM genus hominum æruscatores Pragmatici , quibus in pecunia omnia sunt, quique sine lucro nihil laudabile , nihil officij expectatione dignum gerūt. Et quēadmodū in nauis locum esse oportet , per quem ea quæ necessario profluentia aliquid tetri odoris essent habitura, procul à sensibus queant amandari : ita reipublicæ gubernaculis accommodatum esse maiores putauerunt , si in celeberrima ciuitate non defessent, qui sordes & peccata populi absorberent, & perniciosa illa malorum omnium esca cupiditate, de hominum litigantium flagitiis & ciuilibus dissensionibus multam repeterent , fructusq; vberes in aliorum calamitate ferrent. Sed quia natura euenit, vt summas corporū varietates , totidem penè animorum dissimilitudines consequantur, magnopere opinor cum publica tranquillitate & quiete coniunctū est, esse aliquos qui intatis controversiarū & dissensionū concursationibus & studiis, publicè operā suā locent: vt iis qui in forensibus negotiis minus erunt exercitati, prospectum esse possit. Sed qui eas causas, quas illuminatas & faciles à clientibus accipiunt , tenebrarum inuolucris obducunt , qui quod translatiue & breui (quod aiunt) manu explicari potuissent, tricis suis, diffisionibus, vadimoniorum desertione, scripturis opistographis, denique eternitate cōsignat: qui periuriū, qui falsum, qui mēdaciū, qui deceptiūcū las, qui frustrationē, qui vim & metū, qui furtum, qui dolū malum ad subsellia afferūt, his possit es-

se in præstantissimo senatu locus? Et quemadmodum qui vineam instituunt ad illius propagacionem diuinitus pastinos iniunctorunt, sic homines isti eam, quam primùm nudam & solam causam receperint, labore & diligentia sua repastinant: ita fit, ut quæ vna fuerat, in varias & innumerabiles penè lites propagetur. Et nos certè quendam ex illo numero, qui publicis auspicijs primùm in id munus erat electus, audiuiimus cum diceret, se nihil aut vberius, aut cumulatius in eo vitæ generè à Deo optimo maximo contendere, quam duodecim lites ad se deferri: sibi enim certò recipiebat fore, ut ex illis duodecim industria sua infinitæ aliæ nascerentur, ex quibus magnam pecuniam esset facturus. Et profecto contra naturam sit putandum accidisse, si quis ex his qui illo in collegio sunt inauguriati, pecuniam negligat, eaque mercede sit contetus, quæ neque litigati onerosa, neque labore sit inferior.



Exemplum stultitiae.
Cum pertinacibus non agendum.



Caucaseum crebro lapidem qui verberat ictu;
Non iniuste ambas perdidit ille manus.
Desine cum duro contendere viribus Albi,
Indurata nequit mollior esse lues.

K iij



NARRATIO PHILOSOPHICA.

RI D E N D V M arbitror videatur, si quis contentius pugno lapidem allidat: quod huius vindictæ genus non tantum ad disciplinam non proficiat, sed etiam in caput ipsius, qui pœnam constituit, redundet. Sic & forsitan frustra illi contendunt, quibus persuasum erat animos hominum, in quibus ab ipsa natura libertas quædam insita est, vi & armis noua religionis lege alligari posse. Qui enim ita sunt animo affecti, ut cedant nemini, neque aliorum sententias quicquam ponderis apud se habere velint, facile illorum corpora cruciatu aut minis huc & illuc impellas, animi autem elationem quæ in præstantibus viris elucet maximè, nunquam ad æquitatem adduxeris. Quò enim quisque animi magnitudine & doctrina prestat, hoc aliū sibi devia & officio preire patitur immoderatius. Quidā verò sunt nullo neq; vīsu rerū, neq; scientiarū instrūtu prædicti, quos tamen pertinacius in aliqua sententia hærentes, nūquā dimoueris. Quod vt omnibus in rebus, tum verò in religione magnopere pericolosum est. Cū his certe (quia neque decernendi neque detectandi ratio valet), consultius egerit, qui non reiecto tantū, sed abiecto scuto contendenterit.



Mendici pera.

In auaros.



*Mendici per am vix vnquam impleueris Iri,
Multalicet dones uberiora petet.
Sit vel Tartarei præsens opulentia ditis,
Velloculus Crœsi, semper auarus eget.*

K. iiiij



ET si forsitan ab ea quæ hominem homini iconiunxit náatura, nō mediocriter abesse iudicari possit, qui alterum in rebus afflictis non iuuerit: est tamen meo quidem iudicio de Euangelica illa pietate & officiis philosophicis non nihil remittendum, cùm is benevolentia & iudicio tuendus est, cui benignitas nostra parum profutura esse videatur. Quo in genere accommodatè quispiam dixerit, religionem esse, si quis auarum hominem, & eum in quo tantopere cupiditatis defudit sit is, amicè & familiariter ad liberaliore vi tam tentet deducere. Nam præter id, quod amica illa & hominē digna oratio nihil momenti apud illum habitura sit, non videtur aliorum obsequiis esse adiuuandus, qui ipse sibi in tanta calamitate non tantum desit, sed tam diuturni mali sibi non inuitus author esse velit. Itaque qui se totos ad lucrum & pecuniam faciendam accommodauerūt, in eo plerunque sunt, vt neque cibum capiant, neque ea sibi parent, quæ ad usum victumque sunt necessaria: in maxima rerum omnium copia, voluntate egent: in summis diutiis pauperes sunt: in tranquillitate cui esset inseruendum, habendi desyderio cruciatur. Ambulat sordidati & squalidi, domi fame & apud alios cruditate delectantur: ita viuunt denique, vt sibi eos bellum prope intercicum indixisse facile existimes. Hæc vt in malis ponēda sunt, ita continuò Christianū hominē, eūq; qui in aliorū miseriis cōmoueri solet, misericordia impellant. Sed qui hominis auarissimi sordes,

ordes, infamiam & vitæ indignitatem secum ipse
eputat , malit opinor illum in tanta calamitate
equum placatumque dimittere, ut is tandem sce-
ri & cupiditati suæ expensum ferat , quām tan-
am infelicitatem homini spurcissimo inuidere.
Neque enim quicquam est, vel reipublicæ mode-
rationi aptius , vel disciplinæ temporum conue-
nientius, quām eos sibi diu noctuque pœnam in-
fligere , quorum domestica vitæ ratio ad publi-
cam vindictam legibus esset expetenda . Nam qui
iudicum sententiis pœna coercentur, hoc ipso rei
publicæ oneri sunt, quod ipsis supplicium expen-
ſa ærarij irrogari solet . Qui autem seipso tor-
quent , seque inedia, labore, vigiliis & reliquis ani-
ni ægrotationibus conficiunt , dum sibi utiles es-
se volunt, ipsis quoque fisco prosunt. Vnde
fit ut neq; hæc eis calamitas, neque ta-
lis sumptus leuatio ciuitati
& publicis commo-
dis inuiden-
da sit.

In morem Elephantorum.

Non perdendum amicum ob bo-
num dictum.



Stulterer lucenti redimitus corpora vitro,
 Ah ne elephantorum flore a rura pete?
 Talia magnanimum laedunt insignia barrum,
 Offenduntque oculos lucida signa suos.
 Site sincero fortuna adiunxit amico,
 Non quæcunque putas verba licere tibi.
 Sed fuge mordaces placato splene cachinnos,
 Et quicquid vera moledit amicitiam.

NARRATIO PHILOSOPHICA.

FE RE euenit vt quo quis animi præstatio ma-
gis excellit, hoc in eo maior dicendi & sermo-
nis quotidiani libertas dominetur. Ex quo
& Ennium dixisse solitum ferunt, facilius à sa-
piente flammarum ore inardente opprimi, quām
bona dicta, hoc est, ea quæ falsè & facetè in
aliquem proferuntur. Nonnullique sunt in eo
genere tam parum moderati, vt veteres ami-
citas malint dissuere, quām bonum dictum per-
dere. Quæ res èo certè magis fugienda est;
quo nihil melius hominum communitati à na-
tura datum est coniunctione & amicitia: in
quam qui mediocriter offendit, societatem ho-
minum violat inter ipsos: iustèque multi il-
lum diem periisse arbitrati sunt, in quo aliquem
sibi amicitia non deuinxiſſent. At enim opor-
tet eos qui amici & esse & nominari volunt, in
familiari colloquio erga amicos continentess-
se, neque in eos liberius dicere, quorum ami-
citas præsens fructum, auſſa dolorem afferre so-
let. Facilè enim quiuis in alios quæ vult pro-
fundit: sed ea ſæpiſſimè æquo animo ferre co-
gitur, quæ magnò audire noluifſet. Romani in-
credibili propè religione inter filios suos verfa-
batur, ne eos quorum ſalus & gloria illis debebat
effe periucunda, aliquo crimine imbueret: tātūque
apud illos verecūdiæ evaluerat opinio, vt nūquā pa-
tres ex gētis instituto cū filiis puberibus lauaren-
tur. Quòd ſi ea amicitia, quām vel morū ſimilitu-
do honorū, vel ſtudiorū ratio colligauit, nihilò na-

turæ coniunctione inferior est, qua quæso ver e-
cundia, religione, moderatione, volūtate erga no-
stri amantissimos esse dēbebimus? aut quomodo
nomen & dignitatem amicitia retinere poterit,
quæ verborum aut factorum licentia quasi de gra-
du deiicitur. Neque enim diu amicitia constare
potest, quæ familiaritatem nimiam, aut potius
contemptum habet. Qui verò maxima veneratio-
ne amicos suos tuentur & colunt, & facilius
accedunt ad beneficium, & cùm acce-
dunt, id se facere existimant Deo
& hominibus appro-
bantibus.



*Appetitus subsit rationi, ut equus sessor
Ex Platone.*



*Quā malē sessor equo tractādā signarus habēna
In fidet, ab poterat tutior ire pedes.
Qui frāno nequit in proprijs affectibus vti,
Peccatōque amens mergitur ille suo:
Par est brutorum potius numeretur in albo,
Nam ratio in motū obtinet imperium.*

INTER ea quæ propè dicta diuinitus ex Platonis ludo prodierunt , nihil grauiùs aut ad Philosophiam accommodatiùs dicitur , quām quòd ille rationem appetitui velut sessorem e quo insidentem facit . Ut enim is seffor & imperitiæ , & temeritatis teneri meritò sit iudicandus , qui equum quò velit impellere , unde autem velit non posset deducere : ita nec is partes illas quæ sibi vel à Deo optimo maximo , vel à natura attributæ sunt , cum dignitate sustinuisse videatur , qui animum suum prosperis rebus ferocientem & elatum , ratione & præclara illa rerum omnium gubernatrice sapientia non velit coercere . Nam quæ ratio longo nos interuallo à feris separarat , eadem ipsa cum Deo optimo maximo nos mirifica & æterna societate copulauit , vt homines se non tantum brutis animantibus præstare , sed etiam ratione & virtutum cæterarum officiis cum Deo immortali coniunctissimos esse cognoscerent . hac igitur sola cùm nihil sit , non dicam in homine , sed ne in cœlo quidem diuiniùs aut pleniùs , videatur indignissimum , si quis illam apud se , & parum liberali custodia & appetitus mancipio dominatuqne teneat . Quod qui facit , nō modo summam Dei erga nos liberalitatē pro nihilo ducit , sed penitus eam communionem quæ prima hominibns cū Deo per rationem intercessit , violat & peruellit . Nam si ratio est quæ antecessiones rerum præcipit , consequētia cernit , qua argu-

argumentamur , refellimus ; & de occultissimis na-
turæ rebus iudicamus , cuius moderatione & im-
perio vniuersum hoc continetur & regitur , non
erit consentaneum eam quasi baiulam animorum
ægrotationibus inferuire , eiùsque splendorem à
corporatis voluptatibus obscurari . Ut verò æter-
num esse Deum omnium mortalium semper con-
sensus fuit , ita & ingeneratam rationem fatidum
est , quæ vna apud cœlestem illam discretionem &
præpotentem Deum semper valuit , semper domi-
nata est : quæ cum ante istos syderum astrorūque
cursus , & cœli conuersiones vigeret & micaret ,
tandem summo Dei immortalis beneficio etiam
ad eos qui infimum istum globum tuerentur , ve-
nit : non certè vt ad vitia cōsentientem appetitum
sequeretur , sed vt illa rerum omnium dux & ma-
giſtra homines tam æquabili similitudine tempe-
raret , vt non tantum aliquis sui , sed omnium
omnes recta ratione & officiorum conue-
nientia similes esse possent : qua ex equa-
bilitate elucet ea quæ sapien-
tia nominatur .



In Appendium Citharistem.

Contra amicos nostrates.



Dū mouet ad citharā nūmeros. A spēdīns, intus
Occinit, & reliquos non iuuat ipsa chelis:
Et sua summissō demulcet pectora cantu,
Priuatisque sciens auribus ipse studet.
Sic propria ingratus cōpēdia spectat amicus,
Dum cantē simulat commoda nostra sequi.

Narrā



NARRATIO PHILOSOPHICA.

A SPENDIVM citharistem intus canere solitum fuisse historiæ prodiderunt: vel quòd eos qui adessent cantibus & neruis suis delectari a quo animo ferre non posset: vel quòd tali modo rum genere quo non omnes valent, impensius caperetur. Cuius solertiam nescio an fidibus & modis, at certè moribus homines nostri proximè imitati suut. Dum enim se concordiam & conuenientiam, sine qua inter homines amicitia nomen suum tueri nequit, omnibus modis coluisse videri volunt, amicitiam totam utilitatibus & commodis suis circunscribunt, neque eos quos sibi amicissimos gloriantur, beneficiis retinendos esse existimant. Sed quid in amicitia illustrè aut magnificum esse potest, si meum & tuum adiūxeris, æqualitatem remoueris, & mirificam illam in collocandis officiis pietatem funditus sustuleris. Ac mea sententia nihil invniuersa hominum societate preclarius nominatur, quam equalitas, ut quod apud te fuerit, liberaliter & officiosè necessario tuo, si res postulet, impertias. In quo si fueris remissior, efficitur illa Christiano nominis infestissima, quæ Leonina societas appellatur.

L

In permutationem Diomedis & Glauci.

Pax auro redempta.



Dū trepidē Glaucus Diomedem fertur in hostē,
 Et dubiam in pugnam sāuis vterque ruit:
 Re tandem infecta, positis concordia signis
 Iurata est, dextris fœderis ergo datis:
 Arma dat ex auro Glaucus, recipitque vicissim
 Ferrea, quæ aeterni pignoris instar erunt.
 Pacem auro redimas, pretio compone duellum,
 Nam patriæ confert ære parata quies.



NARRATIO PHILOSOPHICA.

GLAUCO Amphilochi filio, qui Priamo diuturna obsidione presso, subsidio ad Troiam venit, iudicio posteritatis pro laude positum est, quod Diomedem singulari certamine abs se provocatum, magno pretio æquum placatumque dimiserit. Cui quanquam ea non decesset incitatio, quæ in maximis animis studio pugnæ impellitur, tamen & consentaneum dignitati suæ, & à disciplina militari non abhorrens iudicauit, sive pace quæ nihil insidiarum esset habitura, etiā iniquis conditionibus cum hoste consultaret. Itaque, ut ait Homerus,

Χρόσα παλκέωμενα τέμποια έντεα βοιών
 cum Diomede non dubitanter permutauit, & præclarissimo illo authoramento cum hoste in gratiam rediit. Nam præter id quod omnis belli exitus incertus esse solet, habet decertadi ratio aliud incommodum, quod etiam eos qui vicerint maximis plerunque cladibus afficit. Quid verò societati hominum inter ipsos tam discrepat, quid belluarum magis simile, quam mentem, industriam omnem denique humanitatem ad alterius perniciem cōferre? ut eum quem fidei tuae natura ipsa commendarat omnino deleas & opprimas. Iustè igitur monent illi qui ex duobus decertandi generibus, quorum unum per disceptationem, alterum per vim explicatur, nunquam posterius sumendum esse putant, nisi quoties ut priore non licet. Neque enim bella unquam suscipienda esse

maiores putauerunt , nisi vt paci & quieti possit
esse locus:pro qua omnis iusta & legitima est viro
magnanimo dimicatio. Vnde & fortitudinem ve-
teres appellabant,virtutem quæ pro æquitate pro
pugnaret . Sed cum probè omnia quæ in ciuita-
tum moderatione versantur, animo lustraueris, ni
hil est ad reipublicæ perpetuitatem æquè stabile,
nihil naturæ hominis magis accommodatum ,
quàm pax & tranquillitas:cui si à nationibus iis ,
quæ aliquando imperio & principatu floruerunt
summo studio esset in seruitum , illarum non tan-
tum memoriam (quæ tamen planè è mentibus no-
stris euulsa est) sed etiam rempublicā haberemus.
Ac sanè tanta est in nonnullis hominibus princi-
patus appetitio,vt potius extrema quæque patian-
tur,quàm vt finibus suis & ditione contineri pos-
sint. quod patrum memoria declarauit temeritas
cuiusdam apud Italos principis, qui cum si-
bi vitam acerbam prædicaret,nisi ali-
quando Cæsar esset factus , tan-
dem nihil factus
est.



In mortem Crassi.
Mors vna beat & ditat.



Qui nequit effossis animum complere metallis,
 Continuoque lucro sedulus innoritur,
 Sollicitusque solo commissam cogitat ollam,
 Hunc quis opinetur dinitis esse loco?
 Dū petit Euphratē fatis lachrymāibus, aurum
 Quod sicut Crassus, mortuus ille bibit.
 Hac erit extremo, me iudice, gratia fato,
 Quod dat inexpletis mentibus esse modum.

L iij

NARRATIO PHILOSOPHICA.

QVAE tantopere in animis hominum dum ad utilitatis rationem omnia conferunt, cupiditatis inquietaruit opinio, eadē ipsa vel omnium concessu patrimonia & hæreditates expilare, calendaria conturbare, & rationes domesticas mirabiliter affligere vna consuevit: fereque euenit, ut quod maior in patrefamiliâs habendi & lucri faciendi cura dominatur, hoc illi minus ex animo fortuna respondeat. Nam Crœsum ditissimum Lydorum regem vnius belli ad extremum procella peruertit: & quæ ei auaritia ad tantas opes credebatur esse suffragata, eadem illum in fortunarum & capitis discrimen coniecit. Neque mea sententia accommodator ad inopiam & rerum omnium desperationem aditus esse potest, quam per diuitias, quibus si te impensius addixeris, minus opiniones promoueas, quam iij qui modico conteti paupertarem omni studio coluerunt. His enim quoquo modo se res habeant, licet esse beatissimis. Quis enim aliquare carere iudicetur, qui eam non desiderat? at qui non caret, habet certè, aut ab habente nihil discrepat. Qui verò vulgo diuites appellantur, & in pecunia facienda versantur impensis, si qua clades domesticam illorum rationem perculerit, ne illi quidem non ærumnosi esse possunt. Semper enim in isto genere contentionis illud valuit, vbi non sis qui fueris, non est cur velis vivere. Itaque ipsa rerum copia quæ tranquillitatem & quietem cupidis hominibus allatura esse

vide-

videbatur, s^æpissimè ruinæ & calamitatis periculum struit. Quòd si vt de Polycrate Samiorum tyranno accepimus, alicui omnia cumulatè suppeditarent, quæ homini à fortuna suppeditari possunt, non possit tamē is verè felix numerari. Quis enim eam felicitatem nominauit, quæ subito aliquo casu interpellari potest? quis summum bonū, quod non est perpetuum? Testes sunt multi & præstantes viri, quorum operosa concursatio aliquando in calce, s^æpissimè in cursu, interdum etiam in carceribus impedita est: & qui dies illis à gravissimis contentionibus requiescendi esse debuisset, is omnium s^æpe luctuosissimus apparuit.

L iiii



A mortuo tributum.

Moderatio in vectigalibus.



*Define nocturnas tabulis incessere larvas,
Pendere vectigal mortuus anne potest?*

NARRATIO PHILOSOPHICA.


LORIOSVM sanè est, planèque regium, eos qui rerum potiuntur idem sibi sumere suo iure posse, quod summus ille dux Hebræorū Moses de se apud Dominum prædicauit, tanto studio se in singulorum vtilitates propendisse, vt ab illis neque asinum, neque equum corrasisset. Quo in genere multis pōst sacerulis Samuelem ipsum vetera scripta laudibus extulerunt, quod in procuratione populi Iudaici, rebusque religionis bene & nauiter tuendis, animum, diligentiam, studia denique omnia ad priuatorum vtilitatem & leuationem cōtulisset. Iureque Aratus Sicyonius laudatur, qui cum ciuitatem suam Sicyona tyrannorum dominatu annos quinquaginta oppressam liberasset, à Ptolomæo Ægypti rege, grandem pecuniam mutuò accepit, vt eas possessiones quæ vi à iustis dominis translatæ, longo spatio hæreditibus, emptionibus, dotibus & aliquorum mancipio, coloratè tamen tenebantur, redimeret, & sine detētorum iniuria suum cuīq; transcriberet. Hac æquitate perfectum est, vt & ij quorū bona atrocissimæ voci præconis subiecta fuerant, suum recipierent, & qui longo interuallo in possessione fuerant, rei dispendium pecunia sibi refecta solarentur. In quo verè principis animus intelligitur ita à iure discedere, vt nemini iniuriam facere videare. Hos vt pleno ore laudamus, ita profectotur pe & odiosum est, apud Homerum Agamemnoni regi ditissimo frequenti Græcorum concione, fordes & auaritiam ab Achille exprobrari, & eum

qui subditis caueie debeat Δημοσίορος βασιλεα, &
 τάντων φιλοκτεανώτατορ appellari. Ut enim nulla re
 magis iij qui reipublicæ præsunt, pietatem colere,
 & ciuium benevolentiam conciliare sibi possunt,
 quām continentia & liberalitate: ita certe iij labefac-
 tant fundamenta ciuitatis, qui ex subditorum
 dispendio & iniusta collatione fortunas suas vo-
 lunt ampliari. Nam neque bene imperare potest,
 qui non omnino commodorum suorum fuerit
 oblitus: qui si in fortuna ciuium liberaliore rem
 se suam facere existimet, non arbitrabitur ea ad
 amplificationem patrimonij sui pertinere, quæ
 publico reipublicæ luctu & damno de fortunis
 popularin sunt decisa. Sed in imperandis vectiga-
 libus & ἐπικεφαλίοις seruabit eā mediocrita-
 tem, quæ inter nimium & parum sita
 est, ut neque illi ad amplitudinem
 quicquam desit, neque po-
 pulo grauis esse
 videatur.



*Contra veteres, nullum Fortunam
esse.*

Ex Augustino.



*A spicere ut in nostris pendet Rhamnusia furcis
Et recipit sceleri debita pensa suo.
Quæque olim (si diis placeat) consecrit utrunque
Paginam, apud Gallos ultima fataluit.
Quid tibi Fortune curæ est rotamobilis? illi
Quid tecum est? sapiens solus apud te habita.*

Narra

NARRATIO PHILOSOPHICA.

FORTUNAE deæ tantum veteres ethnici tri-
buerunt, vt illi ætatum omnium concessu in
rebus prosperis & aduersis potestas, imperium,
dominatus, omnia denique expensa & accepta re-
ferrentur. Si quid ex animo accidisset, laudabatur
sola: in luctu autem & calamitate etiam eadem ac-
cusabatur, & vna vtranque paginam faciebat. Ne-
que illius solùm in rebus domesticis & urbanis
apud gentes valuit authoritas, sed eius quoquè
dominationem & vim ad rem militarem perdu-
xerunt: vt cuius exercitus dux victor euasisset, is
tantum beneficium à fortuna consecutus esse vi-
deretur. Itaque illi publicè templa posita sunt, &
diuinitatis delatus honos: quòd fortasse eo cultu
in amicitia & beneficiendi consuetudine retine-
ri possè crederetur. Quod vt suspiciose illi anti-
quitati vnuſquisque nostrum facile condonat: ita
profecto Basilius Magnus diligenter cauendum
esse censet, ne huiusmodi superstitione, aut etiam
vocabulis Christianorum animi occupentur. Qui
enim in rerum euentis memoria repetendis For-
tunam nominat, id efficit vt mundus & vniuer-
sum hoc quod conspicimus, quasi extra prouid-
entiam summi Dei esse iudicetur. In quo præ-
clara sunt illa quæ à Stoicis contra Epicureos
latissimè explicantur. Nam si fortuita sunt quæ
quotidie hominibus accidunt, neque stare Ne-
mesis Adrastia, hoc est, statum & æternum re-
rum omnium decretum potest: neque colliga-
tio, qua Deus ab omnibus sacerulis, ex Homeri
sentent

sententia , successus rerum humanarum æterno
nexu & vinculo deuinxit. Neque enim si in aqua
mortuus est Fabius , videatur illud aut non à Deo
decretum esse , aut fortuitò obtigisse , quòd ille
ad aquas poterat non venire. Sed si ab aquis ab-
stinuisset , & alio mortis genere è vita migra-
set , quod secus in illius fato esset factum , id quo-
que constans , æternum & ratum Dei consilium
posset appellari. Ac rerum futurorum ignoratio
in nobis fortunam parit , & quia variè in variis
hominibus euenta cadere perspicimus , id à Deo
in fatis positum non esse arbitramur : quod vt
non eueniret , Deo longè antè certum erat & de-
cretum . Quæ igitur fatis continentur , eadem
nec mutari , nec perfringi queunt : quæ si aliter
eueniant , iniustè in fatis recenseri possint : cùm
quod secus accidit , illud ex fati necessitate con-
tigisse sit putandum. accidat autem necne quam-
uis in opinione videatur situm esse , quicquid
tamen eueniet , id ex decreto contigisse putan-
dum est. Itaque Augustinus in his libris quos con-
tra Academicos conscripsit ; sibi haud omnino
placere ait , fortunam à se nominatam esse. ne-
que enim eiusmodi vocabulo eam deam quam
variam & inconstanter nobis fabulæ tradide-
runt , significare voluit , sed fortuitam illam re-
rum humanarum rationem. Erit igitur in no-
bis fortuna & casus : quòd certè ratio cogit fa-
teri , si humanum istud & opinionem spectes:
sinautem ad æternam illam Dei summi prouident

dentiam rapimur versabitur profectò illa , quan*τιμαρχίην* Græci vocant . Ea est ex omni æternitate fuiens veritas sempiterna , series & perpetuus causarum ordo : non tamen ut Stoici voluerunt , cum ex statu syderum astrorumque motu causa causæ nexa aliquid ex se gignit . Sed ut Dei prudenter certa necessaria & æterna in factis hominum statuatur . quod & Augustinus in libris de ciuitate Dei multis verbis contra Ciceronem comprobauit . Nō est igitur aliquid factum quod non euenisse oportuit , & quod instat , etiam & illud futurum est . Ex quibus tamen non id effici volumus quod Sostratus apud Lucianū à Minoë summa contentione petit : dum eorum quæ turpiter & flagitosè egerit , non iure se ad pœnam expeti quiritur : quod ea facinora necessitate fati & propter antecedentes causas non ex animo gesserit . quæ enim contra ius & leges facta sunt , futura sanè erant cum euenerint , sed tamen à volente facta sunt . Nam quæ turpia sunt , non tamen minus Deo præudentur : cui licet omnium mortaliū voluntates longè ante sint perspectæ , non continuò tamen minus voluntates dicendæ sunt . Erit ergo & bonorum & malorum lata differentia : neque iniuria iis qui rempublicam conservarint & auxerint honores & triumphi in ciuitate decernuntur . nam quæ præclarè gesserint , et si euentura erant , vt tamen euenerint singuliari illorum virtute perfectum est . Sic & maxima

rat

ratione in sceleratos leges animaduertūt:nam au-
deant maleficium necne,in illis positum est:hoc
autem an illud faciant,quod conse-
quetur,id Deo Immortali lon-
gè ante fuerat scitum
& perspe-
ctum.



In Grillum.

Voluptatem immanissimus quisque
sequitur lubens.




*Qui tibi Grille ferri stomachum mouere parētes?
Que te sors misericordia terruit oscinibus,
Vt te immunda iuueni fœdi vestigia porci,
Et renuas iterum munus obire viris?
Quoniam semel in turpiterinet ditione voluptatis,
Huius vel gratias viituri imperijs:
Et quo plus demens eget assertore patrono,
Hoc mage blanda sui vindicis ora fugit.*

QUEMADMODVM (vt inquit Cicero) iis
 qui se è Leucade Epiri promontorio in cō
 uallem demiserunt, non omnino integrum est quo
 velint insistere: ita qui se voluptatibus & animi
 morbis permiserunt, neque si velint se in virtutis
 libertatem possint assérere, neque opinor si pos-
 sint, velint. Tanta est enim apud nonnullos volu-
 ptatis opinio, tot in ea fruenda delitiae & lenita-
 tes, vt contra illam imitatrixem honestatis, sapien-
 tiæ momenta à perditis & contemeratis homini-
 bus nequeant ponderari. Et plerunque accidit, vt
 ei qui se totum ad eam rem applicauerit, summæ
 molestiæ preferendæ sint: & tamen in calamitate
 & luctu turpitudo affert delectationem. Diony-
 sium superiorem omni crudelitatis & flagitij ge-
 nere impurum, audiuiimus tanto metu & crucia-
 tu inter suos versatum esse, vt reiecta hominū cu-
 stodia, quòd illis non satis confideret, corporis tu-
 telam ad canes detulerit, & cultros metuens ton-
 forios, bárba sibi candente carbone adusserit. Hic
 igitur tantum ex sceleribus suis fructum capie-
 bat, vt fordes & vitæ indignitatem lubens & cla-
 de & periculo capit is sui æstimaret: neque à malè
 agendo propinqui discriminis reputatione pos-
 set reuocari. Qui si virtutis formam oculis cor-
 poreis potuisset contueri, credendum est volu-
 ptatem vel illius suffragio facile dignitati fuisse
 concessuram.

Ferrum.

In miseriā humanæ fortis,



*Cladibus in multis hominum traducitur ænum:
Sed st̄, ut in accessu mortis incempta quies.
Hac duce uel miseriis subitò licet esse beatis:
Quam qui obiit, credo ne superesse velit.*

A L I V D

Vitam hominis, similem ferri posuere rigor;
Qui cernunt variæ tela minâsque deæ.
Si ferrum exerces tandem consumitur vñsu,
Et patitur vitæ publica damaña sue:
Quod si lethæo pateris residere veterno,
Et tabem ducit conteriturque situ,
Et rubiginei sentit dispendia belli:
His potes humanum conciliare genus.
Si qua Cleanthæ nos ducunt acta palæstræ,
Et retinent Samij dogmata sancta senis,
Incipimus vitæ medio tabescere cursu,
Et nimio incauti ponder e deprimimur;
Verum si studio retinemur amabilis oci,
Hic nos pituitæ peruius humor habet.

M ij

NARRATIO PHILOSOPHICA.

VE T V s fuit Salomonis sapientissimi regis,
 atque adeo Sileni , & Ethnicorum sententia
 ” Beatissimos esse eos qui nunquam in hanc vitam
 ” essent ingressi proximè verò ad candem felicita -
 tem & illos pertinere , qui primum in lucem editi
 summo Dei immortalis beneficio his corporis in
 culis essent liberati. Huius hominum calamitatis
 & talium miseriarum magnum perdiu argumen-
 tum est , quòd qui primùm nascuntur eiulatu &
 clamore futuris malis illachrymari solent , & do-
 lorem quem aliquando ex concurbationibus hu-
 ius sæculi capturi sunt , apud eos à quibus ad aspi-
 ciendam lucem euocantur , velut testatione com-
 plecti. Vnusque Zoroastres dicitur hora nativitatis
 resisse , cum ante decimum & quartum diem ne-
 mo vñquam risum sustulisse memoretur. Et si au-
 tem aliquando euenit , vt incommoda quæ in ho-
 minum vita solent accidere , aliqua felicitate vel
 prospera fortuna leniantur: sæpe tamen in res tam
 secundas incurrit euentus tristis , cuius acerbitas
 etiam trium Nestoris ætatuim prosperitate omni,
 nequeat compensari. Quæ cùm Cleombroto &
 nonnullis aliis fortissimis viris in mentem veni-
 sent , contra Pythagoræ legem , beneficium naturæ
 defugerunt . Quod si immortalis illa animorum
 series præstantissimæ rationis coiunctione & vin-
 culo ad diuinam illam mentē pertinens , iussu Dei
 in corpora nostra sparsa est , vt ex isto inferiore
 globo cælum vnde esset profecta , & cælestia ipsa
 tueretur , semper aliquid inquireret , disceret , me-
 ditare

ditaretur, & perfectam illam Dei notitiam quam aliquando futura vita esset natura, studio incredibili & diuinorum rerum cognitione anteuerte-
ret, parum opinor feliciter cum his actum esse vi-
debitur, qui turbulentissima ista vita ærumnis, ca-
lamitatibus, doloribus corporis & summis ægrotationibus à veritatis & rerum maximarum per-
uestigatione auocantur, vt illis nihil ferè cum ani-
mo, omnia autem cum corpore sint. Quanquam enim ea debet esse hominum in euentis ferēdis cō-
stantia, vt nulli neque dolori, neque perturbatio-
ni cedant: est tamen miserrimum esse aliquem tam
effœto corpore & valetudine tam afflicta, vt in cu-
rationibus, pharmacis, & medicinis omnis illi æ-
tas inanis & vacua elabatur, & nihil ei à tot nego-
tiis otij tribui, quod ad legendum & intelligen-
dum potissimum conferat. Nam ita viuere vñon
sit viuendum, miserrimum est. Iam quo animo,
qui constantia & fortitudine Paulus Apostolus
in vita periculis versabatur? at vir tantus mortem
expetebat: quæ vel eo nomine à nobis desyderan-
da est, quòd & nos his corporis ærumnis leuat, &
secum immortalitatem affert, qua nihil hominide
syderatus & melius potest euenire. Non enim
quanquam nobis ex edicto Domini sit retinendus
animus in custodia corporis, continuò desertor
militiae appellari possit, cui viuere iactura est, &
mori lucrum: quique eò se citissimè velit sistere,
quò aliquando naturæ necessitate & præscripto
sit venturus. Ac ne semper incommoda & aduer-
sos fortunæ casus meditemur, quis inter tam va-

rias & discrepantes hominum de religione senten-
tias , non vitæ huius satietate impendio tenetur ?
quis tam à publicis commodis cogitationes defle-
xas habet, qui diuersa hominū sensa in rebus gra-
uissimis audiens non sibi vitam acerbam putet ?
quæ diuersitas non tantum in homines leuiter eru-
ditos, sed in præstantissimos & doctissimos quos-
que iandudum influxit : ex quorum numero qui
præstat, & ab altero dissentit lubens, & ipse non sa-
tis sibi constat. Neque verò sine multorum offen-
sione fieri potest , cum res eadem ab uno ad
perniciem, ab alio ad salutem vocatur:
eamque alij pro scelere nefario,
alij pro vita & præsi-
dio ponunt.



In Vulcanum.

Sæpiissimè mundiores , rusticis & cocis
esse àvæppeditorëps, hoc est uti Venere mi-
nus propitia .



Non ego *Vulcanus cupiā*, aut *Cilbenius esse*,
Sed mage *Vulcanus Mercuriūsque simul*.
At si te fatum similem retinet esse duorum,
Dic vtra mavis conditione frui?

M. iiiij

A L I V D.

Hispidus ardenti regnans *Vulcanus* in *Aetna*,
 Quem sibi vel generum pallidus *Orcus* emat:
 Anne potest veneris tadas adyssae iugales?
 Et *Xerip* aeterno conciliasse thoro:
 Quas nec *Atlantei* concors suadelanepotis
 Ausa est Irreicys sollicitare sonis.
 Cui laceria impexo pendet lacinia mento,
 Quemque suum pingui iure culina facit,
 O quoties cultis palpum riuallibus egit:
 Et retulit *Paphia* caston & arma dea:
 Delusit quoties picta tectoria lingua,
 Vicit & heroum lucida φίλτρα ducum.


P R O B L E M A.

Quæris despecta qua tanta occasio formæ,
 Et claram ingenij tam iacuisse decus:
 Vi referant Cypria præstantia munera diue
 Quis nulla est patrio mista lepore venus?
 Scilicet ista suas nostri docuere puellas,
 Qui nisi non meritis prædia sacra ferunt.

NARRATIO PHILOSOPHICA.

MIRETVR optimo iure quispiam præstantissimas formas & omni corporis venustate deas, Venerem & $\chi\alpha\gamma\mu$ in manu Vulcani fuligine & flamma squallidi conuenisse: Mercurium autem qui ad aptam illam membrorum compositionem, etiam egregias eloquentiae & doctrinæ laudes adiecit, nihil tale vñquam aſſe qui potuisse. An quòd ita comparatum est, vt hominibus cultis & splendidis non ita ex animo & sententia in amoribus fortuna respondeat, quām iis qui ad omnia inepti & tardi nihil vñquam tale animo concupierunt? An quòd multa insperantibus & minimè optantibus eueniūt, que qui ad potiundū & spe, & cupiditate incredibili capiuntur, non possunt adipisci? An quòd hodie indignis & insulſis omnia sunt prompta & parata: iis verò qui præclarè se gesserint & promeruerint, magistratus, honores, officia, beneficia, omnia deniq; clausa & obſignata? An quia mulieres, ne cui in ſuspicionem non feruatæ pudicitiæ veniant, eoru potius defyderiis inſeruiunt, qui ab amoribus iudicio multitudinis putantur esse alieni? An quòd illæ nocturnum ſibi obſequium deberi, in eos lege poſſint intendere, quos obſonatores, topiarios, mediastinos, & ad tales diurnas operas conductos habent? An quòd qui ſunt elegantiores, ad illud muliebris officij genus videantur magis imbecilli? An quòd ea eſt erga nos naturæ benignitas, vt ſemper aliquod incommodum beneficio com-

penset, ut quibus animi vim & ingenij ornamen-
ta nō præsttit, eos fortissimis lateribus, validissi-
mo robore & corporis præsidiis confirmet, ut
mulierum cupiditatibus, & proli diligentem
operam nauent: ex quo euenire possit,
ut ea corporis immanitas illis
apud mulieres ad gra-
tiam suffra-
getur.



In Platonem.

Honor debitus viro docto.



*Aspice ut eximius niueis ad templa quadrigis,
Ante hac non solito pergit honore Plato.*

*Ecce Syracusa princeps immanis in ora
Vittatam mittit (regia dona) ratem.*

*Heu quanta est lingua, quanta est præstantia
cordis,*

Cogat ut infranos ponere colladuces.



NARRATIO PHILOSOPHICA.

P R A E S T A N S homineque libero digna re-
 rum maximarum cognitio & doctrina, quae
 hominem in solitudine, neque solum esse, & etiam
 procul à reipublicæ gubernaculis, sine dignitat-
 viuere non concedit. Neque enim quicquam ho-
 minum industria ad animos colligendos peperi-
 accommodatius otio literarum : quarum tantum
 inter vtrunque extremum temperatio est, vt qui ho-
 in illis versetur, neque verè in otio, neque in negotio
 intelligi possit: & tamen iis qui in vtroquaque
 vita genere versantur instituti dignitate facile antea
 recedat. Itaque Pythagoras qui primus philosophiam
 in Italianam inuexit, & præstantissimis ar-
 tibus institutisque exornauit eam Græciam, quæ in-
 Magna dicta est, interrogatus à Leone principi
 Phliasiorum, quinam essent philosophi, & quicquid
 inter eos & reliquos interesset, respondisse fertur
 vt Cicero author est, Similem sibi videri vitam
 hominum, & mercatum eum qui maximo ludo
 rūm apparatu, totius Græciæ celebritate habere-
 tur. Nam vt illic quidam corporibus exercitati
 gloriā & nobilitate coronæ peterent, alij emen-
 di vendendiisque lucro & quæstu ducerentur: esse ideo
 autem quoddam genus eorum, idque maximè in-
 genuum, qui nec plausum nec lucrum quererent,
 sed visendi causa venirent, studio seque perspicie-
 rent, quid agerentur, & quomodo. Ita nos quasi in
 mercatus quadam celebritate ex urbe aliqua, sic in
 hanc vitam ex alia vita & natura profectos, alios
 gloriæ seruire, alios pecunia: raros esse qui cæte-

omnibus pro nihilo habitis, rerum naturam „
adiosè intuerentur, hos se appellare sapientiæ „
quidiosos. Et vt illic liberalissimum esset spectare „
nil sibi acquirentem, sic in vita longè omnibus „
udiis contemplationem rerum cognitionemque „
æstare, & eos qui se rerum maximarum perue- „
rgationi dedidissent, facile cæteris hominibus „
ateire. quæ et si non modo naturæ, sed dignatio- „
hominis accommodata esset, nonnullos tamen „
a percult maiestate. Huius opinor offensi ho- „
mines nostri, filios suos eosque quos in clientela „
potestate retinent, non patiuntur in literis cō- „
uiescere & versari. hos si ita animo affectos esse- „
dent, vt in præstantissima illa studia toto pecto- „
incumbant, in suis domibus malè accipiunt. li- „
rarum otio distineri non probant, nisi quatenus „
eo ad rem familiarem amplificandam adiumen- „
petuntur. Antiquitatis & rerum humanarum „
otitiam non putant ad virum sapientem perti- „
ere, quod ea cognitio parum admodum sit quæ- „
uosa. præclari homines qui honesti & virtutis „
itionem vtilitate metiuntur: neque enim si quæ- „
am virtutes rei domesticæ fructuosæ non sunt, „
leo minus videantur perhibendæ. Quanquam „
on tam profligata & afflcta Philosophia est: ne- „
que qui in ea versantur tam ærumnosí & miseri, „
t si eis sit commodum pecuniam facere, nō pos- „
nt: quod declarauit Thaletis sapientissimi viri „
uthoritas, qui cum ex antecedentibus naturæ „
ausis facile annorum sequentium sterilitatem in- „
elligeret, vniuersam oleam illius animi coëmit,

ex qua

ex qua vir philosophus & contemplationi deditus ingentem pecuniam refecit. Non enim si paupertatem colere & paruo cōtentum esse philosophicum aut Christianum est , ideo qui sapientes aut Christiani sunt, pecuniam facere non poterūt:
,, sed tamen pietatis & perfecti cuiusdam est, cūm
,, id possis nolle. Ac quia sunt nonnulli , qui vsura gloriae mirificè delectantur , illis certè ex eodem virtutis genere ad laudem & commendationem patefacta via est. Nam & Dionysium Syracusanum, cuius præter cæteros nobilitata est crudelitas , audiuius tantum honoris & iudicij Platonis detulisse, vt illi nauem vittatam mitteret, eūque summis muneribus & incredibili liberalitate honoraret. Pompeius verò Magnus hoc honore Posidonium Stoicum philosophum affecit, vt ad illum domum venturus , lictores demissis fascibus adstare imperaret. Et Ennio poëtæ Africanorum familia hoc benignitatis largita est, vt illi mortuo iis familiaris sepulchri concederet. Tantumque Alexander Magnus Pindari studiis & doctrinæ testimonium reddidit, vt in Thebarum obsidione familiæ illius pepercere. Fertur quoque Severus Imperator Oppiano in singulos versus auctum reum appendisse. Adeò regium est eos honoribus & beneficiis prosequi , per quos summorum virorum res fortiter præclareque gestæ immortality & memoria sempiterna consignantur.

In C.

In Corycium.

Nihil est , quod labore non asse-
quamur.



*A spice ut assiduo sipientia culta labore,
Corycius subigit nocte dieq; senex:
Et dicit sulcos, & glabas occat inertes,
Et sterilem iniecto stercore nutrit humum.
Qui se igitur musis dicit lachrymantibus ortū,
Diffidique sui viribus ingenij:
Transfigat insomnes noctes, vigilique labore
Naturae superet crimina nota sua.*


NARRATIO PHILOSOPHICA.

QUEMADMODVM multa accidentunt in hominum vita, quæ deliberaNTI & cogitanti facillima appareant, sed tamen nihil experienti minus: ita & nonnulla sunt quæ hominibus in spē cogitationemque defixis extra facultatem videantur esse sita, eadem si ad contentionem & actum reuocentur, industria laboreque vinci possint. Ut enim dicitur, volenti nihil operosum aut difficulte esse, ita ei qui neroS animi in aliquam rem cōtenderit, minimo negotio etiam ardua superantur. Et quanquam Græcis Troiam obsidentibus nonus annus propè iam sine gloria esset confectus, tamen Nestori & Vlyssi sapientissimis viris deorum & hominum testimonio laudi datum est, quod Græcos animo fractos labatesque, & iam de reditu consultantes cōfirmarint, & magnifica oratione reliqua belli ex Chalcantis vaticinio confidere incitarint. Etsi enim graue est multa contendentem nihil proficere, est tamen longè turpius, eum qui se tot laboribus diu confecerit, infecta consilium deponere. Nam vt quidq; præstantius est, hoc certè difficilius: & quod plus operæ in aliqua posueris, hoc in ea fruenda maior voluptas consequetur: fercq; rebus omnibus quæ aliqua laude dignarentur, difficultatē natura attrahuit, vt eoru qui animi magnitudine excellūt, virtus inter homines stupidos & remissos eluceret. Quod si qui sunt qui tāte se à natura tarditatis teneri putent, vt à rerū cognitione & doctrina propriorum arceantur, est tamen opinor aliquid,

quod

quod labore & assiduitate cōsequi possunt. Nam quæ vñquā tellus, quisager aut fundus tam sterilis esse potuit qui non labore excolatur? Quæ itē hominis mens, quod ingenium tam incultum & horridum, quod non opera & vigiliis splendescat, & quasi subigatur? Demostenes quidem vir & eloquentiæ & sententiæ in populo Atheniensi princeps, eo vitio à natura laborasse dicitur, vt eius artis cuius antistes esset, literam primam efferre non posset. At is vitium illud adhibito ori calculo emēdauit: tantumque accuratione & diligentia perfecit, vt æquales suos, qui tum in eodem eloquentiæ genere versabantur, cū cæteris omnibus rebus, tū vocis suauitate decoroq; actionis, etiā aduersariorum testimoniis superaret.

N



Dipsas.

In παρθενωτικας, & sectatores
meretricum.



*Imbibit humorem lethali noxia morsu
Dipsas, & in venas frigida virus agit:
Paulatimque suum miseris effundit in artus,
Et siccata indignis conficit ossa modis:
Insani meretrix censum expiscatur amanis,
Poscit & accersit pignus amicitiae.
Captaque propositis retinet præcordia philtoris
Huius, & immemorem non sinit esse sui.*

NARRATIO PHILOSOPHICA.

OMNINO certè fœminarum institutis & legibus teneri, miserum & indecorum est: sed in isto genere nulla est aut turpior, aut infestior seruitus, quām eorum qui se flagitiosè ad alicuius fœminæ amores contulerunt. Nam quid in hominum prouentibus tam sanctum esse potest, quod non ab eiusmodi scortis violari, quid tam sacrum aut religiosum, quod non pollui fœdarive queat? Quæ enim ærario sanctiori, hoc est patrimonio Christi referri debent, ab his ne mulieres quidem istæ manus abstinere possunt: quibus non satis est sacras oblationes exhaustire (vt de diis illis qui quondam tempore Danielis apud Babylonem colebantur, accepimus) nisi etiam & sportulas & si quæ sunt alia quæ recuperatoribus honoris causa dantur, sibi deposcerent. Sed tamen quia vt quisque bonitate præstat, ita minus alios improbos suspicatur, Christiana est & plane laudanda eorum existimatio, quibus mulieres quæ magnorum hominum porticibus & foro vti solent, non continuò improbantur. Nam & Pontificum proprium est, & cum Euangeliis illis præceptis magnopere coniunctum, vi duas obsequio meritisque retinere. Cui sententiæ canonistæ minimè aduersantur, apud quos ex æquitate quadam prætoria relatum est, clericum qui arctius mulierem fuerit complexus, non sceleris alicuius, sed benedicendi causa (sic enim loquuntur) ex benigna interpretatione, id

videri admisisse. nisi forsitan & illi in hoc questio-
 nis genere, testes parum idonei, & non omni ex-
 ceptione maiores judicari possint, quod illorum
 „ magnopere interfit. Sed tamen quia ut quisque
 „ est optimus, ita se maximè virum bonum & esse
 „ & nominari vult, cauendum erit ei cuius vita in
 luce omnium posita est, ne qua illum ex mulie-
 rum aditu infamia vel minima suspicio attin gat.
 Nam omnino negligere quid de nobis dicant ho-
 mines, dissolutum est. Præterea ut Hesiodus dixit.
 „ Θεοὶ γνῶντες τι τοιοῦτα, τι τοιούτοις φιλήτησι.
 Qui fidit, inquit, mulieribus, & is furibus fidem
 habet. quod tamen de his dictum existimamus,
 quarum vita ad omnem licentiam & libidinem
 parata est, à quibus qui Deo acceptus esse
 cupid, facile se liberabit, vt inquit Sa-
 lomon, qui verò scelera-
 tus est, ca-
 pietur.



In tabulas Hipparchi.

Πάντα ιδώμενοι δίδοσθαι μένος καὶ τάντα
νόησας.



*Lynceus in medijs castris Hipparchus oberrat
Et desertores coniicit in tabulam,
Omnia perlustrat, nihil ille relinquit multum,
Imperat & miseric stigma dignareis.
Non potes aeterni tabulas celare tonantis,
Omnia sunt oculis criminata nuda suis:
Quaque latent vigiles miseri sectoris ocellos,
Cernit ab Aethereo maximus ille polo.*

N iii


NARRATIO PHILOSOPHICA.

QVI æternam Dei immortalis prouidentiæ sermonibus & disputationibus suis conuellere conati sunt, nulla re magis reliquos homines tam absurdæ disciplinæ adiungi posse putauerunt, quæ si scelerum omnium impunitatem summa contentione prædicarent, & vulgus imperitum velut proposita vtilitate demulcerent. Nam si ad mortalium facinora & fordes diuina illa virtus quasi sopita putatur conniuere, si nullis nostris aut beneficiis, aut malefactis impellitur, si inferiora ista non curat, quis tam à natura bene informatus est, qui in summa animi ægrotatione non lubens desipiat, & non aliqua peccandi illecebria capiatur? Ut enim Pythagoras tum maximè pietatem cæterasque virtutes in animis nostris versari ait, cum rebus diuinis operam daremus: ita cuius studium malè agendo non erectum retinetur, cum ab actionibus nostris Deum alienum esse suspicamur? Itaque sapientissimus Thales hoc omnibus persuasum esse debere existimauit, deos omnia cernere, & deorum plena esse omnia. Ex quo necessario sit euenturum, ut & meliores simus, & ad omnia pietatis virtutisque officia paratores. Quia verò magna vis est conscientiæ (ut ait ille) in utrunque partem, euenit certè ut hominibus probis rectè actæ virtutæ recordatio sit iucundissima: sceleratis autem, quorum malè agendo vita distracta est, suæ perpetuò occurrant iniuriæ: ut ducere animam de cœlo, nisi in summo luctu & mœrore non queant. Neque quisquam vñquam tam

tam flagitosus est repertus, qui nihil sibi à diuino
numinē metuendum esse iudicaret. Nam & is qui
omnia Græciæ fana spoliarat Dionysius, ita suis
delictis terrebatur, ut noctes & dies pœnam antè
oculos versari existimaret. At is in tanta flagi-
tiorum impuritate, summi Dei prouidentiam ne
exclusit quidem: qui cùm templo Locris expilato
secundissimè Syracusas nauigaret, videtisne (in-
quit) amici quam prospera nauigatio sacrilegis, ”
à diis immortalibus tribuatur. Etsi enim patien- ”
tia & benignitate Dei abutebatur ad conuitum,
quodammodo tamen concedebat versari quan-
dam in humanis rebus illius numinis præscien-
tiā curam, & prōcēam, quæ omnia nostra am-
bitu suo & maiestate contineret. Neque enim si


homines omni criminum macula conteme-
rati felicissimè cursum tenent, conti-
nuò Deus optimus maximus
tantam impietatē aut
nō videre, aut ni
hil curare sit
dicen-
dus.

N iiiij



Aspis.

Amicitia post aras.




Non prius è sonea visu truculentior aspis
 Exit, quām comitem senserit esse sibi:
 Vt si forte hominis violentis occidat armis,
 Vindicet hæc tandem tristia fata comes.
 Vnusquisque sibi fidum conquerat Achatem,
 Cuius post aras duret amicitia.

NARRATIO PHILOSOPHIC A.

EGREGIUM immortalitatis decus,& mea sententia castellanis omnibus triumphis anteponenendum,tam sancte pie que amicitiam alicuius coluisse; ut illi quibuscumque rebus,neque gratia, neque officio,neque voluntate defueris . Neque vero minus Thesei & Pirithoi,Orestis & Pyladis,Damonis & Pythiae amicitia veterum scriptis & historiis celebratur, quam eorum imperatorum virtus,qui patriam suam exterarum nationum spoliis & triumphis ornauerunt . Quod in viticulo tantum ius & fides,tantum religio valet , ut ad duorum mirificam coniunctionem ne tertius quidem possit accedere.Nam quamuis non vulgare esset Dionysij tyranni erga Damonem & Pythiam beneficium,qui vitam illis donauisset quam adimere potuerat,non tamen praestantissimo illo amicitiae neutrui obligari potuit : quod sumnum benevolentiae tuendae ius ex tribus constare nequit.Huius in natura hominum tanta vis est & potestas,ut quiveret amet,dum amico suo officiosus esse cupit , neque se,neque sua velit meminisse : & coniunctionem illam non modo clientelis & fortunis,sed etiam vitae anteponat . In quo verè Christianus animus intelligitur , sic alteri prodesse ut etiam ex iactura tua te fructum & commodum capere arbitrere . Neque sunt audiendi illi(nollem homines nostros) qui tantum utilitate sua amicos complectendos putabunt:quosque non ipsa honesti specie,nō pietate,non generis cognatione , sed proposita utilitate ad beneficentiam adduxeris . Nam et si ratio


bene merendi eam habet legem, vt semper recipro
cetur, pessimè tamen in amicitia res geritur, cum
sola commodorum expectatio ad officium exusci
tat. In eo enim simulationi amicitia præstat, quòd
sua ipsius gloria & mercede contenta est: in qua &
illud preclarè dicitur, extinctos nos in amicis quo
dammodo superesse & extare, quorum studio &
diligentia in summo liberorum luctu & negotiis
orbitas nostra sarciat. Nam plerunque amicitiæ
& necessitudines quas hæreditarias à patribus ac
cipimus quiddâ secū afferunt vberius, quam
locuples hæretas. Et multa sunt quæ
pecunia & patrimonio paran
tur, at amicitia ne
quit.





In helluones librorum.

Aliquando feriandum.



Prætogenes nimium picturæ intentus inani,
Non norat dextram tollere de tabula.
Qui genium fraudas & iustichœnicis usum,
Ut possis studijs inuigilare tuis:
Obductasque sibi tractas sine puluere chartas,
Non metuis sati conscius esse tui?




NARRATIO PHILOSOPHICA.

CATONEM eum qui posteà Uticensis dictus est, Marcus Cicero librorum helluonem appellauit, quòd doctrinæ studia nūquam intermitteret, & quantum illi forensium negotiorum labor otij tribuebat, ad legendum conferret. In iisdem literarum studiis immori audiuimus C. Pliniū, qui omne tempus sibi perire affirmabat, quod non rerum magnarum contemplationi impenderet. Qua in sententia principes illi philosophi fuerunt, qui cùm se à publicis negotiis remouissent, animum ad veritatis cognitionem accommodauerunt, & dies noctesque in contentionever fabantur. Quod etsi laudandum & gloriosum est, erit tamen ei qui ita animo est affectus, omnino videndum, ne qua sua iactura & valetudinis offensione illud oneris sibi imponat. Sed forsitan hominibus discendi studio inflammatis difficile factu fuerit rationem sui habere, sequé à mirifica illa di micatione reuocare. In quorum vitam per media literarum studia velut quadrigis vehentem, si qua misera fortuna ægritudinis incurrerit, discunt certè suo incommodo, quantum interposita remissio ad sanitatem fuisset profutura. Nam etsi contentioni quies incredibiliter aduersetur, accidit tamē ut illa maiorem in modum contentionem iuuet, eosque qui in negotio sunt, maiores postea ad rem gerendam officiat. Neque verò iis qui opere distinentur minus peruidendum erit, quomodo laborem suum mediocritate & remissione leniant,


quām

quàmvt facile q̄uid volunt,assequantur.Habet e- „
nim s̄epissimè nimis operosa cōcursatio tar „
ditatem,& qui sine intermissione in a- „
liquam rem fertur,interdum à cal „
ce ad carceres re- „
uocatur. „



In agorās poētarum prurientium.

Ex Polycleto.



Sicōnum, artificis medios permanet ad vngues,
Hunc vita damnas o Polyclete modum.
Effuge lascivī sc̄̄pentia scripta poēta,
Ad pīnūt luteas vnguibus illa notas:
Talia natūrum lēdūt monumenta pudorem,
Atque inculpatiſ moribūs officiant.

PLATO grauissimus veteris sapietiae antistes, è re ciuitatis, quam ille præclarissimis fundabat institutis, esse existimauit, poetas & reliquos voluptatū artifices procul à republica amandare. Qui enim dum magnam doctrinæ & virtutis spe- ciem præ se ferunt, imprudentes fallunt, iis mea sententia non debet esse in ciuitate locus. Honorem quoque huic hominum generi antiquitus nō fuisse, M. Catonis declarat oratio, in qua ille pro scelere Nobiliori ponit, quod consul Ennium du xisset in prouinciam. Sed ista opinor nimiùm stoi ca & severa: Erat enim poëta ille, vt accepimus; haud magna in re, sed fidei plenus. Nam si ad pœ- nam constituendam aut decreta ferenda irati non debemus accedere, & qui certè & placati in illos es se debebimus, quoru opera non modo ad res ma- gnorum virorum memorię mandandas, sed ad ho- minum nefariorum flagitia verbis coercenda, vti lis reipublicæ esse potest. Neque verò mihi o- mnino persuasum est, Platonii in eo albo poëtas præstantissimos fuisse, quorum scriptis le- gentium animus, non modo ad turpisimi facino- ris cogitationem non deducitur, sed incitatio- ne quadam ad virtutem efficitur propensior. Ita- que Alexander Macedo, cum in Sigeo ad Achil- lis tumulum astitisset, felicem eum prædicauit, cui Homerus tantus rerum à se fortiter ge- starum præco contigisset. Is enim summi viri historias tanta cum gloria est perfec- tus, vt difficile factu sit iudicare, vtri

plus laudis ex illo scriptorum genere sit allatum.
Nam vt facere laudanda magnopere gloriosum
est, ita certè & illa prodere literis ad eandē fermè
commendationem accedit. Vnde & apud Græcos
mos valuerat, vt in conuiuiis poëtę adhiberentur,
qui magnorum virorum laudes poëtica illa facul-
tate recitarent. Et Simonides parum gratiæ à Sco-
pa dicitur iniisse, quòd in eo carmine, quod pecu-
nia se in honorem Scopæ facturum receperat, nō
nulla de Tyndaridis honorificè prædicasset. Sed
postquam in perhibendis præclarè gestis, poetarū
studia sunt neglecta, homines quoque (vt ait Pli-
nius) facere laudanda desierunt. Non enim à præ-
stantibus & magnis viris posteritatis cōsolatio re-
pudianda est, neque omnino gloria negligenda, si
modo ex benefactis & virtutis actionibus quæri-
tur. Erunt igitur modis omnibus in republica tuē-
di, per quos plerunq; accidit, vt homines studio
gloriæ inflammati, facere scribēda non recusarēt.
Sed qui ita scribunt, vt legentibus illecebram pec-
cādi afferant, qui hominibus satis à natura in libi-
dinem propēlis voluptatū stimulus admouēt, qui
detestanda quæque flagitia, quæ ne prohibere qui-
dem propter verecundiam veteres legislatores vo-
luerūt, ob oculos proponūt, qui naturæ & virtutis
omnis seminaria in nobis restingunt, quid, quæso
illis cū optimis ciuibus cōmune esse possit? Odio-
sum verò est, quod à nonnullis dicitur, non posse
poemata nisi pruriāt, placere: quasi ipsa virtutis
forma nō sit omni corporis voluptate aut amabi-
lior, aut magis expetenda:

In vete-

In perfunctoriè iudicantes.

Mήδε οίκου οἰκάσις πρὶν ἀμεροῖ μενθόν
αὐθοῖς.



Diceret Aemathius populis dū iura Philippus,
Maximus inuasit torpida membra sopor.
Tandem experrectus sorte s coniecit in vnam,
Et causa ignota iudicat ille reum.
Dum sudant rauci tenebrosa in lite patroni,
Sæpe Senatorum corpora somnus habet.
Quî potes obscuræ momenta expendere causa,
Si lite in media membra sopore ruunt?




NARRATIO PHILOSOPHICA.

EGREGIA illa & præstantissimo senatore digna sententia, qua apud Homerum Somnus Deus Agamemnonem regem in quiete his verbis affatur,

Oὐ χρῆ παννύχιορ ἐνθειψ βλάπτορος ἄρδεα.
 ” Non decet, inquit, totam noctem dormire consiliarium virum. Neque enim ad reipublicæ tempe rationem, aut iuris reddendi authoritatem satis affert instrumenti ea quæ in re familiari gubernanda recepta est accuratio: sed quiddam cumulatius & plenius postulat ciuitatis tuendæ status, ad cuius moderationem qui accedit, etiam rebus pacatis nunquam sine cura & sollicitudine esse debet. Nam cum erit publicis negotiis & opere vacuus, tum demum oportuniſſimum erit tempus de negotio cogitandi, ut de Aphricano Panætium dicere audiuiimus. Semper aliquid inquiret & discet. semper futura prouidebit, diesque & noctes in arctissima cogitatione ponet, ut his malis aliqua ratione mederi possit, quæ celerius opinione hominum solent obrepere, ut ad utramque fortunam egrègiè sit armatus. Unde in pace & florentissimis ciuitatis rebus, de bello cogitabit. sicque nihil omnino poterit accidere, quod non longè antè sit meditatum & præuisum. Itaque homini senatori & publicis magnisque rebus distento, tanto turpius est antelucana opera à fabris vicis, quantò ille sedentariis & artificibus dignitate præstat. Alexander quidem cum pomeridiano tempore dormiisset, quod putaret opinor imperatori sum

summo naturæ necessitatibus parcè inferuiendum
 esse, dixit se tutò & sine culpa dormiisse, quòd vi- „
 gilasset Antipater. Quo minus erit ignoscendum „
 iis qui de maximis rebus iudices accepti , in ipsa
 iudicij contentione , reliquo ordine omni & po-
 pulo inspectante dormiunt , & momentis causæ
 vixdum libatis sententiam ferunt. Felix certè &
 immortalitate dignum ingenium, de his rebus ho-
 minem somno oppressum iudicare posse, ad quas
 audiendas qui se attentius accommodauerint , ne
 illi quidem satis ad iudicandum parati esse pos-
 sint. Neque verò sperandum est ut illi publi-
 ca negotia domi curæ sint, qui inter
 ipsa subsellia & iudicio iam
 constituto in som-
 nū conuer-
 titur.

O ij



Vetus nupiarum ritus.

In licentiam virginum.




*Mos fuit ut iustis nuper socianda hymenæis
 Multoies liquida perlueretur aqua.
 Ecquid ita? ut castæ virgo sacrata Diana
 Prodeat in sanctum non violata thorum.
 Credita virgineæ cui sunt areana iuuentæ?
 Ecquis scire dolos paruaque furtæ potest?
 O quoties facilis mentita puella marito est
 Falsa colorata signa pudicitiaæ:*

NARRATIO PHILOSOPHICA.

TANTVM semper apud veteres illos matrimo-
nij valuit religio, vt neho nisi diis appro-
bantibus, & aliquo sacrificio plātatis, se nuptiis
alligaret. Iam verò ea quæ illi maritiū viri conue-
niebat, ad ipsam aram aqua conspergebantur, vt il-
lius pudicitia & anteactæ vita: intégritas non in
tenebris latere, sed testata omnibus & in oculis to-
tius ciuitatis posita esse videretur: & ad colendam
etiam in matrimonio castitatem quasi instructior
accederet. Fit enim quodammodo ut quiddam cu-
mulatū de illius casuitate futuro matrimonio no-
bis promittamus, quæ in itiuētute longa officiorū
omniū constantia & fide, sibi continentia: nomen
peperit sempiternum. Ac in vetere illa lege, cuius
descriptio à Domino Mōsi data est, tanti est ha-
bitum vxorem virginem, & nulla in pudicitię ma-
cula contemneratam in mariti domum perduci, vt
viro de mulieris suæ existimatione laboranti, &
ante matrimonium violatam ab illa pudicitiam
suspiciati, potestas à lege facta sit de ea re apud Cō-
silium querelam perferendi, & primam vxoris
pueritiam ad iudicium famæ depositi. Habet
enim muliebris ille animus virtutis significatio-
nem, quæ tamen s̄epissimè & tempore, & multis
postea euentis collabascit, neq; locum suum apud
homines tueri potest. Nam quantis simulationum
inuolucris regi, & quasi quibusdam velis obtendi
earum naturam existimamus, quibus plus studij
& operæ in externis illis blanditiis, quām in vero
amicitiæ cultu esse solet. Neque verò ea quæ sem-

per priuatim & domi vixit, subito continens appellanda est. Nam sicut in comitiis & presandas magistratibus dici solet, nox vna interposita perturbat omnia, & saepe uno temporis momento labefactatur, quod diurna probitatis apparitione, ab illa sit perfectum. Ut enim non tantum poetis elaborandum est, vt aliqua parte placeant, sed id etiam efficiendum erit, vt perpetua fabula & usque ad extremum delectent: ita nunquam aliqua castitatis & continentiae laudem feret, nisi extremum vitaæ actum perpetuæ integritatis constantia confecerit. Sed vt animorum omnium, ita certè muliebrium maximè iudicium difficile est: neque de ea longa probitatis opinio esse potest, cui omnia in vestis compositione, saltationibus cœtu & rerum fortuitarum appetitione posita sunt.



*Ad Trapezitam.**In Aulicos.*

Dum tu intentus inis rationem, calculus unus
 Hac vice mille valet, qui modo tres sis erat.
 Turgidus aurata regum qui degit in aula,
 Et cui magnanimi principis aura fauet,
 Sæpe peregrinis inglorius exulat auris,
 Fortunásque eius flebilis hasta quatit.

O iiiij



DECLARA VIT iamdudum *diiorvō:G* & no-
gīvθω quām parum tuta esset illorum nau-
gatio, qui multitudinis iudicio & populari aur-
iaestati, nunquam cupiditatum suarum portum
inuenire potuerunt. Tantò enim eorum conditio
misérior existimanda est, quantò turpius habetur
aliorum nutu & euentis rationem vitæ nostræ cir-
cumscriptam teneri. Ut enim hic fortis, hic sapiēs,
hic moderatus est, hic denique viuendi rationem
bene comparatam habet, qui siue in aduersa, siue
in propitia fortuna, perpetua quadā animi æqua-
bilitate & constantia paret & obedit præcepto
„ illi veteri, vt lætetur aut mœreat nunquiam, sed in
„ scipso omnem spem reponat sui: ita hic stultus &
amens est, qui tam ex aliorum iudicio & volunta-
te pendet, vt eodem die quacunque mutatione ir-
repente & fortunatus & miser dici possit. Clito
amicō & necessario suo Alexander valde familia-
riter vtebatur: at is à tam intimo, victus credo ira-
cundia, ne manus quidem abstinere potuit. Sed in
hominis boni & sapientis iactura dolendum om-
nibus, atque ipsi Alexandro fuit. Adeo non est tu-
tum apud principes in amicitia & clientela esse:
Nos verò quām mirifica voluptate impellimur,
cum noui in republica motus impotentes istos &
rerum secundarum prosperitate elatos, aliquo ca-
su perculerint. Qui enim neque ex philosophiæ
præceptis, aut si placet ex Euangelica disciplina,
neque ex aliorum successibus memoria repeten-
dis meliores fūnt, quorum animus ad virtutem


& mo


& moderationem omnem obfirmatus est , qui in
populi damno & iactura non mouentur , ferè ac
cidit vt antequam è vita migrant periculo suo re-
rum humanarum & honorum inconstantiam edi-
scant. Quod non in eo est , vt hoc illis in pœna ma-
lè actæ vitæ ponam , & quasi iudicium Dei optimi
maximi anticipeim , qui sæpe fortissimos ciues
eiusmödi calamitate pepulit : sed non possum non
lætitia affici , quoties alicuius casus acerbitas id
secum boni affert , vt insolentes homines iuuenili
audacia & inani quadam potentia exultantes , pri-
mùm coërcere , deinde etiam ad æquitatem animi
possit deducere . Pulchrum est certè regum clien-
telas iactare posse , gloriosum est maximos apud
principes magistratus gerere : vtile reipublicæ est
sese iis qui præsunt ad consulendum accòmodare ,
neq; viro bono recusanda est rerū gerendarum cu-
ra : fed iis qui in eo genere se exercebunt erit dili-
genter videndum , vt præclarè in officio sint , & ne-
minem eorum lædant , quorum vtilitatibus pro-
curandis quasi tutores lege principali dati sunt .
Nam si ita ratio & natura postulat , vt qui belluis
& feris sunt præfecti , earum commodis diligenter seruant , quid eos facere opórtet , quibus æ-
qualium suorū temperatio attributa decreto est ?
Sed quorundam hominum appetitus in eo quod
populo calamitosum est , sæpe triumphat & exul-
tat , neque sibi nquam satisfacit , nisi multorum ci-
uium caput & fortunas offenderit . Quorum mo-
res quia ad tantam cupiditatem incubuerunt , vt
totam reipublicæ moderationem vtilitatibus suis

O v

metiantur:ferendum est æquo animo , si nonnulla in eorum vitam incurant, quæ rebus prosperis fracti posse euenire nunquam erant suspicati. Fundum ærarij & inopiam auribus multitudinis inculcant, sed moderationis est & temperantia, proscriptos magistratus & vænales pati in fiscum deferri, & ex eis publicè pecuniam refici. Qui autem illos à principibus impetrat, & posteà populo addicunt, vt pecuniam quam negotiationis nomine ab emporibus abstulerint, in rationes suas referant, habent profectò quod de se querantur.

Non est enim consentaneum , eum qui
in exhaustiendo ærario valde oc-
cupatus est , alij afficta &
profligata vecti-
galia repo-
nere.





In nodum Gordium.

Virtuti fata plerunque obstant.



*A*spice ut implicitos, ad tēplā immania nodos,
 Nec queat Aemathius soluere vincla puer.
 Gordius est nodus, quem si dissoluere possit,
 Ex Asia solus regia scēpira feret,
 Sed cui nodorum primordia cognit, a non sūr,
 Tentatum toties quī reserabit opus?
 Non quius superare poēst ingenii regna,
 Sed manus aut populus cui dare fata volēt.



NARRATIO PHILOSOPHICA.

YSANDRVM Lacedæmonium ferunt , cùm
Sardis ad Cyrum legatus à suisvenisset, ab eo-
dem rege in conseptum quendam agrum dedu-
ctum esse: vbi cum proceritates arborum & miri-
ficas descriptiones valde esset admiratus , intelle-
xit eos ordines ab ipso Cyro esse digestos. Tum in
tuentem ornatum Persicum & purpuram regis di-
xisse, Bene certè te beatum aiunt ò Cyre, quòd vir
tuti tuæ fortuna coniuncta est: quibus verbis apud
Xenophontem Socrates quiddam egregiè felix
& fortunatum videtur designare . Nam victorem
esse & imperandi gloria præstare, ex Peripatetica
disciplina sunt in bonis: quibus si æterna societate
virtus sese adiuxerit, efficitur etiam Stoicis pla-
tis admiranda quædam in rerum natura felicitas.
Sed tamen ita à natura facti sumus, vt nobis ad vir-
tutem facilis sit & via & doctrina : nec aliud est
peccare quām contra naturam facere: cui, qui ma-
lè agunt quasi bellum videntur indicere. Hanc ve-
rò qui ducem sequuntur, nūquām à recto , nun-
quam ab honesto deduci possunt . Sed præesse &
principatum in cæteros habere, non omnibus cer-
tè à sempiterna illa mente datum est . Nam iis qui
auri copia & maximis exercitibus abundant , qui
latè rerum potiuntur , qui barbarorum auxilia in
promptu habent, qui regum & nationum cliente-
las gloriantur, non continuò licet vincere , castra
capere, aut vrbes in potestatem fidemque redige-
re: frustraque multivi & armis cōtenderunt quod
Dei prouidentia & fatorum necessitas prohibe-
bant.

bant. Persas innumerabili propè militum manu in Græciam venientes , superatos audiuiimus in Marathone agro à Miltiade Atheniensium duce . Idē paulò pōst & Themistocli contigit , vt eos profligaret, quibus aciem instruentibus non solum terræ, sed ne maria quidem stare posse viderentur. Iā quantis cladibus nostri Turcas affecerūt, licet numero militum, reliquoque omni castrorū instruētu illis concederent. Ac si quis tempus illud, quo ad Octauium puerum res Romanæ deuenerunt , memoria complectitur, possit adduci ut tam præcipitem & celerem florentissimæ ciuitatis commutationem, non fabulæ similem existimet? Quis puerum, quis iuuenem, vix dum aliqua perfunctū dignitate , ad rerum tantarum fastigium vocari potuisse ante cogitarat? Sed hæc extra hominis cōiecturam versantur, & omnino ab æterna illa discretione pendent: cui qui in amplissimo dignitatum gradu locati sunt , tantum splendorem acceptum referre debent : qui verò aliis subsunt, non

ita animum demittere, vt suæ se fortunæ pœnitentiat: sed tam bono & forti animo erunt, vt etiam in abiecta fortuna verè liberi & regum reges appellari possint.

In Anaxarchum.

Dolor non est malum.



Furiis Anaxarchus Cyprii tormenta tyranni
 Neglit, & subitas non timeret exequias:
 Tunc, inquit, magis atque magis quod conte-
 ris, inquit,
 Arcamea est: in me nil tua pœna potest,

NARRATIO PHILOSOPHICA.

S I V T multorum philosophorum longa fuit consensio, malum omne opinionis est non naturæ, viro sapienti summopere erit contendendum, vt dolorem si quando acciderit, summa cōstantia & æquabilitate ferat. Neque opinor patietur in se valere, quod Dionysio Heracleoti leuissimo philosopho contigit: quem cum Zeno Stoicus & sapere & aduersus malum omne paratum esse docuisset, ferunt morbo quodam incurrente tam fracto & demisso animo fuisse, vt falsa esse in ipso eiulatu clamitaret, quæ antea de dolore senserat. At nō oportuit hominem philosophum ex renibus laborantem de gradu prudentiæ discedere. Habebit verò semper in ore Epaminundam illum, qui graui vulnere accepto morti appropinquans non prius sibi telum auelli, aut sui rationem haberi passus est, quām de victoria suo capite ciuibus suis parta nuncium accepisset. Admirabilis illa animi elatio, vitæ suæ dispensandum & iacturam reipublicæ commodis solari posse. Iam verò si tales nos naturā effecisset, vt non ex fortitudine animi & recte factis fructus gloriæ esset capiendus, dolorem tamen vel hoc ipso placatè ferre debemus, quod pusillum & planè muliebre iudicatur in dolore siue malo exclamare. At si lumen aliquod virtutis aspicimus, si præstantiam naturæ hominis, si honesti formam contuemur, possit aliquis tam abiectus

iectus & humilis videri , vt in doloris pressu vlu-
lantem se sine verecundia audire possit ? Multi e-
nīm pudore attolluntur , qui nulla alia ratione in
ci possunt , qui modus in præstantibus & magnis
viris ad æquitatem deducendis non mediocriter
valet . Calanus verò homo Indus & Barbarus quā
ta alacritate in rogum processit ? cuius tanta fuit
in morte , quam sibi priuato consilio sumpserat ,
grauitas & constantia , quanta nulla alia in philoso-
pho fuisse memoratur : quasi opinor in æternam il-
lam domum esset venturus , in qua mortalis ista
& plena periculorum vita , cum immortalitate sit
commutanda . Ad quam cogitationem qui se ac-
commodant , habent certè aliquid , quod in sum-
mis periculis non admodum pertimescendum pu-
tent : qui verò nihil tale animo cōcipiunt , se tamen
sæpiissimè à dolore inuiictos præstant , vel vt glo-
riam sibi parēt , vel vt ciuibus aut patriæ suæ quie-
tem relinquant . Itaque fortissimè Lacedæmo-
„ nij Philipo minitanti responderunt , essetne is
„ prohibiturus quominus morerentur : quasi
„ nihil homini accidere in vita possit ,
„ quod sit horribile , si cul-
„ pam & scelus su-
„ stuleris .


Noctua.

Cum Turcis bellandum.



Oppida collatis inuadite Turcicæ signis
 Reges: vos etenim summa tröphæa manent.
 Cernite sperati præsagia certa triumphi,
 Vobis à dextra Noctua venit auis.

P




MI RET VR non iniustè aliquis , quòd cùm maiores nostri perpetua quadamconstantia in opprimendis Othomanorum viribus occupati fuerint , & per illos tot calamitates & clades à communi Turcarum peste depulsæ sint , tandem eas ipsas in caput posteriorum recidisse . Nam ne externa semper meditemur , quot victoriis Galli principes eam gentem in Asia & Africa dicuntur profligasse ? Testes sunt illi , qui dominatu Turcico liberata Syria , multos annos in oriente imperium tenuerunt , atque eos à quibus ipsa virtus & Christianæ religionis ornamenta quondam ad nos profecta fuerant , Christianis institutis iterum viuere , & intermortuam fidem , & barbarorum tyrannide oppressam recipere coegerunt . Quorum victoria & magnitudo animi si tam parum profecit nobis , vt non tantum quæ illorum virtute parta fuerant , tenere non potuimus , sed ea ipsi amissimus , quorum iusta hæreditas ad nos pertinebat , quid est quæso quod homini Christiano magis efficiendum est , quam ut eam cogitationem toto pectore complectatur , quæ in repetendis rebus per Asiaticos Turcas ablatis posita est . Nam si qui sunt tam pacis & otij amantes , vt gentes eas Christianorum spoliis & sanguine refertissimas non existiment bello prouocari oportere , non video sanè tempus vnum quo iustum bellum indici possit . Neque vero in eo nostra versatur oratio , licitane sunt inter

ter Christianos vltro citroq; bella:scio enim multos in ea sententia fuisse, vt aliquo casu iustum bellum indici posse iudicarent. sed hæc fortasse nihil ad hoc pensum. Qui autem quominus cum Turcis & barbaris prælio decertemus, religione. impediti nos existimant, neque ullum relinquunt Christianis locum res ablatas auferendi, videntur, mea sententia, non solum in retinendis Christianorum principatibus eam gentem præsidii firmare, sed ad reliquias quoque opprimendas reddere instructiorem. Iam verò quæ iniustitia est, aut quæ potius improbitas; per quos armis fueris laceratus, eos bello appetere non licere: qui delubra, qui fana & templa, qui aras & focos, qui sepulchra familiaria in luce omnium expilarunt & violauerunt; horum impunitas Christianorum auctoritate & sententiis possit esse consignata. Ac si quis est qui Christianam fidem vi & armis in vulgus proseminandam esse non putet, habet certè me opinionis suæ laudatorem & sequacē. Malè enim se res habet, cùm quod cōsilio si, & Dei optimi maximi benevolentia geri debet, id tentatur vi & armis. Nam cùm in omnibus actionibus quæ ad animum pertinent, tum certè in religione plurimum priuata incitatio yalet. Sed non est ferendum, vetus illud & iustum Christianæ fidei patrimonium, nobisque à maioribus hæreditarium, hominum nefariorum audacia violari, & diripi: quibus non tantum cum religione nostra (hanc enim vel ipsa natura oderūt) sed cum reliquis virtutibus omni-

bus perpetua semper dimicatio fuit: qui veterem
illam Græciam sapientiæ & humanitatis omnis
theatrū: qui florentissimas Asiaci ciuitates, in qui-
bus primum clara voce & incredibili constantia
de religione Christi decreta perscripta sunt, tanto
studio & admirabili cōfessione bonorum omniū,
qui Christianorum conuentus frequentes oriente
toto, funditus deleuerūt, hi tandem nostrorum ho-
minum patientia abuti possint, horum scelus &
impietas in oculis, in auribus, in lateribus regum
& principum versari permittatur. Sed ut ait lon-
ge optimus poëta, *κακῶν δὲ οὐτεταμάλειν.* In
quibus forsitan frustra naturæ necessi-
tas accusanda sit, cum in calami-
tatibus & miseriis accersen
dis simius per quam
diligentes.





In Stesichorum

De mulieribus, neque bene neque malè
loquendum esse.



*Stesichore, offensi quæ tandem numinis ira
Imprudenti oculos eripuere tibi?
An quod Leda & decus immortale puellæ
Ausus es insanis ledere carminibus?
Mitte lenis per agat Milesia vellera virgo,
Et neat obscuro culta puella fcco.
Non est digna tua quæ sentiat arma Camœne,
Quæq; Licambæis concidat acta notis.*



NARRATIO PHILOSOPHICA.

STESICHO RVM poëtam, cùm in eius ætate siam ingrauescentem misera cæcitatis fortuna incurrisset, merito illo supplicio à diis immortali bus affectum fabulæ crediderunt, quòd parum honorificè de Helenæ pulchritudine & elegantiâ cecinisset. Quod etsi naturæ pótius aut senectutis vitio quam aliqua deorum offensione illi accidisse credendum est: non est tamē opinor extra nō xam, qui muliebria illa ad otium stylumque suum voluerit pertinere. Nā Thucidides nō solùm doctrinæ gloria, sed genere quoque princeps ciuitatis suæ, existimauit, de mulieribus neque bene neque malè loquendū esse: & quēmodocum natura, ea quæ in hominum corporibus deformem aspectum habent, longè amandauit ab oculis: ita earum animantium memoriam, quæ cogitatione angusti & infirmi animi legentibus esset allatura, in tenebris latere homo prudētissimus voluit. Neque enim ea exempla ad memoriæ diuturnitatem valent, quorum imitatio periculosa esse potest. Ac ut magnorum virorum res gestæ monumētis proditæ, multis sapissimè ad eandem gloriam stimulos addiderunt: ita certè fatendum est, nonnullos ex flagitijs aut rei turpiter gestæ historia ad omnē sceleris indignitatem incitatores esse factos. Unde & sapientissimus legislator Solon de parricidis legem non tulit, ne antea inauditum criminē potius docere quam vetare videretur. Sed quia in fœminarum genere nonnulla egregiè facta extiterunt, digna certè quæ & testimonio hominum & literis

ris nostris illustrentur, non existimârunt Romani alienum à dignitate ciuitatis suæ, si honestissimæ matronæ postquam ex vita migrauissent, laudarentur: Marcoque Antonio summo oratori laudi datum est, quòd Popiliam matrem fœminam primariam nouo exemplo apud populū laudauisset. Habet enim commendationem, cùm in animo muliebri plane virilis fortitudo & virtus elucescit.

P iiiij



In certamen equi & tauri.

Libertatem vedit qui beneficium accipit.



Cum timet infraeni truculentia cornua tauri,
Nec cōferre pedem mollior audet equus:
Implorauit opes hominis, frānoque recepto
Hostem perfacili proterit ille manu:
Verum ubi signa domū retulit victoria, frustra
Aeternum queritur colla subire iugum.
Sic caueat meritis aliorum qui volet vti,
Ne libertatem venduet ille suam.

In quendam, qui cùm meam fidem leuissimo
beneficio sibi obstrictam haberet, in me fa-
ctus erat licentior.

*Medudum ab misero retinet Longinus in ære,
Et pensum ingrati querit at officij:
Nec pudet hunc fatuis me compellare querelis,
Dum stultus merito non putat esse parem.
Quo superi redimam male faustas munere grates?
Ne glebae Sardum me putet esse sibi*

A L I V D

*Iam neque me Siculi terrent præsagia tauri,
Nec durum addictæ conditionis opus,
Aut aliena olim miseria signata calendis
Æra, Saguntina deteriora fame.
Dum ne, qui euentis partes metitur honesti,
Me scriptum ex tabulis vendicet ille suis.*

P v

NARRATIO PHILOSOPHICA.

NE tu quæso istas ineptias homo tuo quidem iudicio valde sapiens. Pergisse iterum tanquam ex syngrapha agere nobiscum? In quo valde miror, tibi mea sententia non indocto in mentem venisse, religionem, fidem, pietatem, officium, libertatem (quæ mihi vita ipsa charior est) animum denique meum apud te obsignatum teneri posse, puerillo credito voluntatis tuæ. At beneficium gratiæ & benevolentiæ nō mutuum pecuniæ fuit, in quo parum labore: sed caue existimes me ullis rebus adduci potuisse, ut iudiciū animi mei postponerem clientelis tuis. Tu nos vitæ ratione tam malè comparata, tamque parum ex nobis aptos fuissé: tu de toto genere institutorum meorum tam fractè & demissè iudicasti! tu hominem, & quod in hominum animis æternum & ingeneratum est, uno merito obstringi existimasti! tu præclarissimum libertatis patrimonium, pro quo etiam vim parenti afferri debere veteres sapientes iudicauerunt, uno obsequio profligari & affligi! Tu leges, tu ius gentium, tu vinculum religionis, quibus authoribus nemo vñquam à se sui principatum abdicauit, obstringi mancipio voluntatis tuæ: Tibi denique persuasum esse potuit, eos quorum utilitatibus & terrarum orbis, &

*Hoc sublime cundens quem vocant Aetheræ
sese accommodat: quorum causa vrbes ædificatæ,
vineæ institutæ, arborum descriptiones & or-
dines digesti, fluminum fontiumque perenita-
tes inuentæ, quorum commodis & levationi so-*

lis

Iis & Lunæ circuitus, reliquorumque syderum
anniuersarij statiique motus inferuiunt, eos mi-
nutissimis officiis & leuidensa tua quasi nexu al-
ligari. Sed quemadmodum apud Homerum præ-
stantissimus ille rex regum Agamemnon, Achil-
li præsenti iracundia inflammato, & verborum
audacia exultanti, cum in maledicendo modum
non teneret, fertur respondisse,

Παρ' ἐμοὶ γέ νοι ἄλλοι " "
Οἱ κέ με τιμόσσοι, μάλιστα δὲ μητίετα γόνις. " "

Apud me, inquit ille, & ij qui me colent, maximè " "
verò consiliarius Iuppiter. Ita & apud te possum " "
prædicare, me iudicio benevolentiae tuæ mirifi-
cè delectatum (etsi certè id in nos & per exiguum
& vulgare fuit) sed non patiar etiam si multo-
ties sit mors oppetenda, vel minimam seruitutis " "
labeculam aspergi libertati nostræ: neque enim " "
existimo Deum tam esse auersum à cuiusquam " "
salute, vt in vnius homunculi beneficio dignita- " "
tis & splendoris omnis iactura sit ponenda. Ita-
que iis libenter debebimus quibus volemus, vo-
lemus autem apud eos qui nostri rationem ha-
bebunt, sed in omnibus consiliarius Deus. Quod
si tuū in nos semel officium constitit, agnosco sanè
benevolentiam & liberalitatem tuam: sed molestè
fero tanti te hoc bene merendi genus æstimasse, vt
tibi nos eo nomine mirabiliter deuinctos iudica-
ris: & liberius quam vel pudor tuus, vel etiam
dignitas, aut si malis libertas nostra pati posset,
mecum expostularis. Miserrima mediusfidius eo- " "
rum in quos aliquid sit collatum cōditio, si ex ac- " "
cepta

„ cepta benignitate & gratia velut capite minuantur , vt iam illis , vel suis vel liberis esse non liceat .
 Quod si à me tibi beneficium repræsentari reficique postulas , rationem habet : sed permitte me
 meo more & arbitratu viuere , neque stomachere ,
 si id meo iure sumam , quod post homines na-
 tots ne crudelissimi tyranni subditis suis vñquam
 inuiderunt . Itaque si omnis beneficij comme-
 moratio homini prudenti verecunda est , quod
 quasi gratiæ exprobationem habeat , vide ne pa-
 rum honestus iudicere , qui non meriti memo-
 riam renoues , hoc enim certè nobis minimè
 tibi subiratis ferendum fuisset , sed mecum tan-
 quam ex tabulis agis , quasi mihi accepto à te be-
 neficio non sit integrum , non me velle quod tute
 apud te domi cōceperis . Quid igitur rātopere tibi
 nō probatur ratio volūtatis meæ . An me rā parum
 subducta vitæ ratione esse putas , vt in eo quod
 priuato consilio sumpserim , esse mihi per te non
 liceat ? An quod tale est iudicium animi tui , vt ni-
 hil laudes nisi quod gesseris ? An quod eos qui à
 te dissentient , plūrimū à veritate abesse putas ?
 An quod homini bene à natura informato nefas
 esse existimas , id minimè assentiri quod ab amico
 rogetur ? sed id opinor longè turpius est in amicis
 & necessariis rogandis cupiditates suas illorum
 dignitati anteponere . Nam vt de se etiam Pericles
 dicebat , οὐ μὲν συμπράττειν τοῖς φίλοις , αὐλαὶ μέχρι θεῶν
 Quod si in tantis angustiis mens versatur tua , si
 rā ex aliorū arbitrio tibi vita suspensa est , si deni-
 que tam pusillus es & abiectus , vt libertatem uno
 bēn

beneficio proscribas, vt assensionem tuam, iudicium, mentem, addo etiam rationem vno merito quasi numo addicas, quæso ne me in societatem fordium tantarum voces: & patere eum esse ita vt vult, qui iandudum à rebus tam deploratis & abiectis tanquam à seuerissimo tyranno profugit. Potius igitur me viuo terra misceatur ignibus, aut mihi Deus non ita sit propitius, quam vt tua in nos beneficia, quæ tamen nisi modica esse non possunt, me naturæ immutent meæ. Quæ si tanta extitissent, vt ea nec remunerando illustrare, nec ferendo animus meus capere vñquam potuisset: debebas tamen pro tua sapientia iudicare, nullam esse gratiam tantam, pro quæ se homo liberalis & ingenuus, qualem me & esse & nominari volo, in seruitutem abduci patiatur. At collocantem beneficia amicum non pescatorē oportet esse, ne non tam bene mereri, quam foenus ad mensam exercere videatur. Ac ne forte existimes nos aliqua ægritudine aut dolore animi, his de rebus tecum agere, sic statuo, non tam de nobis ipsis, quam de viri boni officio & decoro disputasse. Quid enim magis viro forti & sapienti contendendum est, quam vt in omnibus vitæ actionibus in seipso omnem spem reponat sui, & ea gerat, quæ si non multitudinis approbatione, at certè honestatis præsidio sese ipsa tueantur. Nam si in suscipiendis actionibus à virtute ad alium scopum acies oculorum reflectenda est, si honesti forma non satisfacit, si aliis finis præter dignitatem queritur, tamen

„ men & illud reliquum est, Præstantibus & ma-
„ gnis viris contra populi opinationem semper
„ nitendum esse. Quod enim præclarum est, ex se
„ certè præclarum est, etiam si in vulgus non probe-
„ tur. Quòd si quis est tam mirificè egregius &
„ sapiens, ut ea præstare possit, non valde opinor
„ laborabit num consilio & voluntate sua homi-
„ num cupidorum studiis sit defuturus. Hactenus
„ enim amicis & necessariis obsequendum esse
„ puto, quoad eius fieri per dignitatem & officium
„ potest, in cæteris amicitiam & benevolentiam
„ colas. Neque verò viris, quem sapientem nomi-
„ namus, ad cuiusquā de se bene meriti sensum ap-
„ plicabit voluntatem suam, neque in his offi-
„ cium suum desiderari grauatè patietur, quæ si-
„ ne damno existimationis suæ non queunt expli-
„ cari. Quid enim per Dei immortalis fidem, in
„ hominē, bene informata voluntate præstantius?
„ quid libertate animi melius? quid hominis ex-
„ cellentiæ accommodatius? Non igitur aurum
„ habere, non diutiis & clientelis præstare, non
„ in purpura gemmisque conspicere gloriosum est:
„ sed habet mirationē in mediocri fortuna, tā elato
„ & magno animo esse, ut non tantū aurū & diuitias
„ aspernemur, sed iis qui ea possident dignitate, no-
„ mine, libertate, vita denique videamur anteire. In
„ quo igitur M. Cicero Publio Crasso inferior. An
„ quòd ab eo longè pecunia superaretur. O animos
„ nostros nunquā fortunatos, si ex eo quod quisque
„ possidet dignitas hominis æstimetur. Tibi ergo
„ cum sit exploratū, nihil vel diuinius, vel excellen-
„ tius

tiis à Deo immortali hominibus datum esse ipso
animo, qui viget, qui sentit, qui discernit, qui ante-
cessiones réplicat, qui consequentia prouidet,
qui deniq; res præsentes admirabili cōfilio mode-
ratur, ipse cōmittes vt nihil inter hominē & qua-
drupedē interessē videatur? Egone homini quòd
diues est de via decedam? Ego illum propter opes
amplissimas valere iubeam? ego me ei ad placen-
dum accommodabo? sic me denique ipse compo-
nam, vt illius fortuna & res domestica plus apud
me authoritatis & ponderis, quām eius ratio &
mens habitura sit? Nam si mediocri homini qui
virtute & reliquis animi bonis cum diuite com-
parandus est, id ego iudicij non sim delatus, at
hoc diuiti tribuā, videor sanè id honoris & studij
non illius animo (qui tamen in homine princeps
est) sed fortunæ & purpuræ præstissem: eoq; genere
pluris opes & tecta laqueata, quām hominem
qui ea tenet aestimare. Sed nesciunt homines in
eo illudi præstantiam animi sui. Ego verò quæ-
cunque res euentura est, non adducar, vt ea vel
probem vel admirer: Nam in quo elaborauer-
runt curæ & cogitationes meæ, quid ego vñ
rerum & cognitione mihi ipse attuli, vt id expe-
tendū iudicaré, quod non esset perpetuum. Quæ
sunt igitur illa quæ appellas bona? clientelę, amici,
opes, dignitates: at illa nō improbo: sed non tā me
abiiciā & prosternā, vt illi me postponam, qui nos
hac vna re antecedat. In quo ego prudentiam tuā
desyderare soleo, qui præstantissimum illud di-
gnitatis & animi elati decus quasi cum conuitio
nobis

nobis inuidisti. Quòd si me virum bonum, si ciué,
si liberum existimas, desine ista auribus nostris in-
culcare, quæ nemo sapiens vnquam comproba-
uit: neque in eo mihi sis molestus, quod ut cuique
saluum esset & integrum, Dei optimi maximi cō-
filio & decreto perfectum est. Quòd autem ad no-
men illud tuum, habebis debitorē nihil mo-
rātem, & si voles etiam cū vſura: quod
cūm dissoluero, alios tibi quāres
qui & mores tuos & tā in-
solentē licentiā ani-
mo moderatio
re sint la-
turi.



In statuam dæ Viriplacæ.

Concordiam in matrimonio colendam.



Quæ dea, quæ nostris etiā nunc visiūr āris?
 Quant in corde fides, quātus in ore decor?
 Hæc inimicitias, genialisq; intima lecti-
 Iurgia, ceniugibus ponere diua iube.
 Tu cui gratus hymen, cui vinclia iugalia cura,
 Hanc cole, connubium sol. abeare potest.



VIRIPLACAE deæ (quòd coniugibus inter
 sese conciliandi p̄cessere crederetur) statuam
 Romani posuerunt: cuius tantum apud illos va-
 luit religio, vt quoties aliqua domi inter maritū
 & vxorem odia intercessissent, die ex conuentio-
 tione dicta vterque ad illius statuam se velut exva-
 dimonio sisteret, & ciuilis dissensionis causas re-
 citaret: quibus peroratis, simultate vltro citro-
 que deposita, quasi per Patrem patratum nouum
 „ fœdus inibatur. Ac profecto coniuges in matri-
 „ monio concordia potius, quam subsidiis pecunia
 „ rum septos oportet esse, quæ si pie & sancte ab eis
 „ colitur, diuinum quiddam adfert inter ipsos. Quòd
 Romanos spectasse non absurdum fuerit iudica-
 re, qui ad retinendam in matrimonio beneuelen-
 tiā, conciliandāsque nuptias authores deos cita-
 uerunt. Quam rem etiam ad Iunonis prouiden-
 tiā pertinere existimauerunt, vt non prius in ma-
 trimonium conuenirent, quām illi diuinos hono-
 res peregissent. Extipices vero quibus cum immo-
 latorum fissis omnis versabatur cura, de victima
 fel extrahebant, vt ea notatione omnibus perspe-
 ctum esset, coniugium ipsum felis & iracundiæ
 expers esse debere. Nam si à natura hominibus tri-
 butum est, vt se vitam corpusque ueantur: eadem
 opinor tutela idemquæ studium coniugibus in-
 ter seipsoſ p̄scribitur, q̄tios tanto vinculo colli-
 gauit Deus, vt ynum idemquæ corpus efficerent.
 Quòd si quis malè vxori suæ euenire cupit, tam
 certè

certè naturæ ipsi pugnasse sit existimandus, quām si ipse sibi bellum indixerit. Et quamuis temporibus Mosis, cui à Domino legis perscriptio data est, temporum & populorum cupiditatibus fit permisum, vt coniuges à seipsis diuerterent, & res sibi suas haberent: tantum tamen licentiæ genus ve-
lut dignitati Christianorum minimè consentaneū Christus antiquauit, hancque cautionem lege est cōplexus, vt nisi ex causa fornicationis diuortium celebraret nemo. Propius est enim, vt quæ scelere suo ius illud sacrosanctū hospitij & societatis vio-
lauit, tantæ cōmunitatis beneficio priuētur. Arte-
misia quidem apud Cares Mausolū coniugē eo af-
fectu & obseruantia coluit, vt ad incredibilem il-
lum amorem nihil adiungi posse facile omnes iu-
dicarent. Quo deinde mortuo, tantū ad illā volū-
tatem accessit, vt antea dilexisse solum, tunc ve-
rō amare videretur. Nam cum moderatè defyde-
rium mortui ferre non posset, hac vna leuatione
se dolorem, si non abstergere, at certe lenire posse
credidit, si mariti cineres absorberet, & illi in cor-
pore suo monumentum extrueret. Præclara cer-
tè illa erga coniugem significatio amicitiæ, quæ
etiam post aras viuit. Et Cn. Pompeij vxor, cum
mariti vestē sanguine conspersam ē foro domū re-
latā vidisset de salute illius vehemēter cōmota re-
pente exanimata ēst: quo in casu certissima be-
nevolentiæ muliebris signa apparuerunt. Tanta
est enim plerunq; inter coniuges suauitas, vt si for-
sitan vinculum illud, naturæ necessitas dissol-
uerit, vnuisque ex illis vita sit perfunctus,

Q ij

qui superstes est , non nisi inuitus amoenissimam
hanc lucem possit aspicere , & æqualium consue-
tudinem , congressumque hominum , vitam deni-
que sibi acerbam putet . Quæ si vniuersi in vita si-
bi tuenda esse proponerent , nō tātæ mediusfidiis
fordes , non veneficia , non adulteria in laribus & fo-
cis versarentur . Quia verò in collocandis filiabus
Themistoclis sententia minime probatur nobis ,
longèque antiquius esse iudicamus , pecuniam si-
ne viro habere , quām virum sine pecunia : videatur
certè quodammodo de lucro accidisse , si quod ma-
trimonium apud nos ira vacet . Nam vt æqualitas
plurimum ad benevolentiam momenti habet , ita
certe nihil est ad malevolentiam accommodatius
quām animorum fortunarumque dissimilitudo .
Quærit adolescens mulierem cui amplæ sint facul-
tates domi , neque ei omnino curæ est , si forte illa
multùm ætate processerit : vnde efficitur vt qui æ-
tate & opibus inter se sunt dissimillimi , etiam vi-
ta & opinionibus plurimum discrepent . Iubet Ari-
stoteles Hesiodum secutus , vt virgines ducamus ,
quòd facilè ad voluntatem nostram deduci pos-
sint . Nam vt canē vetulum ægrè ad lora condoce-
ficeris : ita iam natu grandes mulieres , maximè si
in aliorum manum aliquando conuenerint , quo
cunque duces difficilius sequentur . Bene igitur
Thales Milesius pares paribus connubio iungi de-
bere existimauit , vt ea concordia , qua ferme vna
matrimonium constat , morum similitudine reti-
neri posset .

In her-



In herbam Moly, ex Homero.

Magnæ res sine magnis periculis nō fiunt.



En tibi Maonij variis suauissima Moly,
Ostendit vitæ fata, decusque tuae.
Lacteus est illi floris color, airaque radix,
Exoriūque nigro palme lactis honos.
Quid speras magnis rerum successibus riti,
Qui renuncias oculos longe ab agene tuos?
An tibi Idumææ cedent sine puluere palmae?
Proxima quærendus dania triuphus habet.

Q. iii

NARRATIO PHILOSOPHICA.

MOLY herbam magnis rebus efficiendis noblem mirabiliter Homerus versibus suis honorauit. Nam illius inuentum diis immortalibus attribuens eam à Mercurio ex terra euulsam. Vlys sique trāditam esse ait, vt is inter Circes yeneficia securus versaretur,

PΙΘΥ μέρ μέλ χρέσαι γάλαντι άτε είκελορ ἄρθος.
 Radice, inquit, nigra est, sed lacti flos simillimus.
 Quare vniuersæ hominum vitæ concursationes & studia scientissimè complexus est. Nam in rebus aggrediendis ita natura adfert, vt radices nigrae sint & obscuræ, principiaque ipsa molestiarum plena: multiq; homines inuenti sunt, qui difficultate deterriti in cursu restiterunt. Cùm verò paulum ultra radicem res ipsa processerit, mirabiles gloriæ fructus consequuntur. Iam res magnas & memorabiles gerere gloriosum est, sed tamen nō sine magno fortunarum & vitæ discrimine res tantæ perfici possunt. Darius quidem eo prælio quo apud Issum ab Alexandro Magno supératus est, in concione apud milites suos dixisse fertur,
R E S M A G N A S fine magnis periculis non geri.
 Nam & multi exercitus eo profecti esse prædicantur, vnde se nunquam reddituros confiderent. Tanta est enim in maximis animis incitatio, tantumque pugnandi studium, vt victoriæ laudem facile omnibus periculis anteponant,

veri

Veritas in puteum demersa.

Ex Democrito.



*Quia toties puto ei fundo versari si in uno,
Ut verum ignotis prodeat è latebris,
Desine, frustrai sunt hæc monumenta laboris:
Quidnam illi & nobis sœderis esse potest?*

Q. iiiij



NARRATIO PHILOSOPHICA.

MIRETVR sanè aliquis, cur cum in peruestigatione veritatis tot tantorumque hominum etates sint confectæ, hodiéque reperiantur proprie innumerabiles, qui in ea se versari dicant impensis: Democritus autem eam ab hominibus secessionem fecisse, & in intimis putei cuiusdam latere opinetur, neque illi nobiscum aliquod esse commercium. An quod simul atque in lucem suscepimus, in tanto vulgi errore versamur, ut ea veritatis & virtutis præsidia, quæ omni studio tuerenda nobis natura ipsa commendarat, opinionum prauitate deleantur? An quod iis opinionum fluctibus obruimur, ut in nobis naturæ lumen obscuratur, vanitatiique veritas, & confirmatae opinio- ni virtus concedat? An quod animus ipse in homine princeps, à corporatis voluptatibus tanquam à barbaris captus, laribus sepulchrisque auitis non inuitus caret, neque ad præclaram illam virtutis ciuitatem postliminio redire cupit? An quod in præstantibus & summis animis fere usu-venit, ut inter se dissentendi studio summopere teneantur: magisque in scientiis pertractandis domestica gloria, quam ipsa luce veritatis capiantur, eaq; sola probent, quæ ipsi secum domi fuerint meditati? An quod eam quamprimum animo expressemus opinionem, nunquam deponimus, diutissimeq; nos noster delestat error? An quod nihil homini melius, nihil præstantius imperiis & populi gloria iudicamus, & adumbratae laudis imaginem speciem illam honesti contegimus: ut plerunque

que in optimis actionibus potius magistrum populum & ad vitia consentientem multitudinem, quām sapientiam sequamur? qua tamen nihil homini à Deo optimo maximo excellentius tributū est. An quòd tanta habendi cupiditate cōficiamur, vt sine pecunia nullam vitam esse existimemus, & præstantissima illa animi bona tantum expetenda iudicemus, quantum amplificatio patrimonij, & rerum subsidia pati possunt? Socrates quidem, qui primus à rebus occultis, in quibus omnibus philosophi ante eum occupati fuerant, philosophiam auocauit, ea re se ab Apolline omnium sapientissimum dictum esse iudicabat, quòd se nihil omnino scire palam profiteretur, eamque se "putare summam sapientiam, non arbitrari se scire, " quod nescias. Quæ sententia cùm altius animis " eorum infedisset qui illius fuerunt discipuli, prodierunt Academicī noui, qui nihil certo sciri cōstanter affirmarent, verique rationes velut ab affectione cohíberent. Qui quanquam (vt ex eorum sermonibus & vita constare potest) magis veritatis perquirendæ defyderio, quām aliqua animi ægritudine de rebus omnibus disputarent: hoc tamen potissimum disciplinæ suæ caput effecerunt, vt ab omnibus rebus velut incognitis iudicium suspenderent. Nobis verò quorum variè perturbantur animi, quid efficiendum erit cumulatius, quām vt nunquam incerta pro certis habeamus: caque sit nostra in omnibus sermonibus moderationis, vt nisi consultò de re aliqua nunquam iudicemus. Ac quocunque te animo & cogitatione con-

Q v

uerteris, quid nisi lubricum aut sui parum simile
 in hominibus nostris reperias? Nam vt ius ciuile
 cæterasque artes, quæ maximè opinionibus con-
 tinentur, omittamus, quot quæso inter nos degūt
 dispares dissentientium hominum familiæ, quæ
 de religione aliter atque aliter sentiunt? Neque
 temerè aliquis quicquam probat, nisi quod sibi
 cum cæteris non est commune. Quòd si nos simi-
 litudine sententiarum Deus colligasset, & ea quæ
 variè in animis hominum prosemnata sunt, ad
 idē vinculū, cōsensumque reuocasset (quod omni-
 no nō despero) facile ex Democriti puto emergēs
 veritas, quæ nonnullis obscurior videtur esse, in
 „ luce omnium versaretur. Et quanquam ita res sint
 „ affectæ, vt plus vno verum esse non possit, nullum
 tamen ex illis qui à seipsis dissentient reperias,
 qui non opinationem suam in veritate sitam esse
 arbitretur. Vnde fit vt quemadmodum in omni-
 bus rebus, tum certè maximè in religione pericu-
 losæ sint dissimilitudines animorum: quas qui to-
 lerat, perniciosum quiddam inducit in Ecclesiam,
 confusionem videlicet & varietatem. In quo
 minus forsan sit ignoscendum iis, qui
 incredibilē apud omnes Reip. cō-
 stituendæ spē sustinēt: quo-
 rū tamen negligentia
 totius religionis
 seminaria pla-
 nè occi-
 derūt.

*In resupinos.
Ex Africano.*



Si sompes celebri forsan qui vicit Olympos,
Ducitur insuetacredulitate sui,
Nec patitur dulces proprij sessoris habenas,
Sed fræna indomito discutit apta iugo.
Hunc exultantem domitori trademagistro,
Ut discat solitis currere carceribus.
Qui tollis cristas, vel usque elate secundis,
Cerne inconstantis tela purata deæ,
Et te ad solius virtutis confer habenas,
In qua vera animi dicitur esse quies.


NARRATIO PHILOSOPHICA.

P. Africanum dicere solitum refert Panætius, qui illius equalis erat, equos triumphorum & victoriarum opinione plus æquō ferocientes, dominitoribus tradi debere, ut illis facilioribus sessores vti possint: ita homines rebus secundis & externarum rerum subsidiis nimium sibi præfidentes, ad gyrum rationis & consilij deducendos esse, ut aliquando fortunæ inconstantiam & humanæ naturæ imbecillitatem possint perspicere. Quibus enim fortuna paulo liberalior in votis est, iis certe euentorum ratio non nisi obscura esse potest. Quorum autem variis procellis & fluctibus vita iactata est, iis facilis est omnis euentus. Seianum consularem hominem memoriæ proditum est, tanta apud Tiberium Cæsarem gratia valuisse, vt vniuersa penè respublica in eius temperatione sita esset. Is in rebus tam prosperis nihil sibi deesse posse existimabat, quod ad bene & feliciter viuedum faceret. Sed tamen quia plerunque euenit, vt qui florentissimis suis rebus lubentes desipiūt, si quid aduersi contigerit seipso facile recolligant, subita quadam tempestate omnes eius spes & expectationes conciderunt. Nam & de repetundis rebus actus pœnas ambitionis dedit, & omnium ordinum sententiis damnatus est. Iam verò eiuscemoedi hominum plena est ætas nostra, quorum tam ambitionis labore vita distracta est, vt in fortuna sola suspensas habeant rationes suas: neque quicquam aut expetant aut admirantur, nisi quod imperitæ multitudinis approbationem moueat. His

idem

idem propositum est quod Cyrenaicis, vt in eo vita genere felicitatem statuerent, quod in dignitatibus obeundis, & tenendo concionibus populo maximè accommodatum esset. Qui si ad eos magistratus, quos assidua concursatione prensabant, sint electi, videoas homines tam parū ex sese aptos esse, vt illa honorum accessione se fibi immutatos putent, nefasque esse existiment, eos in amicitia & fide retinere, quibuscum ante processum dignitatis coniunctissimè vixerant. Miserrima certè hominum conditio solūm ea probantium, quæ nemō sapiens vñquam expetuit. Tanti verò faciunt ex plebe ad patritios transiisse, vt ea omnia, in quibus antea & multi & prolixī fuerant, infra se posita, & dignitati nouæ minimè consentanea esse putent. Si forsitan iis assurgere & quasi de via decedere, à quibus eodem honore prouocabantur, humanum esse iudicauerant, nunc quasi in deorū immortalium album cooptati, salutantibus eundem honorem impertiri, & graue, & à sua dignitate alienum esse arbitrantur. Viam ingressi integrum sibi persuadebant hac & illac oculos deflectere, nunc quasi aliquid supra mortalitatem omnem adepti tam se insolenter gerūt, vt in aliquem oculos cum amoris testificatione cōiicere habeat peccati loco. Vno se digito scalpunt, vt illa nota à reliquo vulgo separentur. Non enim decet eos qui in populo principatum habent, aliqua morum & sententiarum similitudine ad populum pertinere. Inepti sanè homines, à quibus quod in animis nostris elucescit maximè adumbratæ gloriæ forma penit


penitus obscuratur. Neque verò ij sunt, qui qui
sint, nesciamus, quique non pluris ornamenta
præclarissimæ virtutis, quām illorū Appianitatē
aut Lētulitatem vllam æstimemus. Potest verò ali-
quis esse tā omnis disciplinæ rūdis, qui istas
ineptias aliquid ad hominis splendo-
rem & gloriam adiungere sibi
persuadeat? Quæ si nōnul-
lis probentur, sic ta-
mē statuo, ea ex
doctis pro-
baturum
nemi-
nē.






In immortalitatem litium.

Ex Hieroglyphicis Ægyptiorum.



*Voluitur in se, rursusque reuertitur ad se
Serpens, nec finis flexibus esse potest.
Hac species expressa fori est, hæc forma senatus,
Dum nequit heus minimis litibus esse modus.
Quimque putas finem tantis instare querelis,
Auditur tibi lis, quæ fuit vna, duplex.*



NARRATIO PHILOSOPHICA.

VI DE A T V R forsitan à pietate quavnusquisque nostrum erga antiquitatem affectus esse debet, alienum, ea quæ nobis hieroglyphicis suis veteres Ægyptij prodiderunt, ab institutis patriæ ad consuetudinem moremque nostrum traducere. In quo etsi illi nobis magnopere laudentur, qui ista præclara primùm pepererunt, non erunt tamen opinor improbandi, qui res absconditas & arcanas ad naturam & sensus retulerint. Nam Ægyptij & qui ad idem littus pertinent Phœnices, omnium mortalium primi res occultissimas ad studium & puluerem perduxerunt. quos cùm in rebus tantis pertractandis ea literarum instrumēta deficerent, quæ postea temporum beneficio hominibus donata, & multarum gentium inuentis consecrata ad posteros peruenierūt, iij notas quasdam, & simulachra dicuntur inuenisse, quibus ea quæ diuturna rerum notatione effecerant, memoriæ sempiternæ commendarent. Quia autem de anno & eius partibus apud eos mentio incidebat frequēs, bellissimè annū designari posse iudicarūt, si serpens mordicus caudā tenens oculis subiicere tur. Ut enim serpens hoc modo expressus tam se in orbem componit, vt in ea figura neque principium neque finem reperias: ita cum sol trecentis sexaginta quinque diebus & sex horis cursum suum confecerit, tanta celeritate ad alterius anni spatia & anfractus reuertitur, vt neque prioris exitum, neque nascentis initia facilè possis agnoscere. Quin & ea figura, vt ex Ori Apollinis Hie-

: rogly

roglyphicis appareat , mundum & vniuersum hoc designat,& nonnulla alia, quæ idem author libro suo persecutus est. Quæ minus forsan nobis sunt necessaria , apud quæ multarum linguarum characteres in consuetudinem , & familiaritatem venerunt. Propius igitur ad temporum disciplinam videtur esse, vetus illud Ægyptiorum simulachru ad subsellia forensesque controuersias deducere, eoque genere iudiciorum infinitu & litiu æternitates adumbrare. Si enim ita tuæ rationes ferunt, vt cum aliquo actione vel sacramento contendas, aut certè ferò reum tuum iudicatu facies : aut si qua te fortuna ad id beneficij genus adduxerit, rei primùm iudicatæ & decisæ, nouæ aliæ lites velut posthumæ agnascuntur. In causa hæc sunt: iudicium remissio & negligentia: dum non nisi translatiue & perfunctoriè munus suum exequuntur: & auaritiæ lues, quæ homines nostros in præstantissimis honoribus cum dignitate versari non cōcedit. Quid igitur nos de illis sperare oportebit, quibus cùm longo vsu temporum abundè sit perspectum , tot imminentium causarum fluctibus facile se non posse satis,nolunt tamē æquo animo pati, alias in eundem ordinem allegi , qui in eodē equo inclusi, & publicis malis medeantur, & causas quascunque anno uno vel altero possint concludere. Ac profecto qui sua non populi causa ad magistratus accedunt , dum à se dies tanquam à Chaldæis peti, & totius ciuitatis commoda domū inferri volunt, quamuis soli restantas & tam immensas sustinere nequeant , parum tamen mode-

R

ratè ferunt in idem munus alios conscribi , quo-
rum societate omnia negotia maturimè expli-
centur. Mihi certè ij grauissimè offendunt, qui
cùm certò intelligent nisi sex aut decē annis clien-
tes iudicatos sententiis suis dimitti posse, non ta-
men sibi conuentum alium dari postulant. Parum „
enim Christianum est,iustitiam quam iura omnia „
liberaliter & in procinctu reddi voluerunt „ his „
apud nos in angustiis esse vt neque gratis , neque „
pecunia,neque labore tibi eam parare pos- „
sis.Sed tamē & hoc in illis hominibus
ferendum est,qui in dignitatibus
renuntiati,magis sua,quām
ciuium causa
laborant.



In morem Licedemoniorum.

Contra mulierum licentiam.



Qui Lacedemonias cernis sine veste puellis,
 Certa illibata signa pudicitiae:
 Tectaque matronae diffusis oratiaris,
 An potes his tenebris Cintibus esse mihi?
 Si qua suo mulier iam de sponsata marito est,
 Tunc sola incipiat tectoris esse domi.
 Sed virgo optatis non dum coniuncta Hymenais,
 Quinque nimis seri coniugis vrit amor:
 Prodeat in vulgus, vului speciosa nitenti,
 Ut properet subigore reddere vota Deo.

NARRATIO PHILOSOPHICÆ.

APUD Lacedæmonios moris fuit, ut puellæ quæ nondum in manum viri conuenissent, aperto capite & minimè velata facie in publicum prodirent: quæ autem viris nuptum essent traditæ, nunquam prius nisi fasciis aduerso vultu conteatæ de domo procederent. Quod forsitan in prudenterissima ciuitate non alia de causa receptum esse iudicare possumus, quam ut vtrunque fœminarum genus diligentius eas partes tueretur, quas si bi vel voluntas vel fortuna tribuisset. Neque enim ab institutis felicissimæ reipublicæ alienum esse putem, puellas in luce ciuitatis versari, & ab iis ipsis prospici, qui ex gestu & venustate corporis etiā animi periculum facientes, ad honestas nuptias saepissimè faciliores esse possunt. Etsi enim non omnes Zopiri sunt, tamen in humano vultu nescio quid natura indidit, ex cuius longa notatione de moribus iudicium esse possit. Et plerunque nonnulla sunt in virgine corporis vitia, quæ ne ipso quidem nuptiarum die maritis animaduersa sunt: quo in genere non fortasse illos euentus fecellisset, si puella ex umbraculis suis aliquando in solem prodicisset. Præterea quia ætas illa vel ipsa natura à labore ad solatia & otium est proclivis, benignè in eam constituendum est, neque omnino vitio vertendum, si ei permittatur aliqua sodalitatum & colloquiorum usura perfungi, & eiusmodi leuatione diuturnum futuri mariti defuderū sarcire. Et si enim nulla maior homini pestis impendet quam ab homine, nihil tamen magis ad morū probi

probitatem & honesti actiones valet , quām hominum consuetudo bonorum:quæ opinor pueris non sit prohibenda, si modo ea sicut somno & cæteris quietibus,cùm scilicet rebus necessariis satis fecerint , vtantur. Vnde fit vt vsu eorum quibuscum vixerint instructissimæ , sint maritis suis & ad animi voluptatem chariores , & ad res gerendas aptiores. Quæ si omnino se maritis elocauerint , non sit illis condonandum , si tantum sibi in matrimonio licere velint, quantum ante à optimo iure sumpferant. Quid enim ei quæ se ad viri nuptias & voluntatem contulit aliud in posterum contendendum est , quām vt eius moribus inseruiat,cui se Deo optimo maximo authore , & hominibus laudantibus æterno vinculo colligauit? Quid denique tantum voluptatis & iucunditatis ei quæ virum duxit externa afferre possunt , quæ non domesticis oblectamentis,& priuato otio factillimè compensentur? Itaque non sine causa laudatur ille, qui non alio nomine vxori libellum respondij dedit , quām quòd ea minimè velata in publicum prodijisset. quod etsi paulò seuerius non nullis videatur, admonendæ sunt tamen mulieres, vt nunquam à domo & maritis suis oculos deiciat:& omnino persuasum habeant, se maritis non tantum noctes, sed etiam dies debere. Et sanè quām bellissimè Cæsar Dictator:qui vxorē suā non tantum criminē, sed & omni criminis suspicione vacare voluit. Nam licet ex veterum sententia cum bonis bene agere oportet, & hominis sapientis est non leuiter in sceleris suspicionem venire:fit ta-

men nescio quo pacto ; vt ea quæ conuentus hominum & consortia tantopere appetit , etiam à viris bonis in discrimen famæ subitò depositatur . Quid enim tantum mulieri coniugatæ cum Prælatis , iisque qui rem possident , negotij est , cuius non maritus , iustus arbiter & disceptator locuples esse possit ? Quòd si id illi à marito concedatur , defino : quidam enim tam à natura viri boni facti sunt , vt nihil habere velint , quod non illis cū cæteris commune sit . plusquam Pythagorei opinor , qui nō tantum amicis omnia debere ve-
lint , sed etiam iis libenter de suo lar-
giantur , quibuscum nulla amicitia
& pietate deuincti sunt : libe-
ralisq; animi est & sibi &
vxori amicissimos pa-
ri officiorū ra-
tione de-
mere-
ri.



Ad statuam Arimaspi.

In sordidè & per gratiam iudicantes.



Riphæos linquens, bariſſima limina, montes,
 Tractat Hyperboreus Gallicaiura ſenex:
 Et ſedet in roſtris, oculūmque in fronte locatum
 Litibus in noſtris iudicat eſſe ſatis.
Quos habet attonitos vniuers gratia partis,
 Alierius calant dum benefactarei,
 Et totos vniſe dehouere clienti,
 Hos perhibent uno dicere ius oculo:

R iiiij



NARRATIO PHILOSOPHICA.

MI RETVR non iniustè quispiam tā res alias populum agere, vt apud nos Arimaspis pos- sit esse in subselliis, & iudicando locus. Quod etsi à cultu & humanitate prouincie videatur alienum, magis tamen sit mirandum, eorum temperatio- ne vniuersum Reipu. corpus cōtineri. Quid enim tā contra temporum omniū disciplinā esse potest, quām eos ex decreto cæteris duces dari, à quibus & itinerum notitia, & oculorum acie lōgo inter- uallo superentur? Nam neque cum ratione fit, illos qui ea infirmitate sunt, vt aliis præeuntibus subse- qui debeant, eum locum in procedendo tenere, qui & princeps & primus est. Neque verò tanta nobis cum natura dimicatio est, vt ea quā velut cum lacte nutricis expresserimus, improbemus. Sed tamen dolendum est in eo nonnullos tam stu- diosè occupari, vt se maximum fructum capere existiment, si ad eas calamitates quas homi- nibus natura afferre solet, alias adiunxerint. Nam neque cum corporibus omnino decerta- mus: at in illis hominibus non sit ferendum, qui animum suum immortalitate & tantarū rerum notitia præstantem, altero oculo priuaue- rent. Et sapienter apud omnes opinor populos sta- tutum est, vt non prius iudices de causa constitue- rent, quām die dicta, litigantibus pro se agendi potestas facta esset. Cuius æquitatis tanta est in iure ciuili religio, vt ea(ex Iurisconsultorum sententia) etiam principali authoritate non pos- sit antiquari. Qui autem vnam in partem decum- bunt

bunt,& ab alia se voluntate auocant, perinde certè mihi videntur agere, atque si ea parte cuius utilitates & iura deserunt, minime ad iudicium euocata in causa perorarent. Hos nō eluscatos vt aliās non oculis vt sēpe, sed mēte captos saluis legibus appellemus. Quibus enim æquitatis,iustitiae, fortitudinis & constantiae partes ex Senatusconsulto vel principum placitis attributæ sunt, ij omnibus bonis despere videantur, si iustitia in iustitiae, animi magnitudinem auaritiae & folidibus committarint. Vx (inquit Esaias) vobis, qui statuitis lucem tenebras, & tenebras lucem. Quò proximè eos pertinere non iniuria aliquis existimare possit, qui in controversiis decidendis æquitatem ad fordes, iustitiae momenta ad benevolentiam aut odium solent traducere. Iam non est consentaneum , vt qui in publica administratione degunt, priuatas amicitias curent . Quid enim singulorum cognitioni & affinitati cum republica commune est ? An verò existimant se in tantum ordinem lectos esse, vt familiæ suæ negotia procurent? An tanta pecunia sibi aditum ad dignitates illas parauerunt, vt amicos quorum res commodissimè priuati peragebant, opibus suis & gratia sustentent? An se maximis honoribus beneficio principum ornatos esse putant, vt domestica incrementa quieti popularium & communibus studiis anteponant? An vt ea sacerdotia de quibus iam à litigantibus aditi sunt, tacitis concursationibus filiis suis stipulenter? An vt gratosorum authoritate & diuitum pecunia religionem suam expugnari patientur,

eosque quibuscum nulla officiorum aut sanguinis ratione coniuncti sunt , sententiarū laqueis irretiant? Tales certè qui sunt , magnam sui rationē habuisse dicerentur, si priuati procul à rerum gubernaculis domi quiescerent, neque omnino républicam attingerent, quam domus suæ clientelis & affinitatibus non desinunt perturbare . Qui enim tā sunt in amicos & necessarios à natura officiosi, vt omnia pro illis non dubitanter suscipiant, errant nō mediocriter, mea quidem sententia,
 si se magistratus & ea dignitate homines esse velint, apud quos nō potest esse aliquis cognationi & amicitiæ locus.



Vulgatum de Opilione.

Moderatio in subditos .



Cui dedit vphilio simas tondere capellas:
Ab cruciat miseris terga cruenta modis.
Quem tenet Herculei mœstum præstatio voti,
Inq, uno duplex iugere munus obit:
Parvo multa querens instare tributa nouali,
Sæpe graue immenso deserit ære solum.


NARRATIO PHILOSOPHICA.

NI H I L his hominibus infestius opinor dici-
tur, qui eos magistratus, in quibus pietatis &
omnium officiorum seminaria apparere possunt,
consecuti, tamen ita in illis degunt, ut non tantum
nulli prodesse velint, sed etiam eos offendant quo-
rum studiis & utilitati obsequi debuissent. Quæ
res eò videatur indignior, quod præclara illa vir-
tutis ornamenta ad virtutem labefactandā confe-
runt, & in conuellenda honestate illam ipsam cui
pugnant, adhibent honestatem. Quid enim res ur-
banas aut bellicas gerentibus accommodatius es-
se possit, quid illorum dignitati cōsentaneum ma-
gis, quam populum omni meritorū ratione (quo
ad eius fieri per honorem potest) demereret? Quid
porrò eis magis necessarium, quam ciues cæde, in
fidiis, concussione & vi armata liberare? Quid
cum illorum administratione coniunctius, quam
ius vnicuique tribuere, & perditorum ciuium co-
natus nefarios à bonorum ceruicibus depellere?
Hæc certè & alia honoribus illis tam sunt cognata,
vt ab eis neque re, neque cogitatione separari
possint. Qui autem dignitatem res tantas & tam
præclaras efficientem ad ciuium perniciem con-
uertunt, qui prouincias spoliant, qui testamenta
diuitum aut expectant, aut supponunt certè, qui
omnia habent vænalia, decretum, sententiam, fo-
rum, domum, vocem, suffragium atque adeo silē-
tiū, qui seruotum dimissiones faciunt ad diri-
piendas villas, qui vicinos sedibus expellunt, qui
recuperatores nocentibus reis pecunia proscribūt
qui

qui accusatoribus pecuniosis quæsitores ad iudicij corruptelā vendunt, qui pro vno vel altero cliēte litem suam faciunt, qui iudiciorum aditum iis à quibus nihil acceperint, intercludunt, qui ab oppi danis suis maiorum fundos & familiaria sepulchra violenta pactione emunt, qui denique nihil agunt aliud quām vt rem suam efficiant pleniorē: hos profecto nemo in officio suo esse existimauerit. Et quemadmodum multa sunt vitia quæ virtutem ipsam proximè imitantur: ita & nonnulli sunt, qui cum se bene & fortiter in magistratu gerere videantur, tum demum grauius peccent. Horum plena est ètas nostra, qui simulatione probitatis aliquos in vita discrimen & accusationem vocant. dumque foris acerrimi publicorum commodorum propugnatores videri volunt, intus tamen ita se res habet, vt omnibus facile constet eos non cum hominis salute, sed cum fortunis & pecunia bellum suscepisse. Sed tamen in tanta oppresſæ virtutis & innocentiae calamitate, nihil est cur non eos potius qui ista agunt, quām qui hæc patiuntur, miseros esse putem. Nam qui falso nomine apud iudices rei deferuntur, habent certè & hoc cum Christo & Apostolis commune: qui autem publicè ad innocentium cladem, & bonorum perniciem operas suas locant, quique quos collatis signis, & (vt aiūt) aperto Marte opprimere nequeūt sentent iis suis intercipiendos esse censem, tantum conscientia perturbantur sua, vt semper pœnam ante oculos versari putent: & dies noctesque crucientur. Nam & Dionysius Syracusanus rebus suis

floren

florentissimis & tanta imperij gloria , ne quidem
se fortunatum prædicabat : quod illi ut furiæ , sic
sua occurrerent malefacta, quæ illum etiam in tā-
tis opibus tutò respirare non sinerent . Si autem in
turpissimis illis flagitiis hac vna re se sustentant ,
quod bene curati in vulgo apparent , multo auro ,
multis gemmis , non habent illa , mea quidem sen-
tentia , tantum apud Christum & sequaces suos au-
thoritatis , vt non baiulos & ex vltima fece-
plebis homines , adde etiam ex Chri-
sti sententia meretrices , hisce
leuiculis & impotentibus
præstare iudi-
cemus .



*Appij infamia.**In constuprata iudicia.*

Virginiae parat insidias & retia tendit
 Appius, & veneri ponitur urna suæ.
 Sit manibus truncus index, sit lumine caput,
 Qui volet in nostro dicere iura foro.
 Qui potes æquali causas tractare lapillo,
 Actoris coniux si sit amicatib?

NON N V L L I sunt qui errore suo & peccandi licentia tam impensè delectantur, vt eorū animus in præclarissimis dignitatibus obeundis nō tantùm cupiditate & auaritia nō expleripossit, sed etiam gradū illum suū stupri & libidinis accessione audeant funestare. Et quemadmodum Appius decemuir, quam priuatis pollicitationibus, & occulta largitione expugnare non potuit, eam sententiæ suæ & iuris constituti vinculis irretire conatus est: ita homines impuri à qua in amori bus bene sunt accepti, vel si hoc sibi præstitum iri non desperant, facile in sententia ferenda ad illius nutum & benevolentiam se conuertunt. Quorū cò detestabilior est improbitas, quòd sanctissimo æquitatis & iuris istrumento, cuius moderatione reipublicæ salus & tutela continetur, abutuntur ad sordes & impuritates suas. Itaque bene Pericles ad Sophoclem, qui conspecto eleganti forma puerο, exclamauerat, Decet, inquit, Prætorem non tantum manus, sed etiam oculos habere continentes. Qui autem ita perturbationibus suis cruentantur, vt se non sibi solis à natura creatos putēt, sed partem auaritiæ & sordibus tribuant, partem libidini, partem gratiæ aut iracundiæ, quæ in defungendo magistratu hominibus illis pestis capitalior esse potest? quod portentum ciuitati perniciosius? Phrynen meretricem Thespensem narrat Athenæus libro decimotertio Δεπνοσοφιζῶν, ab Anaximene quodam apud Athenienses de criminе delatam esse: sed cum illa pectus nudasset, totius or-

rius ordinis sententiis absoluta est. Hoc certè qui fecisset in symposio, cū fortasse deposito pignore ad cōtrouersiā vētū est, excusationem haberet: sed qui in loco maiorum, extra quem salua imperij dignitate, saluis auspiciis & legibus iudicari non potest, tam infame iudicium constituerit, is opinor sit dignus qui non in senatum, sed pistrinum dedatur. Iam verò non impudentis tantum, sed hominis prorsus dissoluti est, in ea causa iudicare velle, cuius alteram partem vel omnium testi monio sibi amore nefario deuinxerit. Sicut enim voluptate titillari & impelli humanum est, ita facinus est, mea quidē sentētia, omniū scelestissimū, in subselliis & iudiciis libidinē ducē & magistrā sequi. Sed qui ex sceleribus suis fructum capiūt, illis forsitan sit cōdonādū, si ea omnibus nota, & etiā publici iuris autoritate cōfirmata esse velint. Marcus quidē Cato Q. Flaminiū cōfularē hominē Cē sor senatu mouit, quod is in Gallia Proconsul vt gratū scorto faceret, hominē nocentē quē in vinculis habebat, pœna affecisset. Turpe enim & notādū esse grauiissimus Censor existimauit, petente meretrice etiā sōntē iusto supplicio condemnari. Qui enim in republica magistratus gerunt, refrenant cupiditates, libidines coercent, affectibus imperēt, & seipso non tantū in testimoniuī, sed in iudiciū vocent, vt eodē iure, quod in alios cōstituerint, & vtantur ipsi. Is enim bene populo imperabit, qui sibi ipsi prius nouerit imperare: estque perquam inuidiosum, eum cui à publico legis propugnatio decreta est, leges offendere.

*Ad imaginem Neurorum.
Contra agentes in rebus.*



*Prisca tibi memorant homines miracula Ne-
uros.*

*Quis suliūd Antæi sit data forma lupi.
Quis putet humani utilitia signa decoris
Tam facile in turpem degenerare feram?
An quia pascendi quorum est custodia ouilis,
Et nubibus in populo sors dedit esse duces,
In mediis faciles linquunt in cursibus agnos,
Et miserum offendunt improbitate grecem?*


NARRATIO PHILOSOPHICA.

NEVR OS populos in Scythia ad Boristhenē fluuium habitantes, memorant historiæ certis temporum interuallis, tanquam aliquo Circō poculo ex hominibus lupos fieri, & humanitate velut pro derelicto habita, in consuetudinem feritatis venire. Quod si agrè aliquis nostrum in mentē induxerit, valebit tamē opinor apud nōnulos itineris longitudo, & fortè perficet, ut quod à patribus traditū re ipsa experiri nequeūt, id docto rum hominum authoritati nō grauatè velint concedere. Quos tamē si nō adducimus, vt hoc miraculi genus sibi persuadeāt, poterunt tamen illos nifallor domestica exempla ad eam rē satis inuitare. Quis enim eos lupos nō appelleat qui in gubernaculis & moderatione populi degentes, fortunas ciuiū euertunt, hæreditates expilāt, & præstatiſſimū egenorū patrimoniū rationibus suis referūt. Quis illos ab hominū tribu ad lupos trāſiſſe nō iudicet, qui quasi ciuibus bonorū omniū tutores ex legi cōmētario dati, neq; à capite rationē reddūt, neq; se pupillis suis in eā summā debitores scribūt, qua nō solū eos naturæ vis, sed etiā lex Dei nexu obligavit? Nā si poētarū preclarissimus Homerus, agētes, in rebus ποιησάς τῷρ λαῶρ appellauit: appositè certè eos lupos nominemus, qui nō modò à grege suo oculos deiiciūt, sed in eius dignitate minuēda, fortunisque omnibus expilādis occupātur, & ea ad se mācipio & fructu pertinere volūt, in quorū parte vel minima non satis ex æquo & bono se à tot sacerulis tutari potuerunt. Quod si primūm ineun-

te Ecclesia ei qui omnibus bonis liberaliter datis
mēdiocrē quiddam sibi recipiebat , pro nefario
scelere datum est , & pœna auaritiæ constituta,
quid faciet qui non tantūm sua sibi habet, sed hæ-
reditatem Dei & pauperum fortunas diripit , &
dimensum Domini ad amplificationē familiæ suæ
conatur traducere.Nam vt nouissima cōferamus
primis,cui tandem ex nostris iudicatum non est,
principes illos viros qui quondam Christianam
rempublicam legibus & institutis fundauerunt,
ita animo affectos fuisse , vt à propriis commo-
dis oculos remouerent; seque propemodum & sua
à se longè posuisse , vt reliquos eiusdem fidei so-
cietate Domino adiungerent. Qui cum omnem
pro præstantissima religione concertationem su-
sciperent, rebus suis non parcerent,& finem apud
populum agendi non facerent, inter eos tamen in-
uentus est nemo, qui tot officiis piè & sanctè ser-
uatis non se officio suo defuisse certissimè iudica-
ret, Horum res gestas pleno ore laudant omnes:
illorum vitam imaginibus, trophæis & immorta-
litate consecrant: quam et iam si facile possint,no-
lint tamen imitando consequi. Prædicatur à no-
stris,& mea sententia optimè D.Martinus , quòd
hominem paupertate & vi hyemis planè confe-
ctum parte vestis liberaliter concessa recrearit.
Hoc tam pœclarum facinus si quis ex nostris in
populi corona faceret , ab omnibus opinor ri-
deatur. Talium virorum exempla quotidie in te-
ctis nostris versantur,quām benignè,quamque ho-
spitaliter erga suos se gesserint,domestica m onu-
men

menta nos ignorare non sinunt. Sed tamen in ea
 opinione sumus ut non tantum ad restam præ-
 claras accedere, & iisdem beneficiis de nostro ho-
 mines demereti non velimus, sed sit nobis mole-
 stissimum parē illis rationem ascribere, quorum
 opes non Christus tantum, sed etiam Ecclesia re-
 cens fidei nostræ commendauit. Itaque maiorem
 in dies ex libertate cuiusdam mendici voluptatis
 fructum capio, qui cum præsente me folidatus
 & supplex ab Ecclesiastico homine diuite preci-
 bus cotenderet, ut illius opibus in summa sua pau-
 pertate tegeretur: is vbi primū se nihil proficere
 perspexit, iam non ut reus aut pullatus, sed quasi
 quidam magister morum diuitem illum seueris-
 simè increpauit: nihil se quod non suum esset pe-
 tere assurans, Tibi, inquiens, saluis legibus pur- „
 pura & vestibus oloberis indui, diffluere deliciis, „
 & Christi patrimonio ad lasciuiam abuti possit li „
 cere: nos autem pauperes, quorum salus & Domi- „
 no iucunda est, & vobis etiam commen- „
 data, fame & vulneribus oppressos, „
 iacere: ex vobis autem reperi- „
 ri neminem, qui diuitiis „
 suis rationes tam affli „
 etas & tantam ca- „
 lamitatē so- „
 lari ve- „
 lit.

S ij



In Hesiodum.

Dij laboribus omnia vendunt.



Dic Ascreæ senex, quæ lentæ insomnia noctis
 Tam cito Picriam te docuere chelym?
 Sicne repentinum te Caetralis vnde poët: m
 Feci, & Aenij ferre trophae a chori?
 Sicne licet nobis spatiantibus esse peritis?
 An cuius pauo Pythagoræus adest?
 Dij solis almas vendunt sudoribus artes:
 Non alio eloquium Palladis esse licet.



ALIVD.

Qui sibi Ceropis querit menimenta Sophiae.

Et clara Netheri sydera nosse poli:

Temprque, & cœsus fugientis cernere lunæ

Et tota Asonia discere iuræ togæ:

Non Crœsi ingenes loculi, non Persicæ gaza

Caſtalias potis est ſolliciare deas:

Sola labo grata confert compendia palma,

Sedat & immodicæ pocula larga ſi is.


NARRATIO PHILOSOPHICA.

HE SIODVM vetustissimum poëtam accepi-
mus cōfectis apud Heliconē aliquot ſpatiis,
poëtā repētē euafīlē. Et Enni⁹ ipſe Hemeri animā
per quietē in corpus ſuū infuſam eſſe prædicabat.
Vetus enim fuit, & iā ab antiquis ducta téporibus
opinio, animas postquā his ereptæ vinculis in celū
euolauerat, iterū deorū immortaliū iuſſu in corpo-
ra migrare. Cuius ſentētia Pythagoras ſummuſ phi-
losophus princeps fuit. Verū quem tandem exiſti-
mamus tātū gratia & authoritate apud Domi-
nū valuiſſe, vt nullis vigiliis ſuis, nullo ſtudio & tā-
quā aliud agēs, artibus iis quæ cognitione percipi
poſſunt, omnibus inſtruētissimus euafērīt. Salomo-
nē quidē referūt hiftorię rerū diuinarū & humana-
rū notitia à Domino auētū eſſe: tātaq; fuit in ho-
mīne illo rerū varietas, vt de omnibus que in diſce-
ptionē cadere poſſunt & natura rerū cōtinētur,
ſciētissimē diſputaret. Sed hoc Salomōi, cui⁹ gloria
Deo gratiſſima erat, licuit nobis forſitā, quib⁹ pau-

pertatis & rerum externarum despiciētiæ partes
a Christo attributæ sunt, non licebit. Itaque qui
ita animo est affectus, vt nihil sit quòd malit quām
se quam doctissimum esse, vix temerè ad rerum
magnarum cognitionem productus esse poterit,
nisi omni studio, opera, contentione in eam par-
tem incūbat. Nam si eos meminisse lubet, à qui-
bus præclara illa literarum monumenta ad nos de-
uenerunt, quis illorum non impiger, quis non di-
ligentia planè incredibili in libris animum suum
defigebat? Plinium, eum qui libros naturalis hi-
storiarum conscripsit dixisse accepimus, omne tem-
pus perire, quod non studiis impenderetur. Et
philosophi, cùm sibi persuaderent rerum magna-
rum scientiam sine summis laboribus percipi non
posse, doctrinæ studia nunquam intermisserunt,
& ad extremam senectutem in gymnasiis suis
garrierunt. Nam & Isocrates eum librum qui Pa-
nathenaicus dicitur, quarto & nonagesimo æta-
tis anno scripsisse fertur. Neque Gorgiam Leon-
tinum, qui centum & septem compleuit annos,
ætatis progressus à studiorum dimicione reuo-
cauit. In quibus, si Græcus & ea conditione vir, vt
de omni re quæcunque proponeretur se ornati-
simè dicturum prædicaret, tantum operæ posuit:
quis tandem per noctis insomnium doctrina ex-
cellens esse poterit? Sed tamen homines quidam
tanta celeritate quæ discuntur arripiunt, vt non
tam primum scire, quām reminisci videantur.
Qui autem ea sunt animi tarditate, vt nisi serò, &
inuita quòd aiunt, Minerua aliquid in studiis pro-
moueant,

moueant, contentius in opere sunt, sed ediscūt tam
enim neque quicquam est quod labore non
simus assēcuti, & si intenderis ingenium valet. Et
multos audiuimus imperatores, qui in rebus pla-
nè exulceratis tanta fiducia sunt elati, ut ea oppi-
da, quæ vel opere ipso, vel loci natura expugnari
non poterāt, labore & diurnitate obsidio-
nis capere se posse nō desperarent: quo
rū tantūm valebat audacia, vt sæ
piissimè cōtra opinionē ho-
minū prēclarissimas
victorias domū
referrent.

S v



*Simulachrum trium Gratiarum,
Aglaiae, Euphrosines & Thalie.*

In amicitiam hodiernam, hoc est, usque
ad pecuniam exclusiū.



*Quisquis amas Chariū præstantia dona sororū
Subsidioque tuos expertis esse tibi.
Cuiibus obsequere, & studijs te dede tuorum.
In meritis laus est non tenuisse malum.*

A L I V D .

Túne verecunda pingis Po'yclete tabella
Arifici Charitum corpora nuda manu? 283
Cur non Aßyrio spectatur Aglai. i. coco?
Et ecmites cur non byßina palla tegit?
Hæc sunt synceræ fulgentia stemmatentis,
Quæ sua diu conse. t omni.i., nuda manet,
Anteit vn. i. due retrò vestigia sequunt:
Sic debet meritum gratia bina sequi.
O quan' um antiquo iam nunc deceſſit honesto?
Quis nequeat noſtra de pietate queri?
Nam ueſocer genero ſiculum vix mutuat vnum,
Ni traieſtitum ſentiat ille lucrum.

TR E s gratias, præclarissimum post homines natos retinendæ nos inter nos societatis monumentū, nobis poëtæ in fabulis reliquerunt: quo rum solertiam pictores imitari, aditum homini- bus ad ea officia diligenter colenda aperuerunt, quibus humanæ vitæ splendor & honestas cerni solet. Nam in tabulis semper nudæ exptimuntur, & ea forma, vt vna aduerso vultu procedere, aliæ autem auersæ subsequi videantur. Quæ res non tantum ad referendam gratiam, & ad bene merendum de eo à quo primùm beneficio aucti sumus, animos nostros incitare debet, sed ad omne pietatis & obsequij genus reddere paratores. Quanquam enim ad φιλαυτίαν & amorem quæ primùm in nobis natura peperit, consentaneum minime videatur, tantum de tuo largiri vt postea alieno indigas: est tamen & Charitum naturæ & Euangeli- cis nostris præceptis per quam accommodatum de dimenso tuo detrahere, vt alterius infirmitatem opibus tuis leues. Si enim non pauperum tantum, sed æqualium nostrorum fortuna tantopere nobis à lege commendatur, vt præter officium face- re videatur, qui magis se quàm proximum bene- uolentia fuerit complexus: grauiter opinor sit ar- guendus, qui proximum in aduersis rebus non ad iuuuerit. Nam angustè rebus tuis vti, vt aliorum te nuditati sis officiosior, liberale & Christianum est: eæque solæ res extra fortunam esse à poëta memo rantur, quas amicis lubens contuleris: neque vnu- quā pecunia apud nos magis in numerato & præ- sens est dicenda, quàm cum beneuolè necessariis & egenti

egētibus suppeditatur. Cū enim aduenerit moriēdi tēpus, & vitæ & fortunis cedendum est: ea autē „ sola tua sunt benefacta quæ in alios collocaris. Ne „ que enim quicquam est principi illi Deo infestius quām res eas quas summa sua benevolentia & benignitate nobis concessit, tam clausas & obsignatas tenere, vt neque domini qui eas tenet, neq; cæterorum vtilitatibus inferuant. Sed quam à Deo acceperimus, eadem illi referenda gratiæ est: maximèque erit enitendum vt pauperibus rem gratam faciamus: quibus si quid præstitum est, tanquam sibi collatum Deus rationibus suis infert. Quia autem nullum est officium referenda gratia magis necessarium, in eo genere primū pictorum in pinguendis gratiis sagacitatē sequemur, deinde & Hesiодū authorē adhibebimus, qui iubet aut eadem „ mensura referendum esse beneficium, aut etiā maiore si modo facultates nostræ largiantur. Sed „ quia homini prudenti & bene informato molestū est ab illo aliquid contendere, cui aliquando fuerit officiosus, ei qui primū beneficio prouocatus est, erit yidendum, qua in re, ab amico beneficium suū defyderari possit; neque enim in eo quod vltro facere debet interpellatio expectanda est: illudque amicitiæ & potentis verecundiæ erit tribuendum, ne non tam is rogare obsequium, quām yetus debitum exigere videri possit.

Contr

Contrarium priori.

Equivoco xp̄is.




Quid tibi nobiscū est su: ioso Hermonia vltu,
 Cui dextra : semper trit alacer na: egit?
 Cu: s̄que rapax leu: medios supereminet vngue
 Polipus, ignorati signa superciliij.
 Hinc effe scelerata pedem, teq: abde tenebris,
 Nec tibi su tota dictus in vrbe locus.
 Num sat is e: mentis generos a insignia Gallæ
 Tam subito calabris c:ntem: erasse notis?

NARRATIO PHILOSOPHICA.

HEMONIAM gratiam iis quas superius memorauimus veteres ex-aduerso posuerunt: ex cuius opinor officina capitalis illa vox est profecta, quæ scipsum omni officio & studio complecti, eam demum summam & bene constitutam charitatem esse censet. Illi nihil vñquam probari potuit, nisi quod cum priuata utilitate ratione coniuncta habet: & ei cum præstantissimis virtutibus, quæ homines ad mutua benefacta exuscitatæ externa prope est dissociatio. Quia enim regalis illa Iesu Christi sententia, Hoc vnu tibi supereft, vnde omnia quæ habes, & sequere me, vel ab iis qui christianæ disciplinæ principatum tenent, repudiata est, placuit ut de faluberrimi decreti abrogatione ad senatum referretur, tandemque populare senatus consultum factum est, ex quo qui commodis suis immorerentur, neq; de pecuniis cogitandi tempus vllum intermitterent, diligentiae & etiā charitatis virtutisq; omnis laudē ferrent. Et quem admodum apud Aristophanem quidam dij, quia parum utiles ē ciuitate eiiciūtur: ita nostri eas virtutes quæ sine aliqua patrimonij iactura explicari nequeūt, reliquarū ordine mouēt, & quasi stipē diis expungūt. Quorum cupiditati eò minus iudicio optimorum mos sit gerendus, quod non tantum in eo genere offendunt, sed facinus suum honestatis patrimonio conātur prætexere. Quem enim ex illo hominū numero reperias, qui nō eos potius inuidos, qui ista damnant, quām cæteros qui approbat stultos & démetes arbitretur.

Apud

Apud necessarios suos in creditum ire pro scelere
habent, quasi ea re filiorum causa fiat deterior in
quo non vident homines inepti, nullum patrimo-
nium præstantius à patribus filiis relinqui posse,
amicitia & necessitudine, ex qua sæpiissimè filii
maiores quàm ex paternis bonis fructus capiunt.
Se & Christianos & viros bonos appellari volūt,
Christianas autem actiones ne attingūt quidem.
In beneficiis collocandis fortunā ipsam, non mo-
res aut genus sequuntur: quod eum qui aut bene
moratus, aut consanguineus est, satis insita illa bo-
nitate aut coniunctionis vinculo ad illorum com-
pendia incitatus sit futurus. Apud eos glriosum
est citò rem facere, & ipso momento ex paupere
diuitē apparere: quod tamē ex eis qui inter Ethni-
cos sapientes habitī sunt, laudabile duxit nemo:
qui autem paucō contenti viuunt, quia
illis forsitan ad rem suam locuple-
tandam de foro adiumenta de-
sunt, & stolidi & igna-
ri nominan-
tur.



Ad Tenediam securim.

Tribunal boni iudicis.



Prodigiosa vides Teneda tormenta securis,
 Quam vigil aduerso Rege viator habet:
 Illa patronorum mendacia stulta coercet,
 Et captis resecat criminis pignoribus:
 Imperat & positis rabiosa silentia multis,
 Incœptisque iule et litibus esse modum:
 Condignasque freques adfert ad iurgia poenas,
 Siconnis sensu causa sopita manet.

T :

NARRATIO PHILOSOPHICA.


IN Tenedo Hellesponti insula longè celeberrima , nunquam reges forum egisse memorantur , nisi adesset lictor cū securi , qui indicantis maiestate m apud eos qui se vadimonio stitissent , tue „ , retur . Nam & si Agesilaus qui apud Spartam magna cum laude imperauit , principem beneuolentia magis inter suos septum esse debere , quām armis existimauerit : tamen cū nihil sit tam sanctū quod non hominum violet audacia : est mea quidem sententia iudiciorum dignitati summè consentaneum , eos metu supplicij petulantia summo ueri , qui loci religione & sedentis dignitate in officio nequeunt retineri . Itaque sapienter veteres lege lata minoribus magistratibus modicam coercitionem detulerunt , quasi sine ea iurisdicēdi munus diutius stare non posset . Iam verò is est nostrorum rerum status , vt quem locum maiore & obseruantia & cultu honorandum esse maiores statuerunt , is certè turbulentissimus & importunitatis plenissimus appareat . Qua enim fronte , qua verecundia , quo vultu in agendis causis versantur illi qui procuratores nominantur ? Nam , vt omittam fidem (qua tamen vna iudiciorum authoritas maximè continetur) quid illis hominibus in dicenda causa petulantius , quid magis importunum & loquax ? ita verò dicunt ut non precario , sed vi & armis in præclaram illam sedem venisse videantur : in mala causa ita plerunque quiritant , vt nō equitatis comparatione , sed strepitu & clamore discessari quæstio videatur . Eas lites quas vel ipso nomine

mine ex inuidia laborare animaduertunt , ita tran
sigunt , vt nihil nisi per contumaciam & eremodi
cium cum aduersario gerant. In quo tantum calli
ditate & astutia valent, vt etiam eos qui præsentes
liti adsunt, quasi defuerint condemnatos faciant.
Quorum eò capitalior est improbitas, quòd is lo
cus quem maiores sacrum , & qui ei præcessent sa
cro sanctos magistratus appellauerunt , istis dolis
omnino deformatus iacet : cuius tanta fuit apud
Romanos religio , vt eum qui altius in curia ster
nutasset , multa dicta in carcerem coniicerent. Ne
que enim rabulis & proclamatoribus de foro de
bet dari ad dicendum locus: quique magis firmi
tate vocis & laterum contentione , quam

momento rationis ad causam instru

Etus venit, ei opinor plurimum
iudex sit concessurus, si
consilium dimi
serit.

T ij






In veterem morem.

Contra parentes qui filios sine iudi-
cio in monasteria coniiciunt.



*Filius ex alto grandæcum ponte p̄rentem,
In rapidas quondam pr̄cipitabat aquas.
Sed nunc in n̄iseros reiecta est aleanatos,
Et patrias norunt in sua fata manus:
Anne quod inuitos in claustra immania natos
Sub iorda impellunt religione patres?
Sibique feris cogunt traducere legibus æcum,
Et quasi pistriini volvere pondus iners?*



NARRATIO PHILOSOPHICA.

NEc verò illud omittendum puto , quod & præsentis Christianorum luctus indicū est, & præteritæ calamitatis significatio, ad eum statum res nostras constitisse, vt deliberatius multò ad stipulationem rerumque contractarum negotia, quām ad vota religionis nuncupanda accedamus. Nam qui res mancipij emunt, aut pecuniam ad fœnus collocant, non prius negotium transfigunt, quām rei quæ in contractum venit cōditio nem, & debitoris qualitatem accurate perspexerint: at in monasteriis capessendis, tantus plerunque est nostrorum hominum impetus, tanta voluntatis incitatio, vt re sæpe non quæsita eò se cōpingant, vnde aliquando sese vellent explicari. Ac profectò diu est deliberandum quod sit semel statuendum , neque longa voluntatis permanσio in eo esse potest, quod temere & sine iudicio sis aggressus. Sed tamen temeritatis suæ pensum ferant, & de se ipsi querantur tantum qui se scienter necessitate voti alligarunt. Qui autem ea sunt ætate vt de bonis aut fugiendis iudicium ipsi ferre nō possint, & in honesti & turpis delectu omnino cæcutiant, non videantur in culpa esse, si iussu & seueritate parentum adducti ei se vitæ generi addixerint . Incredibile profectò immanitatis exemplum, tam parum filio patrem prospectum vel le, vt id ab eo exigat, quod ipse sibi in vita præstare non potuit. Neque vero mea sententia quicquā sceleratus in vniuersa Christianorum communitate dici potest, quām quod inter nos vulgo audi-

tur, ab aliquo parente, filium vnum aut plures in monasterium elocatos esse. Indigna certe Christiana religione sententia: non enim aptè neque ad de corum accommodatè dicitur, Pater filium suum monasterio deuouit: sed & melius & ad voti naturali ornatius, filius ex politica ad monasticam vitam discessionem fecit. Nā si in his quæ facti sunt ex Iurisconsultorum sententia patria potestas nō cernitur, si qui monasterio se obligat, pótificali auctoritate ab imperio patris absoluuntur, quid est quod in religiosa vita attingenda plus momenti & ponderis paternis iussis quam liberorum volūtati tribuatur. Non enim ex patris aut cuiusquam alterius vindicis auctoritate ingressus ille metiens est, sed eius qui in illa vita sibi senescendum est se putauerit, voluntas erit ponderanda, qui si se totis animis tali solitudinivelit applicare, verendum opinor nō erit, ne non Deo propitio & laudatore id fecisse iudicetur. Non est verò consentaneum quosdam aliorum causæ tam parum æquos esse, vt vitæ suæ felicitatem in viola & rosa ponant, in cæteris autem vitam beatam etiā in taurum Phalaridis putent descensuram. Et quæ tanta est iniustitia, vt qui ægrè in matrimonio pudicitiae leges seruauerit, alios in coelibatu velit esse continentes. Quæ non eò à nobis dicuntur, vt eos qui se à negotiis popularibus ad illud vitę otium contulerunt, de sententia decucam. Bellissimè enim cū eo videtur agi, qui ex Pauli consilio animū suum ab hac forense vita, tamquam ab aliquo libidinis scopulo, ad cœlibatum appulerit: sed patribus venia danda non est

est, qui vel imprudentes vel etiam inuitos liberos suos eo nexu deuinciūt : quasi verò Deum optimū maximum in consiliū adbibuerint, qui solus quos voluerit beneficio continentiae augere potest . Ac sanè finem nunquam inueniet cupiditas, cuius nota si qua nobis impacta est , facile omnes pietatis & iustitiæ leges ex animis nostris delet & dispergit . Ex qua & illa labes nomini Christiano inusta est, vt qui patrimonium suum cumulatius facere volunt, & nonnullis filiabus conditionem ampliorē querere , cæteras in monasteria coniiciant . In quo turpe & flagitiosum est tantūm quæstu & lucro retineri, vt filiorum salus futura vita negligatur . Sed hæc fortasse frustra a- pud eos, qui comparatione pe- cuniæ non habent quod laudare pos- fint .

T iiiij



In Lisymachum.

In eos qui diuitiarū dulcedine delin-
ti ad Ecclesiā gubernacula accedūt.



Empta placet multis funesta clade voluptas.
Et magnō interdum pœnituisse licet.
Disce ergo, & tristes veterū reminiscere casus,
Quos latuit verus posteritatis honos.

ALIVD.

*Lisymachus fuiens sanguine se dedidit hosti,
 Posset ut irriguo fame leuare suum:
 Qui postquam expleuit largo præcordia potu,
 Dicitur his lachrimas verba dedisse modis:
 O decies, breuitate sui miseranda voluptas,
 Cuius in exortu tam citè finis adest.
 Tene amens tam torquet opum vesana libido,
 Quas nec aquis pretio dixeris esse pares,
 Ut cleri in numeros venias, & manneris impar
 Des consanguineo nomina pontifici:
 Dum tu diuini speras insignia fundi,
 Et patrii sacras iam morientis opes:
 Queis sine sanguine ferocia prælia principis isses.
 Aut vxoris effet amica tuis:
 Quamuis hoc etiam nobiscum pignore certes,
 Ut iam tota tuo manzere terra fluat.*

T Y

SAPIENTER maximus ille eloquendi magister Appollonius Molo, qui quanquam mercede doceret, non patiebatur tamen discipulos apud se operam perdere, sed vnumquenque ad id quo naturæ ductu ferebatur, dimittebat: frustra enim animi neruos intenderis si natura & ingenij vis non suffragatur. Sed quemadmodum terra non ad omnem seminis rationem sese accommodat: ita nec hominum animi ad omnes artes capessendas parati sunt. In semine igitur spargendo agricola, & in scientiis edocendis magistri naturalia & mores explorabunt: homines autem in opere Ecclesiastico & sacris faciendis occupati, propensitatem naturæ ductuunque suum non videbunt? quorum humeris nititur communis fatus, quorum descriptione leges, & qui & boni studia, ciuium æqualitas, religio, virtus omnis, denique & totius reipublicæ nerui continetur. in quorum tutela pacis ornamenta iacēt, & quibus quasi ducibus inimicorum iniurias à capite nostro propulsamus. Qui Dei optimi maxiimi auspiciis & renuntiatione, orbis teræ prouinciam cum imperio sunt fortiti, vt de pietate & iustitia inter homines soli statuerent, his honestum esse possit in petendis ecclesiæ magistratibus, & vita genere deligendo cupiditatem & ambitionem potius, quam naturam sequi. Quod si ex Pauli sententia, nemo dignitatem in ecclesia prensare debet,

nisi

niſi vocatu ſummi Dei, vt de prätantissimo illo „
ſacerdete Aaron vetera ſcripta teſtantur: quæ tan-
ta in hominibus noſtris honorum appetitio eſt,
vt auaritia cæterisque animi ægrotationibus per-
turbati, ſe in ea munera vitæ compingant, quæ
niſi à summis & laudatis viris non poſſunt expli-
cari. Quòd ſi tantūm ex auaritia & cupiditate la-
borant, vt inter maximas opum lenitates ſalutem
ſuam (qua nihil homini commendatiuſ eſt de-
bet)aspernentur: quæſo ne in candem necis per-
niciem vocent eos qui infirmitate consilij mi-
nus ſibi poſſunt proſpicere. Quot enim homines
rerum agendarum imperitos, & de via longè ab-
errantes in populo reperias, qui ſi aliquem ex
hiſ quibus procuratio rerum diuinarum data
eſt, virum bonum & de ciuium ſalute vigilantem
naecti fuerint, non facile ad rectam rationis & of-
ficioſū omniū normam dirigi poſſint. At forſitā
in officio nō eſſe, & ea negligere quę gerere cura-
reque debeas, moribus noſtris leuissima culpa
eſt, niſi ad tantam negligentiam etiam improbi-
tatis multorumque ſcelerum accederet infamia.
Hæc certè qui tolerant pernicioſiſſimum
quiddam inducunt in eccleſiam, vt neque con-
tracta ex antecedentibus vitiis labes abſtergi, ne-
que res tam inclinata vnquā attolli poſſit. Ex hiſ
opinor magnorum hominum de religionē con-
trouerſiæ, ex hiſ bella intestina, ex hiſ maximæ
tempeſtates populo Christiano ſemper acciderūt.
Nam quæ tanta Dei benevolentia erga nos eſſe po-
teſt

test, nisi vulgaris? quæ placabilitatis signa nisi obscura? An verò eum populum benignitate & largissimis officiis suis complectatur Dominus, in quo qui deprecatores ex lege sunt, ad ipsas depreciationes omnium flagitorum turpitudinem adiungunt? Quid, qui ad decretas more institutoq; maiorum supplicationes non sit venturus, nisi pecunie & præbitiois expectatione, is ne apud Deū immortalem in iis orationibus, ad quas pro populo erit assumptus, voluntate & gratia valere poterit? Sed non est consentaneum in sacris faciendis cupiditatem & auaritiam adhibere. Nam (vt inquit Dominus) ἐάπ τὸ ἀλασ μωγανθῆ, ερτίνι, ἀλλισθήσται. Et si ij, quorum pietate & precibus ira Dei, tanquam aliqua machinatione ad benevolentiam contorquenda est, male actæ vitæ conscientia cruciantur, in quo tandem spes salutis erit collocanda? Et si qui legum authoritate & bonorum omnium suffragiis oratores apud Deum sunt electi, in tanta vitæ indignitate versantur, vt ipsi pro se dicere reformident, quidnam illi in aliorum causa assequi se posse confidant? Verùm quia peccandi necessitas nescio quo fato hominibus attributa est, iis opinor ignoscendum erit, qui ipsi domesticā testatione sese reos non diffitentur: sed qui furtis religionum, auaritia, reliquisque sceleribus impuri, non tantum se de reis eximunt, sed eos qui contra statuerint hæreticos audent nominare, nō video sanè quodnam rei tam contemeratæ & infami patrocinium afferatur. Demosthenes quidē non tā sua quām reipublicæ causa Philippo Macedo


cedonū regi infensus, dicere solebat πυθίαρφ λιπ- „
 πιζεψ: quòd in exponendis Appolinis Delphīci re-
 sponsis, pecunia se à Philippo oppugnari patere-
 tur, & ab eo religionis calumniam contra Athe-
 nienses deduceret. Ita quidam homines (nolle
 certè nostros) quia amplissimis sacerdotiis aucti
 religionis principatū tenēt, Euāgelicæ legis autho-
 ritatem ad scelerum suorum prætextum tradu-
 cunt, & illo veluti caduceo fordes suas non impu-
 nitate solūm , sed honore , congiario & vacatio-
 ne persequuntur. Quòd si quis est reipublicæ
 amantissimus , qui præstantissimas illas dignita-
 tes nefario scelere violari ægrè ferat , is illorum
 sententia & patriæ hostis & de religione malè sen-
 tiens iudicabitur : quasi verò sit iniquum contra
 eos de sacro commisso querelam perferre , quos
 veterum conciliorum authoritas de leuissimis
 noxis ad pœnam expetebat : aut etiam is de reli-
 gione temere loquutus iudicari possit, qui scorta,
 qui auaritiam, qui sacræ pecuniæ dilapidationem
 maleficiorum loco & nomine habuerit. Ego verò
 si qui cum vitiis & sceleratis prælio decertant , &
 miseri & hæretici sunt, in illo equo cum hæreticis
 viris includi non recusabo. Potest verò tam præ-
 claræ sententiæ societas turpis esse? possunt qui de
 pœnitentia & cæteris virtutibus decreta ferunt,
 impij nominari ? iis denique mors calamitosa &
 terribilis esse possit, qui pro re tam egregia vitam
 constanter perfuderint?

In



Exemplum sapientis & stulti.

Longinquitas temporis adfert
omnia.



*Vir sapiens caudam paulatim vellit equinam
Quam non una semel vis superare potest.
Tēpus et dax, variis sq. labo tibi cūcta repēdet:
Aude igitur, nec spe deūciare tua.*



NARRATIO PHILOSOPHICA.

PRÆCLARA certè illa à veteribus usurpata sententia, par èsse omnes omnia experiri, qui res magnas & magnopere expetendas concupierunt. Sed tamē in iis qui desperatione minimè debilitati illud cursum tenere solent, varij sēpe & mutabiles casus acciderunt. neque enim magna sequentem satis est spe assèquendi non deiici: sed ea præparatio adhibenda est, ex qua non omnino incerta potundi expectatio consequatur. Nōnulli autem sunt qui quanquam à rebus magnis difficultate non possent remoucri, quia tamen ea sibi non deligebant, quæ ad potiundum accommodatam & coniunctam rationem habent, sēpissimè in media contentione restiterunt. Nam & aliquæ sunt res, quæ primo impetu neque diligentia, neque labore teneri possunt: eadem beneficio temporis & patientia facile superantur. In his adipiscendis si quis tam malè de rebus iudicat, vt neque euentum sustinere, neque desyderium suum aliqua spe lenire possit, plerunque accidit ut temeritatis suæ pœnas luat. at verò & alia sunt permulta, in quibus nisi prima aggressione animum intenderis, eas non sis adepturus. In his omnibus qui acres officiorum disceptatores esse volunt, iudicium adhibebunt, vt quoties res ita postulabit, vel rem celeritate incredibili exequantur, aut in laxiorem diem negotium trahant. Cn. quidem Pompeius vir omnis memoriæ & omnium sacerdorum princeps, Caïum Cæsarē in Macedonia pugna memorabili fuderat, & vel ipsius Cæsaris testimoni

stimonio bellum ciuile penè confecerat, si in tam
prospera fortuna hostium reliquias esset persecu-
tus. Sed præstantissimo imperatori vincere parua
” quidem res est, nisi etiam victoria vtī possit. Itaq;
” misera illa prælij Pharsalici fortuna consecuta est,
& Pompeij direpta castra: hacque vna plaga acce-
pta populi Romani maiestas & splendor conci-
dit. In eo prælio Pompeium suis ferunt edixisse,
quod etiam ab ipsis Lacedæmoniis sæpiissimè fa-
ctum accepimus, vt impetum inimicorum, & pri-
mos illos motus patiendo sustinerent, & quo ad
eius fieri posset à suo capite depellerent: se autem
ad nocendum seruarent, cum aduersa acies penè
defessa & labore confecta videretur. Quod tamen
C. Cæsar neque probat, neque à Pompeio summo
imperatore edictum esse existimat. Est enim, vt
” inquit ille, quædam incitatio atque alacritas in
nobis quæ studio pugnæ dicitur. Hanc non re-
stinguere, sed inflammare imperatores debent.
” Contra verò Carolus is, qui ad ditionem com-
pulsa Ioanna regina Neapolim & vtranque Sici-
liam occupauit, Ludouicum Andem cum maxi-
mo exercitu venientem fugiendo fregit, neque cū
eo intempestiuè bellum committendum esse exi-
stimauit, quem aliquando temporis longinquitas
esset oppressura: neque vnquam adduci potuit vt
in eum acies suas explicaret, quem patientia fran-
gi posse non diffidebat.

In virgam Palladis.

Scientiam ditare. n:o



Virgula, & ecripia quondam sacerdia Minerua
 Fertur Amalthea plura dedisse capra.
 Fius enim optatis succedent omnia votis,
 Cuius in acceptum se dabit illa finum.
 Illam Neritium fractum labentibus annis,
 Ad puberatatem restituuisse ferunt.
 Quisquis Palladias totis quinquatribus artes
 Emit, & Aonis pecula sacra iungi,
 Huic nil deesse potest, hunc pleno copia cornu
 Imperat Attalica conditione frui:
V

NARRATIO PHILOSOPHICA.

OP T I M E certe & ad rerum maximarū diuturnitatem accommodatissimè machinata est natura, vt in quibus rebus multum operæ & laboris impendimus, in his mirifici vtilitatis & commodorum fructus consequantur. Quæ res ad leuationem vigiliarum, quibus qui in studiorum cursu versantur seipso conficiunt, magnopere valitura est. Quis enim tam parum sui memor à natura est effectus, quem non aliquando in studiorum contentionē præmiorum & dignitatum cœperit expectatio? Quis tot noctes & dies commodorum magnitudine non sarciat? Nam nec mea sententia principes illi Philosophi, qui quondam doctrinæ studiis nomen sibi immortale peperrunt, tantum in gymnasiis contendissent, nisi ad ipsam gloriam, vtilitatis ratio accessisset. Quot vero existimamus spe lucri maiores ad nauandam in literis operam esse factos? Nā & Plato, qui primus nouum & perfectum eloquendi genus ad Philosophiam attulisse fertur, non existimauit à dignitate & Platonis & Philosophi alienum esse, si clientis foroq; Dionis & Dionysij tyrannorum veteretur: paucique sunt tam duriter Stoici, qui summorum regum & principum liberalitatem defugerint. Optima igitur ratione in eo consilio quod turbulentissimis Ecclesiæ temporibus Basileæ habitum est, decreuit conuentus frequēs, vt iij soli ad beneficia & magistratus ordinatum in ecclesia pentendos vocarentur, qui vel Theologiæ, Iurisq; studiis, vel humanioribus literis præstantes haberentur.

tur: quodetiam memoria nostra cōuentorum fide
præstata, inter sedem & Regnum confirmatum est.
Ut iij ex quorum ludo principes viri ad reipubli-
cæ gubernacula aptiores esse solent, fructum ali-
quem caperent contentionis & operæ suæ. Sed ta-
men quotus quisque est qui in beneficiorum desi-
gnatione facienda, non magis affinitatis & amici-
tiaæ, quam virtutis & scientiæ causam sequatur:
quiq; non potius ex domo histriōnem aut corum,
quam eruditum hominem de ludo instituat?

Bene enim se rem habere putat, si qui-
bus auspiciis in eas dignitates
aliquando sunt adlecti, iif-
dem cæteri homines il-
lorū authoritate
magistratus
ineant.

V ij



*In oraculum Appollinis Sybarithis
redditum.*

Deus dignitatis & gloriæ suæ retinēs.



*Sybaris arcanae cupiens cognoscere causas,
Fatidicos fertur consuluisse deos:
Auditū ex tripode est, aderit tū terminus urbis
Et cadet infesto cuspide gentis honos,
Quum plebs diuinos mortalibus addet honores,
Et quum homine incipiet vilior esse Deus.
Impie quid properas homines æquare Tonantī?
Te decet extremo Syb.iris usamalo.*

NARRATIO PHILOSOPHICA.

PERNICIOSVM & infame genus eorum hominum Paulus existimauit , qui cum anniversarios syderum astrorūmque motus , cælestia-
 que ipsa contuentes præstantissimis testimoniis maiestatem Dei sibi perspectam cognitamque ha-
 buissent,tam se naturæ immutarunt suæ,vt in hæ-
 reditatem gloriæ , quam solam Dominus ampli-
 tudini suæ propriam esse iudicauit , homines de-
 ducere non formident. Quæ enim vlla hominibus
 cum Deo optimo maximo laudis societas esse po-
 test , nisi leonina? vt cum omnia summa de Deo
 prædicaris, nullæ vel minima pars ad hominē tra-
 duci possit. Et certè per Esaiam Dominus velut
 testatò prædicauit, se gloriam suam alteri non da-
 turum. Quis enim tam parum sacra monumenta
 cognitione attigit, qui nō videret aliquando Deū
 glorię suę tam Zelotem esse, vt alium in possessio-
 nem illam venire temere non sit passurus? Magi-
 stratibus quidem & iis quos fortuna in amplissi-
 mos dignitatum euexit gradus honorem tribue-
 re,& ethnicis & Christianis iubemur decretis. Nā
 Mariæ sorori Mosis, quòd cōtra fratrem silentia-
 rium Domini liberius esset locuta, ex continenti
 pœna temeritatis à Domino constituta est. Et pue-
 ri qui Heliæo cum Iocis & risu obuiam proce-
 ferant, à canibus discripti sunt. Census verò qui à
 populo regibus inferretur, à Samuele iussu Domi-
 ni descriptiō facta est, vt omnibus notum esset eos
 quos Deus tantis dignitatum insignibus decora-
 uit, à nobis quoque summa obseruantia coli debe-

re. Sed tamen si qui sint inter nostros tam minuti Philosophi, ut Deum & principes viros eodem honoris concludant loco, tales insanos & dementes impunè quiuis iudicauerit.

*Quid enim, inquit poëta ingeniosus, sibi credere de se
Non posse, cum laudatur diis aqua potestas?*


Iam igitur qui in aulis degunt, maximam se gratiam apud principes inituros sperant, si eos diuinis laudibus socios ascribant. Ridiculum certè mentiēdi genus ea ipsa comminisci, quibus naturæ, senectutis & valetudinis incommoda penitus repugnant: quorūmque veritatem rerum & euenterum periculis perspici cognoscique potest. Placet igitur Philippus ille rex Macedonum apud Lucianum, qui Alexandro filio pro summo flagitio ponit, quod is rerum gestarum magnitudine elatus diuinos honores sibi decerni & haberi passus esset: cum tamen antea in bello vulnere accepto lacrymarum vim minimè tenere potuisset. quæ res à Dei præstantia aliena est. Ciuitas quidem Sybaritharum, cùm rebus secundis vteretur, quid Reip. euenterum esset oraculum sciscitatum venit: cui responsum est, ciuitatem omnino labefactatū iri, cum is honos quem diis immortalibus maiores tribuerant, ad homines transferretur. Quaenam enim re animum Dei à nobis magis alienari posse arbitramur, quam illius maiestatem tam apud nos obliuione sopia iacere, ut humanam imbecillitatē ad præstantissimum illud numen deducamus? Neque verò Diagoram Melium, Theodorum Cyrenaicum, & eius generis homines, si modo sunt alij, qui

qui Deum om nino esse negauerunt, existimem ci-
uitatibus suis capitaliores vnquam fuisse , quām
eos à quibus excellens illud & perfectum quod
Deum vocant , morib⁹ nostris exprimitur. Qui
enim , quod cum summa illa æternitate perpetuō
sociatum est, sermonibus suis ad alios conatur tra-
ducere, quid aliud quæso putetur effecisse , quām

vt eam mirationem, qua Deum suspicimus,
nobis de manibus excutiat, & pietatē,
quam erga Deum optimū maxi-
mum in cuiusque nostrum
animis vel ipsā natura
peperit , peni-
tus euellat?

V iiiij





In Amphionem.

Pax.



*Musicus Amphion citharam dum pectine
pulsat,*

*Septifores Thetas condidit ad numerum:
Præstigit hoc concors in dulatæ gratia chordæ,
Memibus ut populum cingeret ille ferum.
Sic diuina statum concordia coninet urbis,
Et ligat vñanimi barbara corda fide.*

NARRATIO PHILOSOPHICA.

AMPHIONEM Mercurij filium cantu & fidibus tam præstantem fuisse fabulæ retulerunt, ut summa illa numerorum suavitate saxa raperet, eaque ad muros vrbis Thebanæ construendos in locum vnum modorum flexionibus deduceret. Quiam rem ideo à poëtis effectam possimus suspicari, quod Amphion omni eloquetiæ & prudentiæ laude cumulatus, barbaros homines & ferarum more in syluis degentes mœnibus sepserit, & ad societatem vitæ reuocarit. Sed non erit meo iudicio à proposito fabulæ alienum, si nouam illam Thebanæ vrbis structuram ex variis æquabiliter citharæ concentibus effectam, ad ciuilem cōcordiam referamus. Ut enim ciuitates iam construētæ diutius in splendore & maiestate esse non posse sunt, nisi in vnum conspirantibus ciuium animis res publica temperetur: ita neque vrbes condi, nisi eorum qui ad ædificium conuenerunt, eadem sit ratio & voluntas. Neque vero Agesilaus aliis propugnaculis & muris firmandam esse ciuitatē existimauit, quam ciuium corporibus: qui si se summo studio & consensu ad alicuius sapientis voluntatem ductumque applicauerint, erit opinor factu difficile, firmissimis illis concordiæ præsidiiis firmatam rem publicam euertere. Iam vero ne externa meditemur, cedo quibus artibus Christianorum opes in Asia conciderunt? quæ res Græcorum florentissimum imperium funditus delevit? quæ vis Rhodum insulam, oræ maritimæ oculum effudit? quæ res Othomanos Christianorum

spoliis & triumphis tantopere decorauit? intestinæ certè Christianorum inter se se similitates. Neque enim vñquam Barbari illi Christianos bello lacestendos esse iudicauerunt, quām de illorū domesticis odiis certiores facti essent: neque prius Mahumetes Magnus de oppugnanda Constantiopolis consilium cepit, quām Europam suis prostratam armis iacere perspexisset. Et patrum nostrorum memoria, Gallorum imperium quod Caroli Magni & cæterorum regum armis florentissimum ad illam ætatem permanarat, popularibus principum studiis penè deletum est. Ex quo satis efficitur, sæpe ciuitatibus perniciosum fuisse parrem summorum ciuium principatum: quō enim quisque animi magnitudine maximè præstat, eò certe gloriæ audior est: quam qui appetit, vult omnium princeps esse vel potius solus: ex quo turbulentissimæ in multis populis dissensiones extiterunt: neque enim cæteri cōsiliorum & dominationis in republica socij æquo animo ferre possunt, ab uno diripi patrimonium totius dominatus.



In Orpheum.

Vis eloquentię quam Euripides reginam,
Ennius flexaniam appellauit.



*En vi Treicius numeris & carmine vates
Permonet aurata barbaras saxacheli:
Utq[ue] arbusa tenet cantu, platonésque sequētes,
Et cie[re] insolitis p[er]ruia monstra sonis.
Circa hominēs tanūm retinet facundia nomen,
In sua vi inuitos v[er]ta disertus agat.
Condidit hic hominum cœtus, & mœnia primus
Arufici posuit non violata, manu.*

NARRATIO PHILOSOPHICA.

IN omnibus iis quæ non tantum in rerum gubernaculis, sed in ciuitatibus condendis plurimum valuerunt, princeps semper meo iudicio eloquentia fuit. Ut enim, cum à Romulo pastores & aduenas ad ædificandam urbem cōgregatos legimus, id eloquentia (cui cum sapientia eterna est so cietas) perfectum esse suspicamur: ita illa retinendæ in repu. Romana pacis & quietis author semper fuit. Quo in loco præclarum est quod de Menenio Agrippa dici solet, cuius oratione inuidiosa illa plebis à patribus secessio reuocata est. Sulpitius quoque Gallus exercitum Romanum de luna defectione trepidantem & animo fractum dicendo excitauit, tantumq; eius eloquentiæ omniū testimonio tributum est, vt potius vnius orationis tractu, quam vi & armis victoria parta esse viseretur. Idem quoque Pericli apud Athenienses ferunt contigisse: cuius oratio animos suorum ob solis obscurationem desperatione metuque fractos, recreauit. Quidverò est magnificètius, quam rem eam quæ sit dictione explicanda, illustrare dicendo posse, & eorum qui audiūt animos quò velis impellere, vnde autem velis deducere? Quid magis admirabile, quam in frequenti hominum corona, ut eo munere quod omnibus à natura commune est solus cum dignitate perfungi posse videaris? Quid verò pietatis & religionis magis proprium, quam nefarios perditosque ciues orationis flumine ad rectam officij normam traducere? Hoc genere qui valent, quocūque orationē suam

appu-

appulerint, facile efficiunt quod volūt, modo per
fringunt, modo opinones nouas inserunt, modo
peruellūt insitas. Taliū virorū ornatum & vim di-
cendi admiratæ gentes, plurimum semper eloquē-
tiæ tribuerunt. Itaque & ætate nostra multi in id
studium diligentius incubuerūt, quod illis maxi-
mo emolumento & honori fuit: nonnullique sunt
inuenti, qui quanquam penitus in iure ciuili &
maiorum institutis rudes essent, tamen quia aut
soli, aut cum paucis ad hanc ciuilem scientiā ver-
ba illa selecta, dicendique ornatum, & quasi vesti-
tum attulerunt, soli prope iurisconsulti sunt habi-
ti: & quasi in possessionem suā venissent, veteres
illos iuris magistros, scholis & bibliothecis exclu-
serunt. In quibus magnopere laudandum est, res,
quæ primū ab eloquentibus sunt traditæ, orato-
ria facultate tractare: est tamen infantiæ propè si-
mile in verborum collocatione solūm occupari,
sciētiam autem ipsam intactam, & nulla accessio-
ne abs se cumulatam præterire. Quorum fortasse
labor, eò minus in multis probabitur, quòd qui
discere ius volent, nec illorum libros legēt, quòd
procul ab arte & præceptis absint, neque ea attin-
gant, quæ in forensibus cōtrouersiis explicandis
posita sunt: qui autem latinè scire expetent, & ora-
tionis flore & copia magnopere capientur, nec ad
illorum scripta se conferēt, quòd vberius & cumu-
latius ex libris Ciceronis & aliorum, qui plurimū
eloquentia valuerunt, defyderium suum sint ex-
pleturi.

In tempora & mores.

Mulier imperator, & mulier miles.



*To alicet fatuis subsire publica vuluis,
Et misera columbe experiarur annis:
Sic sa: is excelsa facinus placuisse Platoni,
Forte parum est nobis displicuisse deis.*



A L I V D.

Creditur infelix stultis res publica vuluis,
 Fœmineoque amens utitur imperio:
 Bella gerit mulier, pacis quoque fœderat iurat,
 Atque magistratus datque mutetque foro
 Hæc quondam magno non sunt inuisa Platonis;
 Simulier secum mascula corda gerat.

P R O B L E M A.


Publica si domini regerent moderamina cunni,
 Fœmineusque daret ciuica iura pudor:
 Dic, an tutorem & Velleia legis honores
 Publica res causis possit habere suis?
 Forte: hinc est quod eam violata in iurareponunt
Præiores, & ius illa minoris habet.

NARRATIO PHILOSOPHICA.

FOEMINAS publicis rerum gubernaculis & Imperiis omnium ferè gentium mores & edita remouerunt: quòd in eis neque animi magnitudo, qua potissimum foris nititur ciuitatis salus neque consilium, quod in vrbana rerum temperatione maximam vim habet, satis præsidij & adiumenti ad constituendam reipublicam afferre posse videretur. Quid enim eo genere aut ad rē militarē ineptius, aut ad reprimendos populariū motus magis imbecillum? quid ad conseruandum publicæ dignitatis patrimonium minus accommodatum & instructum? quid porrò in ferendis decretis magis varium & multiplex? Nam & videmus eas, quæ se veterum memoria ad res gerendas applicauerunt, aut turpiter ciuitates suas lacerasse, aucteum splendorem quem à maioribus acceperant, minime sustinere potuisse. Quamuis enim Semiramis laudetur, & sit nomen eius multis scriptis decoratum, citeturque omnium Orientis ciuitatum præstantissima, & præclarissimæ teatris memoriae Babylon, quam illa muro & fossa cinxit: non video tamē in quo tantopere videatur esse perhibenda, quæ florentissimum regnum stupris suis & sordibus funestauit. Iam qui reipublicæ moderationi præsunt, hoc primū tenere debent, ne commodis suis & utilitatibus inferuant. At in mulierum animis auaritia tantam vim habet, ut quasi ad patrimonij amplificationē à natura creatæ solūm sint, sine lucro nullā vitam esse existiment, & plerunque in nuptiarum conditione

ti one quærenda habeant antiquius , pecunia quæ
viro, quam viro qui pecunia indigeat desponsari.
Quia tamen me ad eas mulieres quæ aliquando
maximis virtutibus & præstantissimis in patriam
suam benefactis claruerunt, genus quæstionis vo-
cat, videar præter officium facere , si debitum ca-
rum virtuti testimonium non reddam. Nā & ali-
quot legimus , quæ in summis periculis, ciuitati-
bus suis magnopere profuerunt. In his apud He-
bræos principes Delbora & Judith nominantut.
quæ in rebus desperatis & afflictis, patriæ suæ trā-
quillitatem & salutem pepererunt. Iam & illis fe-
rè temporibus Tomiris Scytharum regina Cyrum
potentissimum Persarum regem incredibili animi
elatione fudit & cæcidit. Et apud Romanos Chlœ
lia virgo nouo stratagematis genere vniuersum
fœminarum genus illustrauit, præclarumque toti
mulierum posteritati imitandæ virtutis suæ stimu-
lum iniecit. Ad harum egregias dotes & propè di-
uinam naturæ vim si qua ex nostris mulieribus sese
adiunixerit, illi opinor concessu omnium ad sum-
mam rerum gerendarum autoritatem aditus erit,
licebitque ei consiliorum in republica sociam, sal-
uis forsitan legibus numerari. Nam & Plato ma-
ximus & dicendi, & intelligendi magister, non om-
nino fœminarum principatum è ciuitate sua su-
stulit: si tamen in earum animis virilis splendor elu-
ceat. Quia tamen plerunque euenit , vt mulieres
vel ab ipsa natura effœminatos & muliebres ani-
mos gerant, non sine ratione maiores mulieribus

viam ad honores & magistratus præcluserūt: quod ad illam rerum bene gerendarum gloriam, nihil instrumenti vel à natura, vel à domestica sua incitatione habere videantur. Non est verò consentaneum ut quæ & priuatim & publicè à rerum administratione sunt exclusæ, ex foris & domi magistratus instituant: vt nulli perdiu bono ad honores ordinatim in republica petendos, nisi illarum arbitratu, gratia, suffragio & renuntiatione, aditus possit patere.



Homo homini Deus.

Ex Plutarcho.



Dum gemit impetu b.s pondere, dumq; camelū
 In partem accepti muneris ire roga;
 Denegat ingratus scias in pondera vires,
 Et veteris fœdus negligit hospitiū.
 Verūm vbi tot miserum iugacōpressere iuēcū,
 Cum bove & illius ferre iubetur onus.
 Si potes obsequium rēpetenti confer amico,
 Et meruius h̄ominem demeare tuis.

X ij

” **I**c v t deorum & hominum causa creatum
” **S**esse mundum philosophorum semper consen-
” sus fuit: ita & hominem hominis causa. Vt enim ea
quæ vicissitudine anniuersaria terra marique pro-
creantur, hominum vtilitatibus inseruiunt: & ta-
ta est in nos naturæ benignitas, vt etiam ex iis quæ
ad nocendum facta sunt, aliquis fructus capi pos-
sit: sic par rerum fruendarum commoditas & gra-
tia quam à Deo immortali accepimus, homini ab
homine referēda est. Nam æqualium studiis & ne-
gotiis deesse cum opus erit, tam certè contra natu-
ram est, quam contra Euangelicas cautiones: ad
quarum præscriptum qui se applicauerit, non ef-
ficiet, vt aut in referendis beneficiis fidem à se suā,
aut collocandis, liberalitatem requiri patiatur.
Qui autem in externis rebus ex vulgi sententia,
potissimum fortuna dominatur, iis qui temporis
valent animaduertendum erit, ne cuius euer-
sam afflictamque fortunam aspernentur: sed eos
opibus suis tueri debebūt, à quibus fortuna vtrin-
que commutata se magnopere cuperent in codem
genere sustentari. Nam secundis illorum rebus ad
inopiam redactis, eueniet vt quod in hominum
euentis propè consuetum est, illis in poena & fla-
gitio deputetur.

In

In simulachrum t̄ns dīx̄ oñs. Ex Appelle.

Contra eos qui antequam bona relati
inter reos ex commissio in fiscum defe-
rantur, ea petunt à principe.



Prebit Appellaum vindex calunnia nomen,
Ast eadem afflicti proditur arte rei.
Sector in insontes oculis signate cruentis,
Iam ne indemnati prædia p̄scerei.

X iiij

A L I V D.

A spice ut immanis toruo calumniæ vultu,
Fuomit accensa fulmin. et dira face:
Vtq; tenet puerum passis fui ibunda capillis,
Testantem magni numina summa lous.
Anteit & toruo miserandus liuor ocello,
Quem toto fusus corpor e languor habet.
Vtq; comes structis se uitur fallacia technis,
Ei multo infanis sanguine Predicō.
Iamque Midæ auriculis alter spectatus & auro,
Porrigit hnic grati sign. i sui ercili;
Multa super multis quarens, dñ mutua pōdet
Munera del. vi, tristia pensa rei.
Sed latet à tergo lacera gutta voia lacerna,
Multa gemens vitæ fata nefanda suæ:
Et veri fecit a nplexus atq; scula, nec se
Illius indignam iudicat esse manu.
Quot superi falso calumnia nomine pressit,
Quotque nigris (miserūm) cōtudit illa fabris
Quot bene numinatos tristem cōiecit in vrna,
Qui fisco tacit as præparat insidias?
Quiq; sub incertis metuenda sortibus vrnae,
Postulat insonis gemmea culta rei.

NARRATIO PHILOSOPHICA.

Ex eadem illa malorum omnium parente cu-
 piditate & altera profecta est, quæ Calumnia
 nominatur. Hanc quædam pestes hominum aliena
 laude fortunaque dolentium semper in regen-
 dis ciuitatibus quasi ducem & magistram statue-
 runt: quod opinor sine ea diutius stare se posse non
 existimaret. Quia enim si vetera recordamur, nulla
 unquam tam felix aut tam bene morata ciuitas fuit,

quæ auaritia vacare potuerit: ita & singulis etatis bus extiterunt ij, qui nulla alia causa sibi rempublicam attingendam esse iudicarent, quām ut bonorum ciuium si fieri posset dominatum oppri- merent & delerent. Qui enim aliquem in republi- ca principatum animo sibi fingunt, qui non modo soli dominari volunt, sed propemodum soli & esse & viuere: qui è re & dignitate sua esse non putant, aliquos in ciuitate degere, qui opibus antecellant, qui aliorum patrimonia exhaustiunt & expilant, habent certè & impunitatis & virtutis loco cum iis de capite dimicare, qui fortunis stis spoliari se à quo animo ferre non possunt. In quo valde dolendum est tantum vim & tumultum in rerum gubernaculis valere, vt iustitiae præcepta deleantur. Sed ex omnibus malis nullum est capitalius quām esse aliquos, qui eam iuris constituti àequabilitatem quæ in bonis beneficio retinendis omnino posita est, ad bonorum perniciem conferre velint: vt quos priuata vi & domesticis insidiis summuere nequeunt, eos iudicum sententiis & decretis opprimant. Sed quemadmodum ignavi fuci, cum in otio viuant, neque mel confiant, ipsi tamen, vt inquit ille,

Μελισσῶν πάμποτε τρύχοντι πάρησαν οὐδοντες:
ita nōnulli sunt qui cū omnē vitæ fructū in remis-
sione & lenitate ponāt, neq; quicquā homini me-
lius aut optabilius esse putēt, quām iis ipsis obli-
etamētis animū explere, in quibus vulgo vita bēata
posita est, id tamē agūt vt eorum qui perpetuō in
cōtētiones sunt, cursum & laborē interpellēt. Habet

verò rationē vt quos in capit is discrimē adduxeris,
 eorū bona tibi ex rescripto quasi iure vindices: &
 quos reos vel falsō vel subiectis testib⁹ annotādos
 curaueris, eorū hæreditatē ex proscriptione cernas
 aut capias. Iā apud Romanos principalibus rescri-
 ptis cauebatur, ne ea bona, quæ ex quo quis cōmissio
 in fiscū delata essent, priuati à principe impetrarēt,
 pena iis qui cōtra fecissent à lege cōstituta. Sed ta-
 mē quia tātū de prisca seueritate virtuteq; disces-
 sum est, vt etiā reorū bona qui nondū sunt iudicati
 & peracti, auarorū hominū cupiditate cōcedātur,
 nō est mirū si multi boni viri nefariorū dolo & la-
 queis irretiti teneātur. Qui enim ex sentētiis iudi-
 cū & reorū cōdēnationibus lucrū facturi sunt, quia
 illis in reorū periculo & iactura cōmissi quāstus
 positus est, in eo ferè causa cōstāte occupari solēt,
 vt quos iudicatos facere volūt, & testibus redēptis
 & tabulis cōfictis obruāt. Ita fit vt vno calūniæ cō-
 mēto & iudicatiū religio circūuēta, & reorū inno-
 cētia afflīcta iaceat & oppressā. Quod fortasse ma-
 lū pridē bōnorū virorum intercessione fuisset anti-
 quatū, si cōtra vim auaritię p̄clarissimis institu-
 tis potuisset esse locus. Sed quēadmodum summus
 ille pater sapiētię Plato, eā sibi nō attingēdē reipu-
 blicæ causam esse dicit, quōd homines suos quos
 dicēdo persuaderi posse diffidebat, cogi fas esse nō
 arbitraretur: ita neq; optimi & fortissimi viri cō-
 tra res tā perditas & exulceratas omnino sibi cōtē
 dēdū esse putant, neq; in propinquō discriminē de
 republica referendum: quōd opinor res tā prostra-
 ta & cuersa nulla ratione aut cōsilio attolli queat.

Cyc



Cycnus.

Honor alit artes.

Non canit assueta Cycnus vocalis in vnda,

Ni Zephyri spiret moll.or aura sibi.

Classica proposito sapienti.a crescit honore

Speratque alitur docta Minerua lucro.

Sic tua Mecenas circumstetit aura Maronem,

Et cœpit Clario gravior esse Deo.

In vitem.

Non erudiendos priuatim adolescentes.

Incrementa parit votro vicinia botri,

Inq, vicem auxilium præstat vterque sibi.

Mollior obscura iuuenis ne discat in umbra,

Sed studijs comitem comparet ille suis.

In Atlantem.

Astrologia.

Distinctum stellis cælum fert maximus Atlas,

Atque humeros oneri fertur habere pares:

Vnde illi cecidit tantæ prouinciæ sorti?

Quis Deus hunc tantum munus obire dedit?

Qui bene Virgilias, fratriuin quoque lucida signa

Nouit, & Arctoi sydera clara poli:

Et cui lactis iter notum, & dimensio cali:

Is magnum Aetherei sustinet axis onus.

In tumulum Aemiliij Ferretti.

Qui dignos cumuli persoluere querit honores
 Extinctis docti manibus Aemiliij:
 Bis sensus sculpto describat in ære tabellas,
 Et ponat Latiae ciuica iura togæ.
 Addat pontificum pôsitos ex ordine fastos,
 Chaldaicis olim prodita scripta natis.
 Adiungat pictæ cælata emblemata lingue,
 Verba que rapi di fluminis instar eunt.
 Addat & Aoniae plauta fronte sorores,
 Et quæ larga suis munera dant Charites.
 Jungat gramineæ certamina cruda palestria,
 Et statuat verso spicula torta ingo.
 Hac igitur (miserum) tristis clauduntur in urna,
 Lus, & ferrea vox, atque muñios te lôcos.

In statuam Timothei Athæni.

Cum in omnibus rebus, tum maxime in re militari plurimum Fortuna potest.

Timothee hos hostes tibi suspendere Colossoſ,
 Hæc tibi sunt forti conciliata manu:
 Téque unum ex multis fortuna sacrauit alumnū,
 Illa quiescenti dum tibi signa refert,
 Cogit & hostiles ignota in retia turmas.
 Atque audax positis decipit insidiis.

Liberum arbitrium.

Ex Homero.

Dic mihi Maonius quorsum duo dolia vates
 Dixerit in magni limine fixa Ionis?

An

An quod spectat & nobis virtutis imago;
 Et vitijs species ponitur ante oculos?
 Ergo ex alterna qui nascitur hauriat olla:
 Omnibus ex auro se dat vterque cadus.

Intus vino, & extus oleo.

Maximus archetypo qua concinit ore Machaon,
 Quotque Melampodus dat monumentalib[us]:
 Quotque soporatis serpens Epidaurius herbis
 Astruit, id totum cernitur in tabula.
 Im frequens modico praecordia perlue vino,
 Doctus abundantem vincere pituitam:
 Et firma externos sub pollinctor meatus,
 Hoc est vel medicis certius antidotis.

In statuam Boni Euentus.

Ex Ephranore.

Qua statua excuso longè spectata Solofos?
 Et quorsum artifices in sua dona manus?
 Quare gramineis bellè illustratur aristis,
 Et cur lethæum dextra papauer habet?
 Ecquid lenao secundus crater honore
 Aleuæ exiremis prominet articulis?
 Hic bonus euentus Romanis notus in aris,
 Cuius te poterit summa beare manus.

Mirabile de equa.

In mulieres nimium sibi ex forma placentes.
 Si semel in placida formam conspexerit vnda
 Mitis equa, horrendam vertitur in rabiem.
 Sicque puella sua nimium sibi conscientia forma,
 In veneris citius dulcia furtaruit.

In lite

In literam Pythagoræ.

Y

Monstrat iter duplex, tuid: in distincta litteris,

Quam cernis Sainij litera docta senis.

Huius & alterius lateris se ianua pandit,

Et facilem ingressum callis vterque facit.

Quisquis es in cursu vita qu'il lampada poscis,

Elige, sunt animo libera cuncta tuo.

Desine contortam fatis ascribere culpam,

Sed refer in tabulas acta nephanda tuis.

Aes Dodonæum.

In rabulas fori.

Me Dodonæi miserum sonus enecat æris,

Nec finit assueto membra sopore frui.

De vipera. Ex heiroglyphicis Aegyptiorum.

In impudicas mulieres.

Quæ struis insidias misero famosa marito,

Proijce crudeli Norica tela manu:

Vipera quondam te finxit imagine Memphis,

Quanihil in terris foedius esse potest.

Bos super linguam.

In proclamatores fori.

Qui longa in leuibus texit primordia causis,

Offenditque noua garrulitate patres:

Indicta linguam discat compescere multa,

Et post hac labijs ponere vincula suis.

In lapidem Tirreum.

Concordia fratrum.

Tirrei quamuis moles densissima saxi,

Mirum, nimirum, cœruleis æquora tranat aquis:

Quam

Quam si forte se cas in frust. & minutula sensim
Labitur, & quoreo nescia stare solo.
Coniunctos retinet quoties concordia fratres,
Quis poterit tant' eludere iura domus?

In molles.

Hinc proper ate, caput digito qui scalpit is uno;
Molles atque pigros nulla trophæa manent.

In Diogenem.

Nititur in populum Cynicus, vestigia figens
Altius, ut studijs plebis obesse queat.

In Trochum.

Lis litem generat.

Semet init Trochus, & tandem quoque concipit ex se,
Alteriusque opera non eget ad venerem.
Sic ex lice una sensim lis altera surgit.
Hac venit à nostris noxia Pragmaticis.

In elatos.

A spicce comprehensi sudantia terga Milonis,
Ut capias lachrymans explicet ille manus.
Sic fortes elata sui fiducia fallit,
Et saepe in præcep scorda superba trahit.

Fere idem in πανθεσ.

Auribus ipse lupum tenco veterator & audax,
Sed vah, suscep tum me male perdet onus.

In ritum veteris sacrificij.

Silentium & pax in matrimonio.

Quirem diuinam faciunt tibi pronuba Iuno,
Incenduntque aris thura Sabæa tuis:
Fel cæsa iaciunt altaria ad ipsa bidentis:
Sic priuata suo victimæ felle manet.

[Sic]

Hæc lex connubij est, iarum ponere fustus
In sancto coniux, debet vterque thoro.

In hyenam.

Ab adulatoribus fugiendum.

Postquam sœua hominis didicit cognomen hyena,
Vt aoret appellat nomine quemque suo:
Et blando humanas imitatur carmine voces,
Vt cadat in nassam preda vocata suam.
Falsus adulator, seruans in corpore virus,
Quos blandè appellat, clam facit ille reos
Turtur.

In præproperas nuptias secundas.

Ecce genit tristes amissi coniugis aras
Twtrur, & alterius negligi ille thorum.
Quid properas ierim gemiali accumbere lecto,
Dumque vtero gestas vota secunda periis?
Hoc est, crede mihi, cineres violare sepultos,
Tam cito se thalamis conciliare nouis.

Ad vetus Astrologorum in Aegypto tributum.

In nostrates medicos Prognosticorū mensularios.

Cum medici passim referant Prognostica Galli,
Séque velint Pharis variis esse pares:
Cur non fatidicis indicta solaria mensis,
Atque Blauevvōμοφ, munera iusta, nunt.

In nostrates mulieres.

Auri sacra fames.

Quæ sacras varijs implet suffitibus aras,
Et soli:as fundit nocte dicque pieces:

Commu-

Communitaque frequens rectæ ieiunia cœnæ,
 Et corpus miseris conficit illa modis:
 Hæc nunc ad noctem media sedet anxia mensa,
 Et numerat solidos, vile numismata suos.
 Gaudet & eiusdem numeros adducere summae,
 Ut viso roties expleat ære sitim.
 Quamvis magna aurum est, ut quos nec cursus honorum
 Detinet attonitos, comprimit æris amor.

Insignia eruditorum.

Ad Ioannem fratrem.

Siue voles gracili versus componere socco,
 Siue Sophoclaeis reddere scripta notis:
 Siue etiam causis solers versari agundis,
 Tæque tenet Pylij Suademedulla senis.
 Tot tibi sunt veneres, ut iuste credere quiuis
 Posset apes labijs mellificasse tuis.
 Ergo mihi Argiuas solus spectabere parma:
 Dignus & in nostris aureus esse sociis.

In Naphtam. Ex Plinio.

Laus benefactorum comes.


Insequitur Naphtam longè quam senserit, ignis,
 Et necis & vite fædus uterque ferit.
 Sic & virtuticomitem se gloria præbet,
 Et præclaras solet laus benefacta sequi.


Grauitas peccati.

Parvula dum rapidis agittatur cymba procellis,
 Nec iactu trepidi ponitur ira maris:
 Quidam præsenti monacho peccata fatentur,
 Placet ut iratum mens bene munda Iouem.
 Verum Amphitrite passim luctantibus Euris,
 Non iubet aquoreis fluctibus esse modum.

Confes-

Confessor monachus vecto um criminā portans,
Plus al ijs nauī creditur esse grauis.
Ergo illum attoniti vectores in mare mergunt,
Tum ratis in tuto cernitur esse vado.
Quām sit magna De. peccati sarcina nostri,
Scripturæ referunt sat monumenta sacrae.





INDEX EPIGRAMMA.

TΩΝ ΚΥΡΑΓΜΑ-
ΤΕ ΚΟΝΤΙΝΕΝ-

T V R.



- I**N simulachrum Iustitiae. Ex Chrysippo.
In iustitiam, ex Nigidio. In sordidè iudicantes.
Senatus Heliogabali. In iudicēς γυναικονρατσμένες
& vxoris imperio viuentes.
Ad Cupressum. In aulicos & admissionales. pag. 4
Ad sacrificia Phaselitum. In eos qui sibi diuites
sunt. 9
Ad statuam Iouis & Themidos. Iusta à Deo ro-
ganda. 12
In tumulum Chironis. Optimum ad felicitatem
quam ocissimè aboleri. 15
In magistratus iuuenes. Vix temere ante pilos ve-
nit sapientia. 20
Ad statuā Dianæ. In sordidos nostrorū mores. 24
In Catonem. Omnium rerū satietas, præterquam
disciplinæ. 30
In statuam Memnonis in Æthiopia. Contra aduo-
catos. 33

INDEX

In statuam Iouis. Vindicta diuina.	37
Ad ficum. In eos qui promittere, quām facere ma luerunt.	40
Ad araneam, vulgatum ex Diogene. In corruptos iudices.	43
Sybaritha in plateis. In leuiculos huiustēporis.	47
Libertas cuius proprium est, Sic viuere ut velis.	51
In symbolum Pythagoræ. In scaphio ne edito.	55
Ad statuam Cassandræ. In consuetudinem fori.	58
Ad statuam Palicorum. In periuria fori.	61
In statuam Iouis , ex Homero . Reges ad curam Dei pertinere.	65
Honor debitus. In disciplinam temporum .	69
In normam Lesbiam. Bonus iudex .	71
Ad fontem Dodonæ. In sibi præfidentes,	75
In Rhododaphnem . Scriptura sacra gladius an ceps.	79
In Lamachum ducem. Seueritas in bello.	83
Antronius asinus . Animī vires corporis viribus præstare.	86
In libram Critolai. Nihil virtute melius,nihil præ stantius,	89
In Herculem adhuc iuuēnem. Iuuentus virtuti ini tianda.	92
Ad Salamandram. In milites.	95
In equum generosum. Nequid vltra vires.	98
Ad statuam Bacchi. In πολυσάργυς iudices , pretio positos.	102
In rabulas & operarios lingua celeri . Parcè & ad clepsydrā loquendum.	106
In simulachrum deæ Agenioræ.Silentium.	109
Dori	

Dorica musa. In Iudices ἀλωροφάγος, quibus plus	
placent libelli ferentatiij quam supplices.	112
In friuolarium emptorem, ex Diogene. Homines	
oratio probat non vestis.	116
In amicitiam simulatam, ex Diogene.	119
Exemplum leuitatis. In leguleios qui doctores iu-	
ris contemnunt.	122
In Castorem & Pollucem. Amicitia fratrum.	126
Cor ne edito Ex symbolis Pythagoræ. In nostros,	
quibus Christianos homines curis huius sacerdo-	
ti arigi debere persuasum est.	129
In statuam Palladis. Praeclarissimum si aut reges	
philosophentur, aut philosophi imperent.	132
Antigenidæ ad discipulum. Non pendendum à iu-	
dicio imperitæ multitudinis.	135
Leo. Contra immoderatè agentes in rebus secun-	
dis.	138
In Satyrum. Contra sedentarios & cerdones, qui	
paulum ultra primas literas promoti, suo sensu	
in literis sacris versari volunt.	140
Vulgatum de hirudine. In pragmaticos æruscato-	
res.	146
Exemplum stultiæ. Cum pertinacibus non agen-	
dum.	149
Mendici pera. In auaros.	151
In morem Elephantorum. Non perdendum ami-	
cum ob bonum dictum.	154
Appetitus subsit rationi, ut equus sessori. Ex Pla-	
tone.	157
In Aspendium Citharistem. Contra amicos no-	
strates.	160

I N D E X

- In permutationem Diomedis & Glauci. Pax auro
redempta. 162
- In mortem Crassi. Mors vna beat & ditat. 165
- A mortuo tributū. Moderatio in vectigalibus. 168
- Contra veteres, nullam fortunam esse. Ex Augu-
stino. 171
- In Grillum. Voluptatem immanissimus quisque
sequitur lubens. 176
- Ferrum. In miseriam humanæ sortis. 178
- In Vulcanum. Sæpiissimè mundiores, rusticis & co-
cis esse $\alpha\gamma\alpha\phi\rho\sigma\tau\sigma\beta\epsilon\rho\varsigma$, hoc est uti Venere minus
propitia. 183
- In Platonem. Honor debitus viro docto. 187
- In Corycium. Nihil est, quod labore non asse-
quamur. 191
- Dipsas. In $\pi\alpha\beta\theta\epsilon\nu\omega\iota\omega\alpha\varsigma$ & sectatores meretri-
cum. 194
- In tabulas Hipparchi. $\Pi\acute{a}n\tau\alpha\ i\delta\lambda\mu\ \delta\iota\delta\ \delta\phi\theta\alpha\lambda\mu\delta\$
 $\eta\gamma\iota\ \tau\acute{a}\nu\tau\alpha\ \nu\acute{o}\iota\alpha\varsigma.$ 197
- Aspis. Amicitia post aras. 200
- In helluones librorum . Aliquando feriandum.
203
- In $\alpha\zeta\epsilon\mu\varsigma$ poëtarum prurientium . Ex Poly-
cledo. 206
- In perfunctoriè iudicantes.
- $M\acute{\i}nd\acute{e}\ \delta\iota\kappa\iota\omega\ \delta\iota\kappa\acute{a}\omega\varsigma\ \omega\acute{e}\nu\ \alpha\mu\phi\iota\iota\gamma\ \mu\iota\theta\iota\omega\alpha\kappa\delta\sigma\varsigma.$ 209
- Vetus nuptiarum ritus. In licetiam virginum. 212
- Ad Trapezitam. In Aulicos. 215
- In nodum Gordium. Virtuti fata plerunque ob-
stant. 219
- In Ana

P E G M A T I S.


In Anaxarchum. Dolor non est malum.	222
Noctua Cùm Turcis bellandum.	225
In Stesichorum. De mulieribus, neque bene, neq; malè loquendum esse.	229
In certamen equi & tauri. Libertatem vendit qui beneficium accipit.	232
In statuam deæ Viriplacæ. Concordiam in matri- monio colendam.	241
In herbam moly, ex Homero. Magnæ res sine ma- gnis periculis non fiunt.	245
Veritas in puteum demersa. Ex Democrito.	247
In resupinos. Ex Africano.	252
In immortalitatem litium. Ex Hieroglyphicis Ægyptiorum.	255
In morem Lacedæmoniorum. Contra mulierum licentiam.	259
Ad statuam Arimaspi. In sordidè & per gratiam iudicantes.	263
Vulgatum de opilione. Moderatio in subditos.	
267	
Appij infamia. In constuprata iudicia.	271
Ad imaginem Neurorum. Contra agentes in re- bus.	274
In Hesiodum. Dij laboribüs omnia vendunt.	278
Simulachrum trium Gratiarū, Aglaiae, Euphrosi- nes & Thaliæ. In amicitiam hodiernam, hoc est, vñque ad pecuniam exclusuè.	282
Contrarium priori. Ερμώνιος χάρις.	286
Ad Tenediam securim. Tribunal boni iudicis.	
289	


I N D E X


In veterem morem. Contra Parentes qui filios sine iudicio in monasteria coniiciunt.	291
In Lisymachum. In eos qui diuitiarum dulcedine deliniti ad Ecclesiæ gubernacula accedūt.	296
Exemplum sapientis & stulti. Lóginquitas temporis adfert omnia.	
In virgam Palladis. Scientiam ditare.	302
In oraculum Appollinis Sybarithis redditū. Deus dignitatis & gloriæ suæ retinens.	308
In amphionem. Pax.	
In Orpheum. Vis eloquentiæ quam Euripides reginam, Ennius flexanimam appellauit.	312
In tempora & mores. Mulier imperator, & mulier miles.	315
Homo homini Deus.	318
In simulachrum τῆς Διαβολῆς. Ex Appelle. Contra eos qui antequam bona relati inter reos ex commisso in fiscum deferantur, ea petunt à principe.	322
Cycnus. Honor alit artes.	325
In vitem. Non erudiendos priuatim adolescentes.	329
ibidem	
In Atlantem. Astrologia.	ibid.
In tumulum Āmylij Ferreti.	330
In statuam Timothei Atheniensis. Cùm in omnibus rebus, tum maximè in re militari plurimum fortuna potest.	ibi.
Liberum arbitrium, ex Homero.	ibid.
Intus vino & extus oleo.	
In statuam Boni Euentus, ex Ephranore.	331
ibid.	
Mir	


Mirabile de equa. In mulieres sibi nimium ex forma placentes.	ibid.
In literam Pythagoræ, Y.	332
Æs Dodonæum. In rabulas fori.	ibi.
De vipera, ex Hieroglyphicis Ægyptiorum. In impudicas mulieres.	ibid.
Bos super linguam. In proclamatores fori.	ibid.
In lapidem Tirreum. Concordia fratrum.	ibid.
In molles.	333
In Diogenem.	ibid.
In trochum. Lis litem generat.	ibidem
In elatos.	ibidem
Ferè idem, in παρθενοῖς.	ibid.
In ritum veteris sacrificij. Silentium & pax in matrimonio.	ibid.
In Hyenam. Ab adulatoribus fugiendum.	334
Turtur. In præproperas nuptias secundas.	ibid.
Ad vetus Astrologorum in Ægypto tributum. In nostrates medicos prognosticorum mensularios.	ibid.
In nostrates mulieres. Auri sacra fames.	ibid.
Insignia eruditorum. Ad Ioannem fratrem.	335
In Naphtam ex Plinio. Laus benefactorum comes.	
335	
Grauitas peccati.	ibid.

F I N I S .











RARE

85-B
27453

